

# মাধবরাও ।

( ঐতিহাসিক পঞ্চাঙ্ক নাটক । )

—:—

শ্রীমণিলাল বন্দ্যোপাধ্যায় প্রণীত

—•—

ষ্টার থিয়েটারে অভিনীত ।

প্রথম অভিনয় রজনী—

শনিবার, ৪ঠা বৈশাখ, ১৩২২ সাল ।

—

ষ্টার থিয়েটার হইতে

শ্রীযুক্ত অমরেন্দ্রনাথ দত্ত কর্তৃক

প্রকাশিত ।

—  
মূল্য এক টাকা মাত্র ।

---

---

Printed by Nabakumar Mondal at the Ramkrishna  
Printing Works. 347-1 Upper Chitpur Road, Calcutta.

---

---

# উৎসর্গ।



নাট্য-সাহিত্যের পরম পরিপোষক  
রঙ্গপুরাধিপতির পারিবারিক চিকিৎসক  
নাট্য-বন্ধু শুলেখক নাট্য-সমালোচক  
শুভানুধ্যায়ী সুহৃদ্বর

শ্রীযুক্ত ধীরেন্দ্রনাথ চট্টোপাধ্যায়ের

কর-কমলে—সমাদরে

সমর্পণ

করিয়া ধন্য হইলাম।

“নাট্য-মন্দির”  
৩৪৭/১ নং অপার চিৎপুর রোড,  
কলিকাতা।

নাট্যকার—

শ্রীমণিলাল বন্দ্যোপাধ্যায়।

# নাটোল্লিখিত ব্যক্তিগণ ।

## পুরুষগণ ।

মাধবরাও	...	...	পুণার পেশোয়া ।
নারায়ণরাও	...	...	ঐ কনিষ্ঠ সহোদর ।
রঘুনাথরাও	...	...	ঐ পিতৃব্য ও প্রতিনিধি ।
আপাজিরাও	...	...	ঐ শ্যালক ও সেনাপতি ।
কুছুমতাস্তিরা, শিবপস্থ ও জনার্দন ভানু	...	...	ঐ সেনানীগণ ।
সখারাম	...	...	বঙ্গদেশী ব্রাহ্মণ ।
জানৌর অ্যাগ্রে	...	...	বর্গি-সর্দার ।
হায়দর আলি	...	...	ঐ সহচর ।
টিপু সুলতান	...	...	মহীশূরের নবাব ।
গোলাম কাদের	...	...	ঐ পুত্র ।
কামতান ও কামতার	...	...	ঐ সেনাপতি ।
কামতান ও কামতার	...	...	ঐ সেনানীগণ ।

অমাত্য, রাজপ্রতিধিগণ, সেনানীগণ, রক্ষীগণ, সৈন্যগণ,  
পতাকাধারীগণ ইত্যাদি ।

## স্ত্রীগণ ।

রমাবাই	...	...	পেশোয়ার সহধর্মিনী, ( আপাজিরাওয়ের ভগিনী )
আনন্দীবাই	...	...	বেদনুরের দুর্গাধিষ্ণী ।
ইলাবাই	...	...	সখারামের পত্নী ।
জোবেদী	...	...	হায়দর আলির আত্মীয়-কন্যা ( টিপুসুলতানের প্রণয়িনী )

রক্ষিণীগণ, নর্তকীগণ, রমার সঙ্গিনীস্বরূপ, সখীগণ,  
নাগরিকাগণ ইত্যাদি ।



# ভূমিকা ।

—\*—

মাধবরাও—আমার তৃতীয় ঐতিহাসিক নাটক । মহারাষ্ট্রীয় ইতিহাসে পেশোয়া মাধবরাওএর নাম উজ্জ্বল অক্ষরে ~~দেদাশি~~ মান । সুপ্রসিদ্ধ ঐতিহাসিক গ্র্যাণ্ট ডফ্ সাহেব<sup>১</sup> এই মহারাষ্ট্র নরপতির চরিত্রালোচনা প্রসঙ্গে লিখিয়াছেন,—“The plains of Paniput were not more fatal to the Mahratta empire than the early end of this excellent Prince.” ফলতঃ এই বিচক্ষণ নরপতির অকাল মৃত্যুতে মহারাষ্ট্রসাম্রাজ্যের যে ক্ষতি হইয়াছিল, তাহা আর পূরণ হয় নাই । পেশোয়া মাধবরাও—তাঁহার স্বনামখ্যাত পিতামহ বাজীরাওয়ের ~~স্বামী~~ একাধারে আদর্শ শাসক, আদর্শ সেনাপতি, আদর্শ রাজনীতিক ও আদর্শ যোদ্ধা ছিলেন ।\*

পেশোয়া মাধবরাওয়ের পারিপার্শ্বিকগণের মধ্যে অনেকেই ঐতিহাসিক ব্যক্তি । জনার্দন ভানু, ( যিনি ‘নানা ফড়নবিশ’ নামে ভারতের শ্রেষ্ঠ রাজনীতিক বলিয়া প্রসিদ্ধিলাভ করিয়াছিলেন ) শিবপন্থ, রঘুনাথরাও, নারায়ণরাও, হায়দরআলি, টিপু সুলতান, গোলামকাদের, আনন্দীবাই—প্রভৃতির নাম বঙ্গীয়

---

\* পেশোয়া বাজীরাওয়ের কাহিনী মৎপ্রণীত “বাজীরাও” ও মাধবরাওয়ের প্রাথমিক পরিচয় “অহল্যাবাই” নাটকে দ্রষ্টব্য ।

পাঠক-সমাজে পরিচিত। এই সকল চরিত্র অবলম্বন করিয়া—  
 যতদূর সম্ভব ঐতিহাসিক সত্য অক্ষুণ্ণ রাখিয়া, এই নাটকখানি  
 প্রণয়ন করিয়াছি। মহীশূরাধিপতি নবাব হায়দরআলির সহিত  
 পেশোয়া মাধবরাওয়ের যে যুদ্ধকাহিনী এই নাটকে বর্ণিত হই-  
 যাচ্ছে, তাহা অতিরঞ্জিত বা কল্পিত নহে। আমার কোনও নাটকেই  
 আদি-নাট্যকালসুত্রে মুসলমান-চরিত্র বিকৃত করিয়া অঙ্কিত করি  
 নাই। এক দিকে যেমন সয়তানপ্রকৃতি গোলামকাদেরের চিত্র  
 প্রদর্শিত হইয়াছে, অপরদিকে সেইরূপ নরপিশাচ আপাজিরাও-  
 ঠের চরিত্র অঙ্কিত হইয়াছে। এই জাতীয় চরিত্র-চিত্রনে নাট্য-  
 কারের লেখনী স্বাধীন—ইহা বলাই বাহুল্য।

এই নাটকবর্ণিত কোনও কোনও চরিত্র ভবিষ্যতে ( এই  
 নাট্যকালসুত্রে কালের পর ) অধিকতর ( পাপ ও পুণ্য—দুই  
~~দুই~~ ) প্রসিদ্ধিলাভ করিয়াছিল। নাট্যকালসুত্রে তাহাদের  
 কাহিনী বিবৃত করিবার বাসনা রহিল। ইতি

নাট্য-মন্দির।

৩৪৭।১ নং অপার চিৎপুর রোড,  
 কলিকাতা।

শনিবার, ১১ই অগ্রহায়ণ, ১৩২২

শ্রীমণিলাল বন্দ্যোপাধ্যায়।

# মাধবরাও ।

—:o~\*~o~—

প্রথম অঙ্ক

—\*—

প্রথম গর্ভাঙ্ক ।



বেদনুর—পার্বত্যপথ। কাল—অপরাহ্ন।

আনন্দীবাঈ ও রঘুনাথরাও ।

রঘুনাথ ।—ধরা দাও নারী !—পালাবার আর উপায় নাই।

আনন্দী ।—এ নারীকে ধরতে পারে—ধরায় এমন পুরুষ নাই।

রঘুনাথ ।—এ তোমার অর্থহীন বড়াই ! ভেবে দেখো—সঙ্গী

শূন্য শক্তিশূন্য নারী তুমি,—আশে পাশে দুর্গম পাহাড়,—

সন্মুখে তোমার অস্ত্রধারী আততায়ী আমি ।

আনন্দী ।—আর সঙ্গীশূন্য শক্তিশূন্য কে এ নারী—তা কি তুমি

জান অস্ত্রধারী ?

রঘুনাথ ।—জানি—তুমি আনন্দীবাঈ ।

আনন্দী ।—সঙ্গে সঙ্গে তা হ'লে এটাও জেনো—আমি যেখানে

যাই, সেখানকার মাটি সৈন্যমূর্তি ধরে—পাথর সজীব হ'য়ে

উঠে—শিলা গোলা হ'য়ে ছোটে—বৃক্ষের পত্র অস্ত্র হ'য়ে

শত্রুর মাথায় পড়ে !

রঘুনাথ ।—আর শত্রু কি করে ?—মোহিনী রমণীর কমনীয় কণ্ঠ  
লক্ষ্য করে এইভাবে—

আনন্দীকে ধরিবার জন্ত বেগে ধাবন ; ক্ষিপ্ত ভাবে আনন্দীর  
অপসরণ, ভূতলে বাহু ও জালু স্থাপন পূর্বক পতন হইতে

রঘুনাথের আত্মসংবরণ )

আনন্দী ।—হাঁ—ঠিক এইভাবে আততায়ী অস্ত্রধারী—নারীর  
চরণে সসম্মানে অস্ত্র রক্ষা করে !—এখন আমার এই আদেশ,  
ওই অস্ত্র এই মুহূর্তে আমাকে সমর্পণ করো ; এতে যদি  
অসম্মত হও, তা হলে—( সঙ্গে সঙ্গে বন্দুকধারী সৈন্যগণের  
প্রবেশ ও রঘুনাথকে পরিবেষ্টন ) আমার এই শরীররক্ষী  
সৈন্যদল তোমাকে এইখানে কুকুরের মতন গুলি ক'রে বধ  
করবে ।

রঘুনাথ—আনন্দীবাদী ! জানো কি তুমি—এ আদেশ ক'রছ  
কাকে ?

আনন্দী ।—পেশোয়ার পিতৃবাকে—পেশোয়ার প্রতিনিধিকে !  
আরো শুনবে—তুমি যদি স্বয়ং পেশোয়া হ'তে, তাহলেও  
এই আদেশ শুনতে পেতে !—এখন আদেশ পালন করো  
রাও সাহেব !

রঘুনাথ ।—ওঃ !—আমি আজ নারীর কৌশলে পরাস্ত !

আনন্দী ।—সত্য ; কিন্তু এতে আশ্চর্য্য হবার কিছুই নাই,  
কৌশল কেবল পুরুষেরই বল নয়—কৌশল নারীরও সম্বল

আমি আজ এ অরণ্যে একাকিনী শুনে—তুমি তোমার সৈন্তশ্রেণী ত্যাগ ক'রে আমাকে এখানে বন্দিনী করতে এসেছিলে, ফলে আমার কোশলে তুমিই এক্ষণে বন্দির অবস্থা প্রাপ্ত হ'লে ! এইই অদৃষ্ট ! এইই নিয়তি ! এ শৃঙ্খল ছিন্ন করা মানুষের সাধ্যাতীত ;—সুতরাং শান্ত হও ; এখন আমার আদেশ মত কার্য্য করো—ওই তরবারি আশির পদতলে স্থাপন করো ; অবস্থা বুঝে কার্য্য ক'রো রঘুনাথরাও !

রঘুনাথ ।—জীবন সম্বন্ধে যোদ্ধা কখনো অস্ত্র ছাড়ে না । তবে তোমার মতন বীরাস্ত্রনাকে বীরের অদেয় কি থাকতে পারে ? আমার তরবারি পেলেই যদি তুমি তুষ্ট হও,—এখনই নিতে পারো ;—আর আমার কোনো আপত্তিই নাই,—এই আমার তরবারি গ্রহণ করো—

( আনন্দীবাঈএর পদপ্রান্তে হস্তস্থিত তরবারি নিক্ষেপ । )

আর কি নেবে বল ? এখনো প্রাণ আছে—প্রাণ চাই ?  
প্রাণ নেবে ?

আনন্দী ।—পুরুষের প্রাণ—পুরুষকার ; সে তো আগেই নিয়েছি, ষেটুকু রেখেছি—তা খোলাস মাত্র ! তার কোনো সামর্থ্যই নাই । তোমার এ পরাজয়—পুরুষকারের কাছে,—নারীর কাছে নয় ! স্বার্থের অঙ্গনে চক্ষু রঞ্জিত ক'রে পুরুষ আজ পুরুষত্ব হারা—একই রাজ্যে দুই রাজা জয়ধরজা

প্রতিষ্ঠা করতে চায় ! শক্তিনাশের আশঙ্কায় তারা  
প্রজার স্বন্ধে চেপে প্রতিষ্ঠা বজায় রাখছে—ফলে প্রজা  
ধনে প্রাণে সর্বস্বান্ত হচ্ছে । তাই পুরুষকার আজ পুরুষের  
হৃদয়-আগার পরিত্যাগ করে নারীর অঞ্চল আশ্রয়  
করেছে ! তোমায়—আমায় এ সংঘর্ষ নয়,—পুরুষকারের  
সঙ্গে পুরুষের এ সংগ্রাম !

( সৈন্তগণের হস্তে তরবারি প্রদান ; ইঙ্গিত ও

তাহাদের প্রস্থান )

রঘুনাথ ।—নারীকুলরাণী ! শুধু কৌশলে নয়—শক্তিতে নয়—  
তর্কেও আমি তোমার নিকট পরাজিত ! নারী-শ্রেষ্ঠ—  
সুন্দরী-শ্রেষ্ঠ—আনন্দীবাসি ! আজ ছোয়ার নিকট মহা-  
রাষ্ট্রের বিখ্যাত রাজনীতিক—কুটবুদ্ধি রঘুনাথরাও, ভারত-  
বিদিত—রাঘবদাদা, প্রসন্ন মনে আত্মসমর্পণ করেছে !—  
কিন্তু—কিন্তু—এই আত্মসমর্পণের সঙ্গে একটা উচ্চ—অতি  
উচ্চ আশা—আমার হৃদয়-মধ্যে প্রতিষ্ঠালাভ করেছে,—  
অভয় পেলে প্রকাশ করি !

আনন্দী ।—কি সে উচ্চ আশা রাওসাহেব ?

রঘুনাথ ।—তোমার পানিগ্রহণ !—সুন্দরী ! তোমার সৌন্দর্য্যে  
আমি মুগ্ধ নই—মুগ্ধ তোমার কৃতিত্বে ! তোমার মত  
নারীরত্নের সাহায্য পেলে আমি অসাধ্য সাধন করতে  
পারি ! তাই তোমার সাহায্য প্রত্যাশা করি ; জীবনে

এই আমার একমাত্র উচ্চ আশা—এ ভিন্ন আর আমার কোনো আশাই নাই ।

আনন্দী ।—আর আমার কি আশা—শৈশব থেকে কি উচ্চ আশার উপাসনা ক'রে আসছি আমি—তা তুমি জান কি রাওসাহেব ? আমার আকাঙ্ক্ষা—অখণ্ড প্রভুত্ব স্থাপন, আমার লক্ষ্য—পুণার সিংহাসন ; আমার আকিঞ্চন রাজ-মুকুট মস্তকে ধারণ ! এ আশা—এ আকাঙ্ক্ষা—এ কাঙ্ক্ষা আমার শৈশবের স্বপ্ন—যৌবনের তপস্যা ; আমার এ আশা যিনি পূর্ণ করতে পারবেন, তিনিই আমার পানি-গ্রহণে সক্ষম হবেন ।

রঘুনাথ ।—তবে বোধ হয় তোমার সাহচর্য্য-লাভ আমার পক্ষে অসম্ভব হবে না ।—যে উচ্চ আশা তোমার উপাস্য, তাই যে আমারো আরাধ্য আনন্দীবাদী ! অন্তরের এই অতৃপ্ত বাসনা চরিতার্থ করবার জন্যই যে তোমার সাহচর্য্য প্রত্যাশা ক'রেছি সুন্দরী ! তোমার মতন আমারো যে প্রধান আকিঞ্চন—পুণার সিংহাসন ।

আনন্দা ।—তা আমি জানি ; জানি ব'লেই তোমাকে আজ এভাবে আকর্ষণ ক'রে এনে তোমার হৃদয় অধিকার ক'রেছি । কিন্তু রাওসাহেব, তোমায়-আমায় আজ যেমন পরীক্ষা হয়েছে, পেশোয়ার সঙ্গেও অচিরে এমনই পরীক্ষা হবে, সে পরীক্ষায় যদি আমি জয়ী হই—তা হ'লে



পেশোয়ার অঙ্কলক্ষী হবো ; আর যদি পরাজিত হই—তখন তোমাকে আত্মদান ক'রবো—তোমার সাহায্যে বাহুবলে পেশোয়ার মুকুট লুণ্ঠন ক'রবো—জগতকে জানাবো—সংসারে আনন্দীবাঈয়ের অসাধ্য কিছুই নাই ! এখন বিদায় রাওসাহেব—যথা সময়ে অবশ্যই সাক্ষাৎ হবে । ( প্রস্থান )

রঘুনাথ ।—আশ্চর্য্য রমণী ! আশ্চর্য্য ক্ষমতা !—এক নিমিষে বাতাসে মিশে যেন অদৃশ্য হ'লো ! আমার বাসনা—আমার যা লক্ষ্য—আমার যা কামনা—এরও দেখছি অবিকল তাই ! এই রমণী-রত্নকে যদি সহধর্ম্মিনীরূপে পাই, তা হলে বোধ হয় পুণার সিংহাসন করায়ত্ত্ব করা অসাধ্য হয় না । পুণার সিংহাসনের ওপর আমার আশৈশব লক্ষ্য ; এ সিংহাসন অধিকার করবার চেষ্টারও ক্রটি করিনি, কিন্তু ভ্রাতৃপুত্র মাধবরাও আর তার মহাবুদ্ধিমতী মতিষী রমাবাঈএর বুদ্ধি কৌশলে আমার সকল চেষ্টাই পণ্ড হয়েছে । পত্নীর অকাল মৃত্যুতে—বিশেষতঃ তার অন্তিম-কালের অনুরোধে পেশোয়ার বিরুদ্ধে আর বড় একটা মনোনিবেশ করিনি, ছুরাকাজ্জা এতদিন সুপ্ত ছিল,—কিন্তু অদ্যকার ব্যাপারে আবার সে সুপ্ত-কামনা জাগ্রত হয়ে উঠে আমার উদ্ভাসিত হৃদয়কে উদ্ভাসিত ক'রে তুলেছে ! জানি না—এ কামনার পরিণাম কি ? ( প্রস্থান )



## দ্বিতীয় গর্ভাঙ্ক ।

বেদনুর—সীমান্ত । কাল—সায়াকু ।

কুঙ্কুম তান্তিয়া, পেশোয়ার পতাকাধারী ও প্রহরী ;—  
অন্যদিকে ফয়জল আলি, কামতার, হায়দর আলির পতাকাধারী।

ফয়জল ।—কি তান্তিয়াসাহেব ! আপনাদের কর্তা গেলেন কোথায় ? দেখতে দেখতে সন্ধ্যা হ'য়ে গেল যে ! আর কতক্ষণ অপেক্ষা করি ?

কুঙ্কুম ।—যখন রাওসাহেবের ফিরতে এত বিলম্ব হচ্ছে, তখন বোধ হয়, তিনি আনন্দীবাস্তিএর সঙ্গে সাক্ষাৎ ক'রতে গেছেন ।

ফয়জল ।—কেন ? কেন ? সেই লড়ায়ে আওরতের সঙ্গে তোমাদের কর্তা সাক্ষাৎ ক'রতে যাবেন কেন ?

কুঙ্কুম ।—আমাদের কর্তা তো আর তোমাদের মতন বেকুব নন, তিনি গোড়ায় চোপ দিতে চান ; কেননা—এই আনন্দীবাস্তি হচ্ছে—সকল বিভ্রাটের মূল । এ অঞ্চলে তোমরাও যেমন প্রভুত্ব কর—আমরাও ঠিক তেমনি করি ; তোমরা যে প্রজার কাছ থেকে খাজনা আদায় কর, আমরাও সঙ্গে সঙ্গে তারি কাছ থেকে সেই মত খাজনা আদায় ক'রে নিই ! কিন্তু সেই সব আদায়ী টাকা—তোমার মনিবও পায় না,

আমার মনিবের কাছেও যায় না ! যেমন আদায় হয়,—  
সঙ্গে সঙ্গে অমনি আনন্দীবাজীর বরকন্দাজরা যমের  
মতন দেখা দিয়ে সে সমস্তই লুটে নিয়ে যায় ! কাজেই  
এ ব্যাপারের মীমাংসা ক'রতে হ'লে আনন্দীবাজীকে চাই ।

ফয়জল ।—হাঁ—হাঁ—আলবৎ চাই ! সালিসি করতে এসে যদি  
এমন একটা আওরতের মতন আওরতের দেখা পাই—  
তা মন্দ কি ? আর যদি তেমন তেমন দেখি—তা হলে  
চুলের মুঠি না ধ'রে—ঘোড়ার ওপর চাপান দিয়ে একবারে  
মহিশূর !—কি বলিস কামতার ?

কামতার ।—ঠিক ! ঠিক !—আনন্দীবাজীর খোসনাম শোনা  
আছে—ভারী নাকি জবর আওরত আছে ;—তা এখানে  
বাজী আসবে তো ?

কুঙ্কুম ।—তা এখন কি করে বলি বল ।—আচ্ছা তোমাদের  
মনিব—নবাব হায়দর আলি কি চান ?

ফয়জল ।—আমাদের নবাব দুইটি জিনিষ চান ; প্রথম—যারা  
তাঁর কর্মচারীদের কাছ থেকে আদায়ী টাকা লুট  
ক'রেছে, তাদের তিনি বন্দীরূপে দেখতে চান । দ্বিতীয়—  
এই অঞ্চলটির ওপর নবাব তাঁর সম্পূর্ণ প্রভুত্ব চান ;—এর  
জন্য বরং তিনি তোমাদের মনিব পেশোয়াসাহেবকে  
কিঞ্চিৎ অর্থ দিতে প্রস্তুত আছেন ।

কুঙ্কুম ।—আর আমাদের পেশোয়া কি চান—তা শুনেছেন কি ?

আপনার নবাবের লোকেরা এ অঞ্চলে এসে উপদ্রব করে—  
নিরীহ প্রজাদের কাছ থেকে বলপূর্বক অর্থ আদায়  
করে—একথা শুনে পেশোয়া মহাক্রুদ্ধ হ'য়েছেন ; তিনি  
আপনাদের নবাবকে জানাবার জন্য আমাদের ব'লে  
দিয়েছেন—দ্বিতীয়বার যদি এরূপ ঘটনা ঘটে—মহীশূরের  
কোনো কর্মচারী যদি এ অঞ্চলে প্রবেশ করে, তাহলে  
তদুপে তাকে অপরাধী ব'লে বন্দী করা হবে ।

ফয়জল।—বটে ! আপনাদের পেশোয়া তাহলে খাপ্পা হয়ে  
উঠেছেন ! কিন্তু তাঁর কথা খাটছে না ।

কামতার।—কখনই নয়, —এই বেদনুর আমরা নোবই ;—  
এই পতাকা আজ এইখানে বসিয়ে যাবই । এই—বসাও  
পতাকা—

ফয়জল।—হাঁ—হাঁ—এইখানে লাগাও—

কুকুম।—তাহলে কিন্তু ভয়ঙ্কর গোলমাল হবে ।

ফয়জল।—হাঁ হাঁ—হবে তো হবে—লাগাও পতাকা, গোলমাল  
তো হচ্ছেই—আবার হবে কি—লাগাও—

কুকুম।—(মহারাষ্ট্র পতাকাধারীর প্রতি)—এই ! তুইও তাহলে  
এইখানে পতাকা বসা ।

( উভয় পক্ষের পতাকাধারী পতাকা স্থাপনে প্রবৃত্ত—

বন্দুকধারী বরকন্দাজগণসহ আনন্দীবাঈএর প্রবেশ

আনন্দী । ওঠাও পতাকা—এই দণ্ডে ওঠাও !

সকলে ।—কে—কে—কে—( তরবারি নিক্ষেপণ )

আনন্দী ।—ফেল অস্ত্র—আমি আনন্দীবাস্তি !—সৈন্যগণ ! এদের  
ওপর বন্দুক—

ফয়জল ।—থাক্—থাক্—যথেষ্ট হয়েছে—ফেললুম অস্ত্র ;—

কামতার ! ছাড়ান দে—গুলি ছোটাবে নৈলে—

কামতার ।—আচ্ছা—( তরবারি ত্যাগ ) ।

কুঙ্কুম ।—তুমি কি জন্ম—

আনন্দী ।—চোপরাও পাজী—এই—এর গর্দানা—

কুঙ্কুম ।—না—না—এই ফেলেছি অস্ত্র—

আনন্দী ।—( সৈন্যগণের প্রতি )—সব অস্ত্র তুলে নাও,—ওই

হুজনের কাছ থেকে পতাকা কেড়ে নাও, যদি বাধা দিতে

চায়—গুলি ক'রবে । ( সৈন্যগণ কর্তৃক উভয় পক্ষের

পতাকা গ্রহণ ) এদের কাছ থেকে সতরী কেড়ে নাও—

ফয়জল ।—(হাত দিয়া সতরী চাপিয়া)—য়্যা য্যা—সতরী—

কামতার ।—জান দোব তো সতরী ছাড়ব না—

আনন্দী ।—কেড়ে নাও সতরী—তলোয়ারের চোটে হাত কেটে

দিয়ে সতরী কেড়ে নাও ।

( সৈন্যদের তরবারি নিক্ষেপণ ) ।

ফয়জল ।—হাঁ—হাঁ—হাঁ—হাত নামিয়েছি—

কামতার ।—আরে বাপ—নাও সতরী ! জানের চেয়ে সতরী

বড় নয় !

( সৈন্যদের সতরী গ্রহণ ) ।

আনন্দী।—এইবার তোমরা নিজ নিজ প্রভুর কাছে গিয়ে এই এত্তেলা দাও,—বেদনুরের আনন্দীবাসী তোমাদের সর্বস্ব কেড়ে নিয়ে তাড়িয়ে দিয়েছে!—আমার মন্তব্য এষ্ট—একই নগরে দুই নৃপতির স্থান নাই!—হয় পুণার পেশোয়া—নয় মহীশূরের হায়দর আলি—একজন এই বেদনুরের অধিকারি, দুইজন নয়!—তফাত হুও তোমরা। কশাঘাত করে এদের সকলকে তাড়াও—

( দুইজন সৈন্যের কশাহস্তে উভয় পক্ষকে আক্রমণ )

কুকুম।—ওঃ—ওঃ—ওহো হোঃ—( পলায়ন )।

রক্ষীদ্বয়।—বাপ্—বাপ্—বাপ্—( পলায়ন )।

ফয়জল।—আঃ—আঃ—আঃ—উঃ উঃ—কামতার ( পলায়ন )

কামতার।—বস্ করো বাপ্—মাপ করো বিবিজান—জান  
ছুটল—( পলায়ন )।

আনন্দী।—( স্বীয় সৈন্যদের প্রতি )—প্রাসাদে চল।

( সৈন্যদের প্রস্থান )

সমস্তা এবার জটিল হতে জটিলতর হবে! বামে মহীশূরের সের—দক্ষিণে পুণার সিংহ;—সিংহ শাঙ্গীলে সংঘর্ষ হাব—আর এই তর্জনী সঞ্চালনে আনন্দীবাসী তাদের নাচাবে!

## তৃতীয় গর্ভাঙ্ক ।

শ্রীরঙ্গপত্তন—প্রাসাদ-কক্ষ ।

হায়দর আলি ও টিপু সুলতান ।

হায়দর ।—পুত্র ! তিল তিল করে হৃদয়ের শোণিত সেচন করে  
কি ভাবে আমি এই বিপুল মহীশূর প্রদেশে নবীন মুসলমান  
সাম্রাজ্যের প্রতিষ্ঠা করেছি, তুমি তা জান ; কেননা এই  
সাম্রাজ্যের ভিত্তিমূলে আমার হৃদয়-শোণিতের সঙ্গে  
তোমার আর সেনাপতি গোলামকাদেরের চেষ্ঠা, যত্ন, পরি-  
শ্রমের যথেষ্ট সংশ্রব আছে ।—কিন্তু আজ আমাকে অত্যন্ত  
দুঃখের সঙ্গে প্রকাশ করতে হচ্ছে যে—মহীশূরের এই  
মুসলমান সাম্রাজ্যের যে দুটি দৃঢ় স্তম্ভ,—আমার প্রধান  
অবলম্বন—সাম্রাজ্য-বিস্তারে আমার খালি স্বরূপ,—তাদের  
পরস্পরের মধ্যে কিছুমাত্র সম্প্রীতি নাই—আত্মকলহে তারা  
একেবারে আত্মহারা !—কথাটা আমার বুঝতে পারছে  
পুত্র ?

টিপু ।—বুঝতে পেরেছি পিতা,—কিন্তু এ সম্বন্ধে আমি  
নিরপরাধ ।

হায়দর ।—গোলামও ঠিক এই কথা বলে ; তার বিশ্বাস—সকল  
দোষ তোমার ।

টিপু ।—পিতা ! সকলে জানে—টিপু সুলতান স্পষ্টবাদী, সত্য কথা বলে ; দোষ করে সে কখনো অস্বীকার করে না !—গোলামের ওপর আমার ব্যক্তিগত কোনো বিদ্বেষ নাই পিতা ; তবে আমি তার রূঢ় ব্যবহার—সয়তানের আচার, পশুবৎ প্রকৃতির পক্ষপাতী নই—এটা সত্য ।

হায়দর ।—পুত্র ! সর্বগুণের আধার হয়ে কেউ কখনো ছুনিয়ায় আসে না ; গোলামের প্রকৃতি অত্যন্ত ক্রুর, প্রবৃত্তি তার সয়তানের চেয়েও ভীষণ—তা আমি জানি, কিন্তু সে অদ্ভুত-কর্মা যোদ্ধা—তার সাহসের সীমা নাই ।

টিপু ।—তা হলেও সে নবাব হায়দর আলির অনুগৃহীত ভৃত্য—প্রভু নয় ;—নবাবের উচিত নয়—তার হস্তচালিত যন্ত্রের মত কার্য্য করা ।

হায়দর ।—সংঘত হয়ে কথা কও পুত্র ! হায়দর আলির সম্মুখে দাঁড়িয়ে কেউ এ পর্য্যন্ত এমন কথা বলতে সাহস করেনি ।—গোলামকাদেরের যুক্তি আমি বিনাতর্কে মঞ্জুর করি বলে তুমি আমাকে তার হাতের যন্ত্র বলতে চাও !—কিন্তু অর্বাচীন পুত্র—এটা তুমি স্বীকার করতে চাও না—গোলাম কাদেরের যুক্তি অতি সঙ্গত,—সে মুখে যা বলে, কার্য্যেও তা করে ।

টিপু ।—তেমন কার্য্য সম্পন্ন করতে নবাবের অনেক কর্ম্মচারীই পারে ।

( প্রহরীর প্রবেশ )

প্রহরী ।—জাঁহাপানা ! সেনাপতি সাহেব মুলাকাৎ করতে চান।

হায়দর ।—আচ্ছা—যাও । ( প্রহরীর প্রস্থান )

( গোলামকাদের ও আনন্দীবাস্ত্রীর ছুতের প্রবেশ )

গোলাম ।—তসলীম জনাব !

হায়দর ।—ও ব্যক্তি কে গোলাম ?

গোলাম ।—বেদনুরের আনন্দীবাস্ত্রীর ছুত,—নবাবের সঙ্গে  
সাক্ষাৎ করতে এসেছে ।

হায়দর ।—কি তোমার সংবাদ আছে ?

ছুত ।—নবাব ! আমাদের রাণী আনন্দীবাস্ত্রী এই সতরীগুলো  
আপনার কাছে ফেরত পাঠিয়েছেন ।

হায়দর ।—সতরী ! কার সতরী—

ছুত ।—সতরী আপনার প্রতিনিধিদের—যাদের আপনি বেদনুরের  
পতাকা প্রতিষ্ঠা করতে পাঠিয়েছিলেন ।

হায়দর ।—তাতে কি হয়েছে ? সে ব্যাপারের সঙ্গে এ সব  
সতরীর কি সম্বন্ধ আছে ?

ছুত ।—সম্বন্ধ যথেষ্ট আছে ;—আমাদের রাজ্ঞী আপনার প্রতিনিধিদের কাছ থেকে বাহুবলে পতাকা—তরবার আর সতরী কেড়ে নিয়েছেন ! পতাকা আর তরবারি তিনি ফিরিয়ে দেননি, পতাকা পুড়িয়ে দিয়েছেন,—তরবারি ভেঙ্গে কৃষ্ণার জলে ফেলে দিয়েছেন,—কেবল সতরী



নবাবের কাছে ফিরিয়ে দিয়েছেন ; কারণ নবাবের প্রতি-  
নিধিগণ পতাকা আর তরবারি অবাধে পরিত্যাগ  
ক'রেও সতরীর জন্ত প্রাণপণ প্রয়াস পেয়েছিল !—এই নিন  
আপনার প্রতিনিধিদের সতরী ।

গোলাম ।—জনাব ! এই কাফেরকে এই দণ্ডে এইখানে  
কোতল করবার হুকুম দিন ।

টিপু ।—কিন্তু এ কাফের ছুত মাত্র,—ছুত অবশ্য ।

গোলাম ।—মিথ্যাকথা—ছুষ্টভাষী ছুত অবশ্য বধ্য ;—হুকুম দিন  
নবাব—আমি স্বয়ং একে হত্যা করতে প্রস্তুত ।

হায়দর ।—ছুতকে বধ ক'রে কোনো ফল নাই—এ বেচারা  
অপরের রচনা আবৃত্তি ক'রেছে মাত্র । তুমি যেতে পার  
ছুত ; আচ্ছা দাঁড়াও—আমরাও একটা উত্তর দিই ;  
তোমাদের আনন্দীকে ব'লো—আজ হ'তে এক মাসের মধ্যে  
সমস্ত হিন্দুস্থানের লোক দেখতে পাবে—সয়তানি আনন্দী-  
বাগি মুসলমানের সতরী গায়ে দিয়ে—মুসলমানের পতাকা  
আর তরবারি স্কন্ধে করে শ্রীরঙ্গপত্তনের সিংহদ্বারে পাহারা  
দিচ্ছে ! যাও ।

( ছুতের প্রস্থান )

সেনাপতি ! ফয়জল আর কামতার আলি এখন যেখানে  
যে অবস্থায় আছে, সেখান থেকে সেইভাবে সেই অবস্থায়  
এখানে এনে হাজির করো—

## [ প্রহরীর প্রবেশ ]

হায়দর ।—কি খবর তোমার ?

প্রহরী ।—জাঁহাপনা ! সরদার ফয়জল আলি সাহেব হুজুরের—

হায়দর ।—ভালই হয়েছে তাহলে—এখানে নিজেই আসছে—

আন তাদের—

( প্রহরীর প্রস্থান )

' এই কাপুরুষদের কুত্তাকে দিয়ে খাওয়ালেও আমার রাগ পড়বে না ! সতরী—তলোয়ার ছেড়ে এলো—আমার নামে উঃ—

## [ ফয়জল ও কামতারের প্রবেশ ]

উভয়ে ।—( কুণিশ করিয়া ) জাঁহাপনা !

হায়দর ।—থাক্, তোমাদের সতরী কোথায় ? চুপ ক'রে

রইলে যে ? গায়ে সতরী নেই কেন ? ফয়জল ! আমি

স্বহস্তে তোমাকে যে তরবারি স্নেহের নিদর্শন স্বরূপ প্রদান

করেছিলাম,—সে তরবারি কোথায় ? খাপ খালি দেখছি

কেন ?

ফয়জল ।—জাঁ—জাঁ—জাঁহাপনা ! - আ—আ—আনন্দীবাঈ

বিশ্বাসঘাতকতা ক'রে হঠাৎ আক্রমণ ক'রে—

হায়দর ।—তোমাদের খাপ থেকে তলোয়ার খুলে নিয়েছে—

সতরীগুলো ফুলের মতন তুলে নিয়েছে, অথচ তোমরা

যোদ্ধা—তোমাদের গায় একটু অঁচড়ও লাগল না—তারাও

তোমাদের শক্তির একটু চিহ্নও পেলো না !—এই কথা  
আমাকে বুঝাতে চাও ?

কামতার ।—জাঁহাপনা ! সংখ্যায় তারা—

হায়দর ।—চোপরাও বেয়াদপ ! বাজে কথায় কর্ণপাত করতে

আমি অনিচ্ছুক । শত্রুর সংখ্যা দেখে যোদ্ধা ভয় পায় না—

ছুষমনকে সতরী আর তলোয়ার ছেড়ে দেয় না !

আমার সাহসী সেনানী ফয়জল আর কামতারআলি শত্রুকে

শির দিয়েছে কিন্তু ইজ্জত দেয় নি, একথা শুনলে আমার

আহ্লাদের সীমা থাকতো না—আমার বুকখানা গর্বে ফুলে

উঠত,—কিন্তু তোমরা আমার মাথা নিচু করে দিয়েছ—

মুসলমানের বীর নামে কালি দিয়েছ ; যে দেহ রক্ষার জন্য

তোমরা এমন নেমকহারামী করেছ—তোমাদের সেই দেহ

আমি কুকুর দিয়ে খাওয়াব ।

টিপু ।—নবাবের নিকট অধীনের এক আর্জি আছে ; এই ফয়-

জল আর কামতারকে বধ না করে অনুগ্রহ করে এদের

আমার হস্তে সমর্পণ করুন, আর আনন্দীবাস্তিকে দমন

করবার ভারও আমাকে দিন ; যে আনন্দীবাস্তি এদের অঙ্গ

থেকে অস্ত্র গ্রহণ করেছে, আমি সেই দর্পিতা আনন্দী

বাস্তিকে এদের সাহায্যেই জব্দ করে নবাবের তুষ্টি সাধন

ক'রব ।

হায়দর ।—উত্তম, তোমার এ আর্জি আমি পূর্ণ করলেম ; ত্রিশ

সহস্র সৈন্য নিয়ে তুমি বেদনুরে অভিযান ক'রবে । গোলাম-  
কাদের ! তুমি বিশসহস্র অশ্বারোহী সৈন্য নিয়ে টিপুকে  
সাহায্য ক'রবে ; আর তৃতীয় সৈন্যদল নিয়ে বেদনুরে আমি  
তোমাদের সঙ্গে মিলিত হ'য়ে একযোগে পুণা আক্রমণ  
ক'রব ।

[ প্রশ্নান ]

গোলাম !—[ স্বগতঃ ] এতে আমার লাভ বই ক্ষতি নাই !  
এখানে জোবেদী আর বেদনুরে আনন্দীবাসী এ দুটোই  
আমার চাই ।

[ প্রশ্নান ]

ফয়জল ।—সুলতান ! সুলতান ! আপনার অনুগ্রহে জান  
ফিরে পেলেম !

কামতার ।—গরীবদের তসলীম নিন সুলতান !

ফয়জল ।—হাজার তসলীম ! হাজার তসলীম !

টিপু ।—থাক্ থাক্ তসলীমে কাজ নেই, এখন একটু  
বিশ্রাম করগে আবার সেখানে যেতে হবে । আর  
তোমাদের সতরী নিয়ে যাও—

ফয়জল ।—আজ্ঞে আজ্ঞে এই চললেম তবে—তসলীম  
সুলতান তসলীম !

কামতার ।—তসলীম ! তসলীম !

[ কুনিশা করিতে করিতে প্রশ্নান ]

টিপু।—এই দুই অপদার্থ—যারা কেবল চাটুবাদেই প্রসিদ্ধ, তারা গেছে রাজনীতিক গোলযোগের মীমাংসা ক'রতে ! অতি বুদ্ধিমতী বেদনুরের আনন্দীবাসী, উপযুক্ত শিক্ষাই দিয়েছে ! এই আনন্দীবাসীএর কার্যকলাপ দেখে তার বীরত্ব-কাহিনী শুনে তাকে দেখবার জন্য, তার সঙ্গে পরিচিত হবার জন্য, তার সাহচর্য্য পাবার জন্য অধীর অন্তর আমার উন্মত্ত হয়ে উঠেছে ! এই আনন্দীবাসীকে আমি চাই ! যদিও জোবেদী আমার জীবনের ঋণভার—যদিও প্রেম-পাশে আমাদের উভয়ের হৃদয় একত্র বাঁধা—যদিও সে আমার জীবন-সঙ্গিনী আর আমি তার জীবন-সর্বস্ব, তবু—তবু—আমার এই আনন্দীবাসীকে প্রয়োজন !

( জোবেদীর প্রবেশ । )

জোবেদী ।—কোন অপরাধে জোবেদীর উপর এমন কঠিন শাস্তি প্রিয়তম ?

টিপু ।—শাস্তি ! তোমাকে শাস্তি ? তুমি যে আমার সর্বস্ব জোবেদী ! তোমাকে আমি শাস্তি দোষ ?

জোবেদী ।—এ শাস্তি নয় তো কি সুলতান ? কঠোর কশাঘাতে অঙ্গ আমার জর্জরিত না ক'রে, আমার চক্ষের ওপর আর এক রমণীকে এনে—অঙ্গে আমার তুষানল জ্বলে দেবার জন্য সচেষ্ট হয়েছ ! রমণীর প্রতি—প্রেয়সীর প্রতি এর চেয়ে আর কি কঠোর শাস্তি আছে সুলতান !

টিপু ।—কি ক'রব জোবেদী, নবাবের আদেশেই এই অভিযান !  
জোবেদী ।—মিথ্যাকথা, এ নবাবের আদেশ নয়, এ আদেশ  
তোমার মনের ! তোমার মনের অভিসন্ধি আমি যে সবই  
জানি সুলতান !

টিপু ।—জান যদি জোবেদী, তবে কেন এত কথা ব'লছ !  
জানতো তুমি—গভীর নীরবতার মধ্যে তীব্রতর কশ্মের  
'সঙ্গে ক্রীড়া ক'রতে আমি বড় ভালবাসি ।

জোবেদী ।—আমি কি তোমার ক্রীড়ার যোগ্য নই সুলতান ?

টিপু ।—তুমি আমার অতি চমৎকার ক্রীড়া-সঙ্গিনী জোবেদী,  
তোমার খেলায় সুধাংশুর অমলধবল জ্যোৎস্না ঢালা,—  
কিন্তু ঘোর নিরবচ্ছিন্ন জ্যোৎস্নায় হৃদয় তন্ময় হলেও প্রাণের  
পিপাসা মেটে কই ? তাই—তাই—মধ্যে মধ্যে বিছাৎ  
নিয়ে খেলতে সাধ হয় ! কিন্তু এর জন্ত তোমার কোনো  
চিন্তা নাই জোবেদী, মনে জেনো তুমি—তোমার স্থান  
সবার উর্দ্ধে । ( প্রস্থান )

জোবেদী ।—বড় একটা ভুল কথা ব'লে গেলে সুলতান !  
তোমার অন্তরের এক অংশ অপ'রকে দিয়েও জোবেদীর  
প্রণয়লাভের বাসনাকে যদি হৃদয়ে স্থান দিয়ে থাকো,  
তা'লে বড় ভুল ক'রেছ । জোবেদী তোমাকে ছাড়া  
ছনিয়ে আর কাউকে চায় না—তুমিও জোবেদীকে ছাড়া  
আর কাউকে চাইবে না—এই আমার ইচ্ছা ; এ ইচ্ছা যদি

পূর্ণ না হয়, তাহলে তোমায় আমার মিলন অসম্ভব !  
 আনন্দীর পুরুষোচিত কার্যকলাপে তুমি আজ বিমুক্ত !  
 উত্তম ; জোবেদীও পুরুষ-তুল্য কার্যকলাপে এইভাবে  
 তোমাকে মুক্ত ক'রবে—অবিলম্বে তোমাকে দেখিয়ে দেবে,  
 গভীরতর নীরবতার মধ্যে জোবেদীও তীব্রতর কৰ্মশীলা ।

## চতুর্থ গভাক্ষ ।



পুণা—আপাজিরাওয়ের বিলাসকক্ষ ।

আপাজিরাও, কুঙ্কুমতান্ত্রিয়া, নর্তকীগণ ।

( নর্তকীগণের গীত । )

ক'রেছি আমরা আজ কিছু কিছু মধুপান ।

হয়নি নেশার লেস, আছি বেশ, করে মন আনচান ॥

আজি নিশি মধুময় মধুপুরী তনময়

মধুমাথা মিঠি হাওয়া ফুর ফুর বয়,—

তর্ তর্ ছোট্টে সই মধুর তুফান ।

অঙ্গ পরে অঙ্গ হেলি আয় আয় উঠি ঠেলি

সাম্লে থাকিস যেন পড়িসনি লো চলি,—

চতুর অলি ডাকছে খালি, বলে,—কর মধুপান ;—

হানিছে সময় বুঝে খরশর পঞ্চবান ॥

( প্রস্থান )



কুকুম ।—হাঁহে আপাজি ! তোমার ইলার সংবাদ কি !

আপাজি ।—কেন বন্ধু, তুমি কিছু শোননি নাকি ? ইলা এখন এক বেটা বাঙালীর সঙ্গে লীলা খেলা ক'রছে যে !

কুকুম ।—য়্যা—বল কি ? তা ব্যাপারখানা কি খুলে বল না শুনি ।

আপাজি ।—বুড়ো মুরারিরাও বেটা অক্লা পেয়েছে—তা বোধ হয় শুনেছ; ওই বুড়ো বেটা তার মেয়ে ইলাকে আমার হাতে দিতে রাজী ছিল, কিন্তু মেয়েটা কিছুতেই রাজী হ'ল না ; ব'ললে—ও মাতাল, ওকে বে করব ? ছি ! বুড়ো বেটা গোঁড়া হিন্দু, মেয়ের মতে মত দিলে ! তারপর বাঙলা থেকে এক ব্যাটা বুড়োর বাড়ীতে উড়ে এসে জুটে বসে ; বেটা নাকি ভারি ওস্তাদ, ইলা বেটা নাকি তার সঙ্গেই পটেছে ; মরবার সময় বুড়োও নাকি ইলাকে সেই ভেতো বাঙালীটার হাতে সঁপে দিয়ে গেছে !

কুকুম ।—আর তুমি অপমানটা অস্বাভাবিক সহ্য ক'রে আছ বন্ধু ? তুমি সেই ছুঁড়ীটাকে জোর ক'রে ধ'রে এনে বিয়ে ক'রতে পারলে না ?

আপাজি ।—আরে পাগল তা'হলেই বুঝি জব্দ করা হ'ল ? বিয়ে ক'রলে তো সব মিট মাট হয়ে গেল ! কিন্তু আমি যে তাকে জব্দ ক'রতে চাই ; আমি তাকে জব্দ ক'রবই ; বিয়ে হয়েছে তো তার—এইবার তাকে ধ'রে এনে—কিছু



দিন ঘর সংসার ক'রে তারপর লাখিমেরে—ব্যাস্ !

বুঝেছ বন্ধু !

কুকুম ।—হাঁ—হাঁ—এইবার বুঝেছি—এইবার বুঝেছি, বুদ্ধিমান

তুমি—অবুঝ নও—অবুঝ নও—

আপাজি ।—ওগো আমার ভালবাসার দল—তোমরা কোথায়

লুকুলে বাবা—

( জনৈক নর্তকীর প্রবেশ । )

নর্তকী ।—এই যে আমরা হুজুরের পদতলেই হাজির

রয়েছি !

আপাজি ।—হাজির আছো—ভাল—ভাল,—আমি কি এখন

ভাল ক'রে চায়বার ফুরসুদ পাচ্ছি চাঁদ—নেশা যে তা'হলে

একদম ছুটে যাবে !—তা—সে সব কথা মনে আছে তো ?

সেই পরামর্শ গো !

নর্তকী ।—আজ্ঞে হাঁ—সব মনে আছে হুজুর ।

আপাজি ।—সব তৈরী তো ?—ঠিক তেমনি ক'রে—বুঝেছ ?

নর্তকী ।—বুঝিছি হুজুর—হুকুম হ'লেই—

আপাজি ।—আচ্ছা—এখন তোমরা পাশের কামরায় গিয়ে

বসো—সেইখানে হুকুম পাবে,—নাচনাওয়ালী বোলাও—

একথা যেমন শুনতে পাবে, অমনি হাজির হবে—বুঝলে ?

নর্তকী !—বুঝিছি হুজুর ! আমরা সকলে পাশের

• কামরাতেই রইলুম ।

( প্রস্থান )

কুকুম ।—ব্যাপারখানা কি বন্ধু ?

আপাজি ।—ব্যাপারখানা একটু বেয়াড়া রকম বন্ধু ! ইলা এখন যার সঙ্গে লীলা ক'রছে,—সেই লীলাময়টীকে এইখানে এনে একটু নাকাল করবার ব্যবস্থা করা হয়েছে ।

কুকুম ।—বটে—বটে—বেশ—বেশ,—ভারী মজা হবে তাহ'লে ।

আপাজি ।—ইলা বেটা আমাকে মাতাল ব'লে গালাগালি দিয়েছিল—আমি আজ তার প্রেমিকটিকে এইখানে মদে চুপিয়ে পায়রা লুটিয়ে ছাড়ব ! আমি আপাজিরাও বাবা—

কুকুম ।—সাবাস বন্ধু !—সাবাস বুদ্ধি ।

( প্রহরীর প্রবেশ । )

প্রহরী ।—সখারাম বাবু এসেছেন হুজুর ।

আপাজি ।—বহুত আচ্ছা !—এইখানে তাকে পাঠাও !

( প্রহরীর প্রস্থান । )

দেখ বন্ধু এমন জব্দ বেটাকে ক'রতে হবে—যেমন নেশা ছুটবে অমনি পুণা থেকে পোঁ পোঁ ছুট মারবে—

( সখারামের প্রবেশ । )

সখারাম ।—নমস্কার সেনাপতি সাহেব !

আপাজি ।—আরে এস বাবু সাহেব—নমস্কার—

কুকুম ।—ছেলাম—ছেলাম বাবু সাহেব—বহুত বহুত ছেলাম—

সখারাম ।—( স্বগতঃ ) ওরে বাবা । এ কোথায় এসেছি !

মীরজাফরের বেটা মীরণের মাতলাম দেখে অবাক হয়েছি,  
কিন্তু এঁরা দেখছি তার ঢের ওপরে আছেন !—ও বাবা !

আপাজি ।—দাঁড়িয়ে দাঁড়িয়ে অমন ক'রে ভাবছ কি বাবু  
সাহেব ? এগিয়ে এসো—বসো—আলাপ-পরিচয় কর,  
বেরসিকের মতন চুপমেয়ে আছে কেন বাবা ?

সখারাম ।—আমাকে সেনাপতি সাহেব কি জন্তু ডেকেছেন—

আপাজি ।—হাঃ হাঃ হাঃ—ওহে কুকুম—বাবু সাহেবকে বলনা হে  
বন্ধু—কি জন্তু ওঁকে ডাকা হয়েছে—বলনা হে—বলনা—

কুকুম ।—বাবু সাহেব কি তা আর বুঝতে পারেননি বন্ধু—  
সেনাপতি সাহেব পুরুষকে ডাকে কেন, বাবু সাহেব কি  
তা আর জানেন না—

আপাজি ।—আলবৎ জানেন—না জানলেও জানতে হবে—  
জানা চাই—

সখারাম ।—( স্বগতঃ ) ও বাবা !—এ যে দেখছি—হবুচন্দ্র  
রাজার গবুচন্দ্র মন্ত্রী !—এখন সরতে পারলে যে বাঁচি !

আপাজি ।—কি হ'ল বন্ধু ! কথা ছোটানাহে—বাবু সাহেব  
যে একদম চুপ !

কুকুম ।—শুনছ হে বাবু সাহেব—সেনাপতি সাহেবের ফৌজের  
অভাব হয়েছে—তাই তোমাকে ডাকা হ'য়েছে বুঝলে ?  
লুড়াই ক'রতে যেতে হবে—বুঝেছ বাবু সাহেব ?

সখারাম ।—( স্বগতঃ ) যেমন দেবতা—তেমনি মন্তুর চাই  
 বাবা—নইলে দেখছি ছাড়ান পাওয়া ভার !—( প্রকাশ্যে )  
 তা হুজুর ! এতো খুব সুখের কথা, আমার মত পুরুত  
 বামুনকে পল্টনে নিলে যদি সেনাপতি সাহেব খুসী হন—  
 তাতো ভালই ।

আপাজি ।—সাবাস বাবু সাহেব—ওহে বন্ধু—বাবু সাহেবকে  
 একবার চান্কে নাও—

সখারাম ।—(স্বগতঃ) আরে ম'লো আবার চান্কে নোব বলে যে !

কুকুম ।—চান্কাবার কথা শুনে চম্কিওনা বাবু সাহেব,  
 সেনাপতি সাহেব তোমার বুকের কল্জেটা পরখ ক'রতে  
 ব'লছেন বুঝলে ? তোমার ওই কল্জের ভেতরে কতটা  
 মদ ধরতে পারে—

সখারাম ।—য়্যা—মদ—মদ—নারায়ণ—নারায়ণ—

আপাজি ।—একবারে যে আকাশ থেকে প'ড়লে বাবু সাহেব !

আরে—মদ না পেটে ঢাললে লড়াই করা চলে কি ?  
 মদ আর মেয়ে মানুষ নিয়েই তো বাঙ্গালীর দিন চলে—  
 তবে মদের নাম শুনে এত খাপ্পা হচ্ছ কেন ? মদ আর  
 মেয়ে মানুষ দিয়ে আজ তোমাকে তোয়াজ করা হবে,—  
 পেটে তোমার কত মদ ধরে তা পরখ ক'রতে হবে—ওহে  
 বন্ধু, বাবু সাহেবকে তোয়াজ করো—নাচনাওয়ালী ডাকো—  
 নাচনাওয়ালী বোলাও—

সখারাম ।—ওরে বাবা—এয়ে দেখছি মহা গোলক ধাঁধা—  
আবার যে নাচনাওয়ালী ডাকে—ওই রুতু বুতু আওয়াজ  
ওঠে—ব্যাপারখানা কি—রাতারাতি আমাকে ক্বাবার  
ক'রবে নাকি—

( মদ্যপূর্ণ পাত্র হস্তে নৃত্য-গীত করিতে করিতে  
নর্তকীগণের প্রবেশ এবং নৃত্য-ছলে  
সখারামের গাত্রে মদ্য নিক্ষেপ । )

গীত ।

প্রাণ বঁধুয়া করো মধুপান ।  
দাও দাও আশা, ক'রনা নিরাশা, রাখ রমণীর মান ॥  
টাটকা বয়েস টাটকা বাতাস টাটকা ফুলের মধু,  
টাটকা তোমার প্রাণের হাসি, টাটকা তুমি বঁধু,  
( পিও ) টাটকা হাতে-দেওয়া সীধু—বুজিয়ে চোক কাণ ।  
পিয়লা ভরা সীধু-সুধা ( হের ) ঢল ঢল ভাসে,  
একটি চুমুক খেলে পরে প্রাণ খুলে প্রাণ হাসে,  
মধুর স্ততার বঁধু লওহে আভাসে—ভুল অভিমান ॥

সখারাম ।—হুজুর ! আপনি সেনাপতি—গরীবের মা বাপ,  
আমাকে রক্ষা করুন—নিস্কৃতি দিন !—এরা আমার গায়ে  
মদ ঢেলে দিয়েছে—

আপাজি ।—য়্যা—গায়ে মদ ঢেলে দিয়েছে ! তাইতো হে

বন্ধু—এতো বড় অণ্ডায়ই ক'রেছে ! গালে মদ না ঢেলে  
গায়ে ঢেলেছে !—তাই তো বাবু সাহেব চটে লাল  
হয়ে উঠেছে—তোমারা কি রকম বেরসিক মেয়েমানুষ  
হে !—রসিক বাবু সাহেবের গাল ভুলে—গারে মদ  
ঢাললে—ছি !

১ম নর্তকী ।—কসুর হয়েছে হুজুর ! ওলো—বাবু সাহেবের  
গালে—বুঝলি—

সকলে ।—বুঝিছিলো বুঝিছি—আবার এই ঢেলেছি !

২য় নর্তকী ।—বাবু সাহেব হাঁ কর—

সখারাম ।—জাত গেল বাবা—জাত গেল,—মামদোর পাল্লায়  
প'ড়ে বুঝি খানা খেতে হ'লো !

নর্তকীগণ ।—বাবু সাহেব—দেখছো—! ( মণ্ডপূর্ণ পাত্র প্রদর্শন )

সখারাম ।—( বিকট মুখব্যাদন করিয়া ) আর এদিকে  
দেখছো !—মুলোর মতন লম্বা লম্বা দাঁত দেখতে পাচ্ছ—  
ধরবো আর কড় মড় ক'রে চিবিয়ে খাবো—হাড় শুদ্ধ  
কড় মড় ক'রে চিবিয়ে খাবো—

নর্তকীগণ ।—ওমাগো—রাঙ্কস—রাঙ্কস—

সখারাম ।—শুধু রাঙ্কস নই—খোকস আমি—বান্ধালার  
খোকস—দেখছো দাঁত আঁ—( মুখ ব্যাদন ও দংশনের  
অভিনয় )

নর্তকীগণ ।—পালা—পালা—

আপাজি ।—দাঁড়াও তোমরা, যাও কোথায় ? প্রহরী ! প্রহরী !

( দুইজন প্রহরীর প্রবেশ । )

পাকড়াও ওকে ( প্রহরীদের সখারামের হস্তধারণ )—

কুকুম ! জোর করে ওর গালে মদ ঢেলে দাও—

সখারাম ।—দোহাই তোমার সেনাপতি সাহেব ! ব্রাহ্মণ হ'য়ে

তুমি অধঃপাতে গেছ—আমাকে আর কেন দোষর কর—

ছেড়ে দাও আমাকে—

কুকুম ।—পেটে তোমার এইটে পড়ুক আগে—

সখারাম ।—খবরদার পাজী—কাছে ঘেঁসবি তো—লাথি মেরে

বুক তোর—

প্রহরীদ্বয় ।—চোপরাও !

আপাজি ।—জোর ক'রে মুখে ঢেলে দাও—দাঁত ভেঙ্গে

খাওয়াও ( সখারামকে বলপূর্বক ধরিয়। মদ খাওয়াইবার

চেষ্টা—সখারামের প্রাণপণে বাধা প্রদান—দন্তে দন্তপেষন )

কুকুম ।—দাঁতে দাঁত দিয়ে বাধা দিচ্ছে পাজী—

আপাজি ।—দাঁত ভেঙ্গে খাওয়াও—

সখারাম ।—ওঃ—ওঃ—ওঃ—( বিকট চীৎকার—কুকুম কর্তৃক

মুখ মধ্যে পাত্রস্থ সমস্ত মদ প্রদান )

কুকুম ।—বাস্—সব শেষ—

নর্সকীগণ—বাঃ—বাঃ—বাঃ—বাঃ—( করতালি প্রদান ) ।

সখারাম ।—হাঃ—হাঃ—হাঃ—হাঃ—( অট্টহাস্য )—মদ খেয়েছি  
 মজা লুটিছি মজা লুটিছি—মাতাল হ'য়েছি—মাতাল হ'য়েছি  
 হাঃ হাঃ হাঃ—

আপাজি ।—এই মাতালটাকে ধাক্কা দিতে দিতে এখান থেকে  
 তাড়িয়ে দাও ।—

## পঞ্চম গর্ভাঙ্ক ।



পেশোয়ার পুর-সংলগ্ন—মন্দির-প্রাঙ্গন ।

উন্নত ভাবে সখারামের প্রবেশ ।

সখারাম ।—হাঃ হাঃ হাঃ—মাতাল হ'য়েছি—বড় জ্বর মাতাল  
 হ'য়েছি ! মর্ন্তে আছি কি স্বর্গে আছি,—আকাশে উড়ছি—  
 কি পাতালে নামছি—বুঝতে পারছি না !—যেন হাওয়ায়  
 হাওয়ায় এখানে উড়ে এলুম ! কে যেন ঠেলে ফেলে  
 দিয়ে গেল ! একটা আলো—একটা আলো ফুটে উঠলো  
 দপক'রে জ্বলে উঠলো—আর খপক'রে নিবে গেল !—  
 সঙ্গে সঙ্গে রাতটাও কেটে গেলো, কোথা দিয়ে যে রাতটা  
 চ'লে গেলো—তা ঠাণ্ডের ক'রতেও পাল্লুম না ।—এ কোথায়  
 এলুম ? এটাও কি নরক ? হাঁ—হাঁ—নরক—নরক—



সত্যই নরক—সত্যই নরক !—ওই যে—ওইযে—নরকের  
নারী—সেই—সেই আবার সেই—

( পূজার উপকরণ লইয়া দুইজন সঙ্গিনী সঙ্গে  
রমাবাঙ্গির প্রবেশ )

এসেছ—আবার এসেছ ? আবার আমায় মদ খাওয়াতে  
এসেছ ? রক্ষা করো রক্ষা করো—আর মদ খাইয়ো না—  
সঙ্গিনীদ্বয় ।—ওমা একি !—প্রহরী ! প্রহরী !

রমা ।—চুপ করো,—ভয়কি দেখতে পাচ্ছনা, বিপন্ন ব্রাহ্মণ !  
আহা মুখে রক্তের চিহ্ন ! কি চায় জিজ্ঞাসা করো ।

১ম সঙ্গিনী ।—( কিঞ্চিৎ অগ্রসর হইয়া ) কি চাও তুমি ?  
এখানে—

সখারাম ।—দোহাই তোমাদের মা-সকল ! আর এগিয়ো না—  
ম'রে যাব তাহ'লে—

রমা !—ওঁকে জিজ্ঞাসা কর—উনি এসব কথা বলছেন কেন ?  
কেউ কি ওঁর প্রতি কোন অত্যাচার করেছে ?

১ম সঙ্গিনী ।—আপনি এসব কথা বলছেন কেন ? আপনার  
কি হয়েছে ? কেউ কি আপনার ওপর কোন অত্যাচার  
ক'রেছে ?

২য় সঙ্গিনী ।—আপনার কোন ভয় নেই, আপনি দেবতার স্থানে  
এসেছেন ;—আপনার কি হয়েছে ব'লুন ।

সখারাম ।—না—না—ভুল হ'য়েছে আমার ; এঁরা তো তাঁরা  
 নয়,—এযে পুণ্যের মূর্তি—হাতে ফুলের থালা—মদের  
 পাত্র নয় ! এঁয়ে ওদিকে আবার কে উনি ! ওয়ে  
 দেখছি মমতাময়ী মা ! ভক্তের ডাকে—ভক্তের কষ্ট দেখে  
 মা কি আবার মর্তে নেমে এলেন ? মা—মা—তোমরা  
 ছুটি কে ? আর উনিই বা কে ?

১ম গঙ্গিনী ।—উনি—মহারাণী ।

সখারাম ।—মহারাণী ! মা জননী ! তুমি !! মা—মা—মা—  
 রক্ষা করো—পুত্র তোমার পদতলে—রক্ষা কর মা !

রমা ।—তোমার কি হয়েছে বৎস ! যখন আমাকে মাতৃ-  
 সন্স্থোধন ক'রেছ, তখন আমি তোমার মা ; মায়ের কাছে  
 পুত্রকে কোনো কথা গোপন ক'রতে নেই ; অসংক্ষেপে  
 তোমার বিপদের কথা ব্যক্ত করো ।

সখারাম ।—যখন মাকে পেয়েছি, তখন কি আর কিছু গোপন  
 করি মা ! সন্তানের দুঃখের কথা শুনবে ? কিন্তু বড়  
 দাগা পাবে মা !—আমি ব্রাহ্মণ—জীবনে কখনো মদ-মাংস  
 স্পর্শ করিনি, কিন্তু এখানে আমাকে ডেকে এনে জোর  
 করে মদ খাইয়েছে—

রমা ।—কে এ কার্য্য ক'রেছে ?

সখারাম ।—সেনাপতি আপাজিরাও—

রমা ।—কি বললে ?

সখারাম ।—চম্কে উঠলে কেন মা ?—ওঃ বুঝিছি—মনে পড়েছে, সে যে তোমার ভাই—সে যে পেশোয়ার বড় আপনার লোক ! মা ! মা ! অপরাধ হয়েছে—মাপ করো—মার তার নাম করবো না,—মাপ কর মা !

রমা ।—কেন মাপ চাইছ ব্রাহ্মণ ? তুমি তো মিথ্যা বলনি—সত্য কথা ব্যক্ত ক'রেছ ; সত্য গোপন করবে কেন ? আপাজি আমার ভাই—তাই ভীত হচ্ছ ? ভয় কেন ব্রাহ্মণ ? রাণীর ভাই যদি অপরাধী হয়—তার অপরাধের কি দণ্ড নাই ?—ব্রাহ্মণ ! তোমার প্রতি আপাজির এই অত্যাচারের কারণ কি ?

সখারাম ।—তা জানি না মা । আমাকে ডেকে এনে—নাচওয়ালী বেণ্ডাদের দিয়ে আমার সর্বাঙ্গে মদ ঢেলে দিয়েছে—গাল চিরে জোর ক'রে মদ খাইয়েছে । এই দেখ মা—গালের কস বেয়ে এখনো রক্ত ঝরছে ।

রমা ।—বৎস ! এতক্ষণ পেশোয়ার দরবার বসেছে ! তুমি এখনই সেই সভায় গিয়ে আপাজির বিরুদ্ধে অভিযোগ কর, প্রতিকার হবে ।

সখারাম ।—মা ! আপাজি সেনাপতি—তার ওপর পেশোয়ার আত্মীয়—

রমা ।—পেশোয়া যতক্ষণ সিংহাসনে শোভা পান—ততক্ষণ কেউ তাঁর আত্মীয় নয়,—সবাই সমান ; আত্মীয়ের

আদর মহিষীর কদর তখন সেখানে নাই । তুমি এখনই  
সভায় যাও—

সখারাম ।—আজ মহামাণ্ড পেশোয়ার জন্মোৎসব ! আজ  
নানা দেশের রাজারা সভায় থাকবেন ; আজ কি পেশোয়া  
আমার আবেদন শুনবেন মা ?

রমা ।—অবশ্য শুনবেন ; প্রজার আবেদনে কর্ণপাত ক'রতে  
পেশোয়া যে দিন কাতর হবেন—সেদিন ধর্ম—মর্ত  
থেকে রসাতলে নেমে যাবেন !

সখারাম ।—কিন্তু আমার তো সাক্ষী নেই মা !

রমা ।—সাধুর সাক্ষী ভগবান । ভগবান তোমার স্বপক্ষে সাক্ষ্য  
দেবেন । ( ১ম সঙ্গিনীর প্রতি ) রাধিকা, তোমার জল-  
পাত্র আমার হাতে দাও,—তুমি আমার এই পুত্রকে  
দরবারে যাবার পথ দেখিয়ে দিয়ে এসো ।

সখারাম ।—আসি তবে মা—পুত্রের প্রণাম নাও ।

রমা ।—আশীর্ব্বাদ করি—জয়ী হও ।

( সঙ্গিনীসহ সখারামের প্রস্থান )

গোপীকা ! তোমার পুষ্পপাত্র আমার হাতে দিয়ে  
এখনই তুমি আপাজিরাওয়ের মহল্যায় যাও, আমার  
আদেশ জানিয়ে তার বিলাস-সঙ্গিনীদের আমার মন্দিরে  
নিয়ে এসো ; আমি নিজে এর প্রতিকার করবো ।

( পুষ্প-পাত্র রাণীর হস্তে দিয়া দ্বিতীয় সঙ্গিনীর প্রস্থান )

জীবন-যুগের আজ আমার একি মহামুহূর্ত্ত ! একি মহা-পরীক্ষা ! স্নেহময়—প্রাণাপেক্ষা প্রিয় সহোদর ধর্ম্মের নিকট অপরাধী,—আমি তার সাক্ষী ! সম্মুখে কর্তব্যের যুগ্মক, ভ্রাতা আমার সে যুগের বলি—আমিই তার প্রাণহন্ত্রী ঘাতক । মহা-পরীক্ষা—মহা-সমস্যা আমার । হে ধর্ম্ম ! এ সঙ্কটে আমি সর্ব্বান্তঃকরণে তোমার আশ্রয় ভিক্ষা করছি—আমাকে সাহায্য কর—আমার সহায় হও—আমাকে আশ্রয় দাও ! মা শক্তিস্বরূপা সনাতনী ! শক্তি দাও—সাহস দাও—পেশোয়া-কুলের কুলবতীর মর্যাদা রক্ষার সামর্থ্য দাও ।

## ষষ্ঠ গর্ভাঙ্ক ।

—○) : # : (○—

পুণা-দরবার—কাল প্রভাত ।

উচ্চ সিংহাসনে পেশোয়া মাধবরাও, দক্ষিণপার্শ্বে অর্দ্ধচন্দ্রাকারে রঘুনাথরাও, আপাজিরাও, জনার্দিনভানু, শিবপন্থ, কুকুম তান্তিয়া ;—বামপার্শ্বে হোলকার, সিদ্ধিয়া, ভোসলে, নিজাম, দিল্লীশ্বর প্রভৃতির প্রতিনিধিগণ আসীন ।

রঘুনাথ ।—হিন্দু-গগনের প্রদীপ্ত তপন—রাজাধিরাজ ছত্রপতি পেশোয়া মাধবরাওয়ের পুণ্য জন্মদিনে—পেশোয়ার

গুণমুগ্ধ চিরানুরক্ত ভারতীয় রাজশ্রবণের প্রতিনিধিগণের সমাগমে, পুণার দরবার আজ গৌরবান্বিত। বরেন্দ্র-রাজপ্রতিনিধিগণকে পেশোয়া-সমক্ষে পরিচিত করবার সৌভাগ্য প্রাপ্ত হ'য়ে পেশোয়া প্রতিনিধিও আজ ধন্য।

( আনন্দীবাঈএর ছুতের বেশে প্রবেশ। )

আনন্দী।—মহান্ পেশোয়া! আমি বেদনুরের রাণী আনন্দী-বাঈএর প্রতিনিধি। আপনার আনুগত্য-স্বীকার করবার জ্ঞা আমাদের রাণী, আমাকে আপনার নিকট প্রার্থনিনি। তিনি পুণার যে তরবারি বাহুবলে গ্রহণ করেছিলেন, আজ পেশোয়ার জন্মোৎসবে সেই তরবারি প্রত্যর্পণ ক'রে—পেশোয়ার সঙ্গে সম্প্রীতি স্থাপনের জ্ঞা আমাকে এইখানে পাঠিয়েছেন। ( রঘুনাথ ও কুঙ্কুমের চঞ্চলভাব প্রকাশ ও অপর সকলের ক্রোধ প্রকাশ )

মাধবরাও।—স্পর্দিত যুবক! তোমার সাহসের সীমা নাই দেখছি। কিন্তু ছুত তুমি, সহস্র অপরাধ তোমার মার্জনীয়। ভাল, বলতে পারো তুমি—তোমাদের বেদনুরওয়ালী করে আমার পুণাওয়ালার তরবারি বাহুবলে গ্রহণ ক'রেছে?

আনন্দী।—সম্প্রীতি, এখনো সপ্তাহ অতীত হয়নি।

মাধবরাও।—কে সে পুণাওয়ালার তা জান?

আনন্দী।—আপনার সুযোগ্য প্রতিনিধি সাহেব!

মাধবরাও।—পিতৃব্য! আপনার মুখেই প্রকাশ—বেদনুরের

আনন্দীবাঈ আপনার নিকট বশ্যতা স্বীকার করেছে ;  
কিন্তু এই ছুতের বাক্যে প্রকাশ পাচ্ছে—আপনিই তার  
বশীভূত হ'য়ে এসেছেন ! আশ্চর্য্য !

রঘুনাথ ।—এ ছুত মিথ্যাবাদী পেশোয়া ! আনন্দীবাঈ  
পেশোয়ার বশ্যতা স্বীকার করলে, আমি তাকে রাজ-  
অনুগ্রহের নিদর্শন স্বরূপ ওই তরবারি উপহার  
দিয়েছিলাম ।

আনন্দী ।—আর এই পতাকা ? এটাও কি অনুগ্রহের নিদর্শন  
স্বরূপ তাঁর পদতলে সমস্ত্রমে রাখা করেছিলেন ?  
রাণী আনন্দীবাঈএর পদচিহ্ন এখনও যে এই পতাকায় অঙ্কিত  
আছে । আপনি মহামান্য পেশোয়ার প্রতিনিধি, মিথ্যার  
প্রসাধন করা আপনার কর্তব্য নয় !

মাধবরাও ।—এই ছুত স্পষ্টবাদী,—এর উজ্জ্বল চক্ষু আর  
প্রদীপ্ত বদন সাক্ষ্য দিচ্ছে, এর উক্তি সত্য । পিতৃব্য !  
আনন্দীবাঈ যেভাবে আপনার নিকট বশ্যতা স্বীকার  
করেছে—সম্ভবতঃ হায়দরআলির বশ্যতা স্বীকারও তাহলে  
এই জাতীয় ?

আনন্দী ।—হায়দরআলি পেশোয়ার বশ্যতা স্বীকার করেছে ?  
মিথ্যা কথা ! পেশোয়াকে আক্রমণ করবার জন্য নবাব  
হায়দরআলি সাগর-প্রমাণ সৈন্য সজ্জিত করেছে । যাক  
সে কথা,—এখন পেশোয়া এই তরবারি গ্রহণ করুন ।



মাধবরাও ।—আপাততঃ এর কোন প্রয়োজন নাই ! পেশোয়ার তরবারির কি মর্যাদা—সে কথা পেশোয়ার প্রতিনিধি না জানলেও, পেশোয়া জানেন । যুবক ! তোমাদের রাণীকে ব'লো—পেশোয়া পেশোয়ার যোগ্য সম্রামের সঙ্গে আনন্দীবাদীর প্রাসাদে প্রবেশ করে ওই তরবারি গ্রহণ ক'রবে—এখানে নয় ।

আনন্দী ।—উত্তম, আমি আমার রাণীকে এ কথা বলবো ।

( অভিবাদন পূর্বক প্রস্থান )

মাধবরাও ।—হায়দরআলি সৈন্য সজ্জা করছে—এ কথা সত্য, গুপ্তচরের নিকট আমিও এ সংবাদ অবগত হয়েছি ।

দিল্লীর ছুত ।—( উঠিয়া ) হায়দরআলির অভ্যুত্থান—আমার প্রভু দিল্লীশ্বরেরও চক্ষুশূল,—দিল্লীর সমস্ত ফৌজ এ যুদ্ধে মহামান্য পেশোয়াকে সাহায্য ক'রবে ; আর আমার বিশ্বাস—পেশোয়ার গুণমুগ্ধ সকল রাজাই এ যুদ্ধে পেশোয়ার স্বপক্ষে অস্ত্রধারণ ক'রবেন ।

অগ্ন্যাগ্ন প্রতিনিধিগণ ।—(তরবারি এক যোগে নিষ্কাষিত করিয়া)  
নিশ্চয় !

মাধবরাও ।—আপনাদের এই সাধু ইচ্ছায়—হৃদয় আমার নিরতিশয় আনন্দে উদ্ভাসিত হ'য়ে উঠেছে । তবে আপাততঃ আমি এ যুদ্ধে আপনাদিগকে লিপ্ত করে ক্ষতিগ্রস্ত ক'রতে ইচ্ছা করি না ; কেননা—পুণার বিপুলবাহিনী ছরাকাজুক



হায়দরআলির ভারতব্যাপী-সাম্রাজ্য-প্রতিষ্ঠার ছুরঃশার মূলচ্ছেদ ক'রতে সক্ষম হবে—এ আমার দৃঢ় ধারণা। আর যদি একান্তই আবশ্যক হয়—অবশ্যই আপনাদের সাহায্য গৃহীত হবে। আপনারা উপবেশন করুন।—আপাজিরাও ! আজই অপরাহ্নে আমার মন্ত্রণাভবনে—সৈন্যবিভাগের সকল সেনাপতি—সকল সেনানী—সকল সৈনিক-কর্মচারীকে উপস্থিত দেখতে চাই।

( বেগে সখারামের প্রবেশ )

সখারাম।—বিচার চাই—বিচার চাই !—ধর্মাবতার ! রাজ-  
রাজেশ্বর ! বিচার চাই !

আপাজি।—( তীব্র দৃষ্টিপাতপূর্বক ) মাতাল ! মাতাল ! তফাৎ  
করো—তাড়িয়ে দাও—

মাধবরাও।—সবুর ! ও ব্যক্তি কি বলতে চায়—আগে শোনো,  
এগিয়ে এসো তুমি ;—কি নাম তোমার ?

সখারাম।—সখারাম দেবশর্মণঃ—উপাধি রায় ।

মাধব।—ব্রাহ্মণ তুমি ?

সখারাম।—হাঁ মহারাজ !

মাধব।—কোন দেশে বাড়ী ?

সখারাম—বঙ্গদেশে ।

মাধব।—কিসের বিচার চাও তুমি ?—কি তোমার অভিযোগ ?

সখারাম।—ধর্মাবতার ! রাজাধিরাজ ! আমি সুবিচার চাই।—

এ রাজ্যের সেনাপতি—এই আপাজিরাওয়ের বিরুদ্ধে  
আমার অভিযোগ !

মাধব ।—কি অভিযোগ—নির্ভয়ে প্রকাশ কর ।

সখারাম ।—রাজাধিরাজের জয় হোক ! অভয় যখন পেয়েছি—  
তখন আর ভয় কি ! মহারাজ ! এই আপাজিরাও আমাকে  
ওর বৈঠকখানায় ডাকিয়ে এনে একদল নাচওয়ালী বেস্যাকে  
দিয়ে জোর করে মদ খাইয়েছে—আমার গায়ে মদ ঢেলে  
দিয়েছে—আমায় মাতাল করে মেরে তাড়িয়ে দিয়েছে !—  
ব্রাহ্মণ আমি—আমার জাতি নষ্ট করেছে !

মাধব ।—আপাজিরাও ! কি এ শুনছি !

আপাজি ।—মিথ্যাবাদী বাঙ্গালী ! বাঙ্গালা থেকে পুণায় এসে  
সয়তানী ক'রতে চাও ! কিন্তু এ পুণা—এখানে সয়তানী  
খাটে না ! মহান্ পেশোয়া ! এই বর্ষের—বাঙ্গালার নবাবের  
চর ; বাঙ্গালীর মতন মহারাষ্ট্র-দেবী-জাতি জগতে আর  
ছটি নাই ।

মাধব ।—আপাজিরাও ! দোষ-স্বালনের জন্তু অনধিকার চর্চা  
ক'রছ কেন ? ব্যক্তিগত বিদ্বেষের জন্তু তুমি জাতির বিরুদ্ধে  
দোষারোপ করছ ! এ কখনই বুদ্ধিমানের কর্তব্য নয় ।  
নাগপুরের মহারাষ্ট্র-সৈন্যগণ বঙ্গদেশে আপত্তিত হ'য়ে যে  
ভীষণ অত্যাচার-স্রোত প্রবাহিত ক'রেছিল, আমি তাতে  
হস্তক্ষেপনা ক'রলে এতদিন বঙ্গভূমির অস্তিত্ব থাকত কিনা

সন্দেহ ! বর্গীর দোষে বাঙ্গালীর মহাপ্তিরাদেবী হওয়া  
অসম্ভব নয় !

সখারাম ।—রাজাধিরাজ ! বঙ্গ এখন আর বর্গীর অত্যাচার  
মাই ; মহারাজের অনুগ্রহে বর্গীর অত্যাচার দূর হয়েছে ;  
কিন্তু নবাব মিরজাফর আর নবাব-পুত্র মীরনের অত্যাচারে  
বঙ্গদেশ ছারখার হতে বসেছে ! তাই এই অত্যাচারের  
প্রতিকারের জন্ত পুণায় এসেছিলাম ! তারফলে আমার  
এই দুর্গতি ! এখনো মদের দুর্গন্ধ আমার অঙ্গ থেকে  
যায়নি—মদের নেশা এখনো আমার কাটেনি ।—

আপাজি ।—বাঙ্গালীরা ভয়ঙ্কর মদ্যপায়ী ; মদ খেলে এদের  
আর জ্ঞান থাকে না ; মদের খেয়ালে তখন এরা আকাশে  
তাদের প্রাসাদ তৈরী করে—রাজা মন্ত্রী মাঁরে । এও এই  
বর্ষের খেয়াল মাত্র !

মাধবরাও ।—বঙ্গদেশী ! তোমার কোন সাক্ষী আছে ?

সখারাম ।—সাক্ষী ? সেখানে আর কে ছিল ! আর—হাঁ (কুকুমকে  
দেখাইয়া) এই ইনিও ছিলেন,—ইনিও আমার ওপর  
জুলুম করতে ভোলেননি যদিও, তবু আমি এঁকেই  
সাক্ষী মানছি, ইনিই সব বলুন ।

মাধব ।—কুকুম ! এ ব্যাপারের কি তুমি জান ?

কুকুম ।—পেশোয়া ! এ বদমায়েসের সমস্ত কথা মিথ্যা ;—

সেনাপতি সাহেব সত্য কথাই বলেছেন ।

সখারাম ।—হা ধর্ম !—হা ভগবান !

মাধব ।—ব্রাহ্মণ ! তোমার আর কোন সাক্ষী আছে ? তোমার উক্তির কিছুমাত্র সমর্থন করে—এ ব্যাপারের কোন তথ্য জানে—এমন কোন সাক্ষী তোমার আছে ?

( রমাবাগ্গীর প্রবেশ )

রমা ।—হাঁ, আছে ;—সে সাক্ষী আমি ।

জনার্দন ও শিবপন্থ ।—( অক্ষুটস্বরে ) একি—মহারাগী যে !  
( সসম্মুখে উঠিয়া অভিবাদন,—সঙ্গে সঙ্গে পেশোয়া ও রঘুনাথ ব্যতীত সকলের উত্থান ও অভিবাদন )

মাধব ।—মহিষী ! তুমি এর সাক্ষী ?

রমা ।—হাঁ পেশোয়া, আমি এর সাক্ষী ; এই বঙ্গবাসী ব্রাহ্মণের সকল কথাই সত্য ; আপাজিরাও এঁর প্রতি বর্ষের মতন অত্যাচার করেছে ।

আপাজি ।—মিথ্যা কথা ।

রমা ।—সত্য কথা । মর্ত্যে এখন মহাকলি সত্য, কিন্তু এখনো দিবা-রাত্রি হচ্ছে—চন্দ্র সূর্য্য উদয় হচ্ছে ; মর্ত্যে এখনো সত্য আছে, সত্য আছে ;—এত সহজে মিথ্যার বিজয় অসম্ভব ।

আপাজি ।—ভগিনী ! এই ব্রাহ্মণের উক্তি সত্য, আর আমার বাক্য মিথ্যা—এ তুমি প্রমাণ ক'রবে কি ক'রে ?

রমা ।—লম্পট নর-পশু ! এখনো প্রতিবাদ ক'রতে তোমার প্রবৃত্তি হচ্ছে ।—তুমি তোমার অনুষ্ঠিত অপরাধ স্বীকার

ক'রতে ভীত হচ্ছ, কিন্তু যে গণিকাদের সাহায্যে তুমি এই ব্রাহ্মণকে সুরাপান করিয়েছ—তারাই এ কথা মুক্তকণ্ঠে স্বীকার ক'রবে।—তোমার মতন বীর যারা—তারা রাজার সমক্ষে অগ্নানবদনে মিথ্যা বলতে সাহস করে, কিন্তু চরিত্রহীনা গণিকা এস্থলে মিথ্যা বলতে ভয় পায়! হায়—চরিত্রহীন মদুপবীর,—বেশ্যারও অধম!

মাধব।—আপাজিরাও! এখনো কি তোমার প্রতিবাদ ক'রবার বাসনা আছে? মহিষীর সাক্ষ্য যদি তুমি মিথ্যা বলে উড়িয়ে দিতে চাও, তাহ'লে বাধ্য হ'য়ে আমাকে তোমার কুকর্মের সহচরীদের এখানে আনাতে হয়!

আপাজি।—আমি এ রাজ্যের সেনাপতি; আমি যা ক'রেছি—নিজের বুদ্ধিতে—নিজের মতেই ক'রেছি; এর অধিক কিছু কৈফিয়ৎ দিতে ইচ্ছা করিনা। আমার সহোদরা ভগিনী যখন আমার শত্রু, তখন আমার আর ভদ্রস্থ কোথায়?

রমা।—আপাজিরাও! সংসারে ভাইবোনের সম্বন্ধ যে কত পবিত্র, কত উচ্চ, কত সুন্দর,—তা পশু তুমি, কি ক'রে বুঝবে? ভ্রাতার প্রশংসার কথা শুনে ভগিনী হাতে স্বর্গ পায়, আবার তার নিন্দায়—ভগিনীর মাথা মাটির সঙ্গে মিসে যায়! সেই ভ্রাতা তুমি আমার—আজ রাজদ্বারে মহা অপরাধে অপরাধী;—আমিই তার সাক্ষী! রাজবিধিতে তোমার কণ্ঠের দণ্ড হবে; তা জেনেও—তা জেনেও—

আমি সহ্য করব ! নইলে যে সংসার ডুবে যাবে—চন্দ্র-সূর্য্য  
লুপ্ত হবে—দিবারাত্রি মিথ্যা হবে—অর্থাচারে ব্রহ্মাণ্ড ভরে  
যাবে । ( প্রস্থান )

মাধব।—তুমি আর আমার তরবারি ধারণের যোগ্য নও  
আপাজি,—এই দণ্ডে তরবারি ত্যাগ কর । ( আপাজির  
তরবারি ত্যাগ ) এক বৎসর কারাবাসের পর তোমার  
অব্যাহতি ।—আর কুঙ্কমতান্ত্রিয়া ! তুমি এই কুঙ্কমে সাহায্য  
করে আমার সমক্ষে তা অস্বীকার করেছ ; তোমাকেও  
দণ্ডগ্রহণ করতে হবে । তুমিও এখনই তরবারি ত্যাগ  
কর । ( কুঙ্কমের তরবারি ত্যাগ )

রঘুনাথ ।—বৎস ! বৎস ! আমার অনুরোধে—কুঙ্কমকে অব্যাহতি  
দাও ; কুঙ্কম আমার—

মাধব ।—এক বৎসরকাল কুঙ্কমের অব্যাহতি নাই ।—এদের এই  
দণ্ডে বন্দী করে কারাগারে নিয়ে যাও । ( প্রহরীদের  
তথাকরণ ) জর্নাদিন ভানু ! আজ থেকে তুমিই পুণার  
সেনাধিনায়ক, আর শিবপন্থ তোমার সহকারী ।—( আপাজি  
ও কুঙ্কমের পরিত্যক্ত তরবারি উভয়কে প্রদানপূর্ব্বক )  
আশা করি, আসন্ন মহীশূর যুদ্ধে তোমরা উভয়ে পুণার  
তরবারির সম্মান-রক্ষায় সক্ষম হবে ।

জর্নাদিন ।—মহান্ পেণোয়া ! আজ আপনার এই খ্যাতিহীন—  
গৌরব-বিহীন—চিরভক্ত ভৃত্যকে যে অস্ত্র প্রদানে সম্মানিত

ক'রলেন,—চিরজীবন সাগ্নিকের অগ্নির মতন প্রাণপণে  
তাকে রক্ষা ক'রব !—জনাদর্শি ভানুর জীবন সত্ত্বে পেশোয়ার  
প্রদত্ত এ অমূল্য দানের অমর্যাদা হবে না—এই আমার  
দৃঢ় প্রতিজ্ঞা ।

শিবপন্থ ।—আর আমরা প্রতিজ্ঞা পেশোয়া !—আমার পিতৃ-  
পুরুষগণ বংশ-পরম্পরায় পেশোয়ার কার্যে জীবন উৎসর্গ  
ক'রেছেন ; আমরা জীবন পেশোয়ার কার্যে সমর-যজ্ঞে  
আজ থেকে উৎসৃষ্ট হ'লো ! এই তরকারি চিরদিন  
পেশোয়ার আদেশ পালন ক'রবে ।

মাধব ।—সিদ্ধিদাতা গণপতি তোমাদের এই প্রতিজ্ঞা রক্ষা  
ক'রবার ক্ষমতা প্রদান করুন ।—বঙ্গদেশী ব্রাহ্মণ ! তোমার  
নিগ্রহকারীকে আমি দণ্ডিত ক'রেছি ;—এখন তুমি আমার  
কাছে কি প্রার্থনা কর—অসঙ্কোচে প্রকাশ কর ।

সুখারাম ।—রাজরাজেশ্বর ! আর আমার কোন প্রার্থনা নাই !  
আনন্দে আমার কণ্ঠ রুদ্ধ হচ্ছে ! অনেক রাজসভায় গেছি—  
কিন্তু এমন সভা কোথাও দেখিনি ! পুরাণে রামরাজত্বের  
কথা পড়েছি, এখন পুণায় এসে স্বচক্ষে রামরাজত্ব দেখলেম !  
প্রত্যক্ষ রাম-সীতার পুণ্যমূর্তি দেখে ধন্য হ'লেম ! একি বড়  
সোজা লাভ মহারাজ ! এমন সৌভাগ্যলাভ কটা রাজ্যের  
প্রজার অদৃষ্টে ঘটে ! পেশোয়ার পুণা রামরাজ্য ! রামরাজ্য  
পেশোয়ার জয় হোক ! সীতারূপিনী রাজরাণীর জয় হোক !



# দ্বিতীয় অঙ্ক ।

—•○○•—

## প্রথম গর্ভাঙ্ক ।

—•○•—

পূর্ণা—মন্ত্র-কক্ষ ।                      কাল—রাত্রি ।

রঘুনাথ ও নারায়ণ ।

নারায়ণ ।—কাকাসাহেব ! বসন্তের প্রভাতে যেমন প্রথম কোকিলকুজন শুনে বনভূমে ফুলরাশি বিকসিত হয়,—  
তেমনই আপনার মুখে সিংহাসন প্রলোভনের গুঞ্জন শুনে আমার কোমল হৃদয়ে এই প্রথম লোভের বিকাশ !—কিন্তু তিনদিন তিনরাত্রি চিন্তার সঙ্গে ক্রমাগত সংগ্রাম ক'রেও আমি কিছুই স্থির ক'রতে পারলেম না !

রঘুনাথ ।—কেন পারলে না নারায়ণ ?

নারায়ণ ।—আমার চিন্তা-সন্তাপ-সংশয়-সঙ্কলিত হৃদয়ের সমস্ত প্রবৃত্তি উচ্ছ্বল হ'য়ে আমার হৃদপিণ্ডকে সবলে বিদলিত ক'রছে !—বিবেক আমাকে জিজ্ঞাসা ক'রছে—কেন তুমি নারায়ণ ভ্রাতৃদ্রোহী হ'চ্ছ—ভ্রাতার কোন্ দোষে তুমি তার সিংহাসন হরণ ক'রতে চ'লেছ ।—যে ভ্রাতা তোমার প্রতি



ভ্রাতার কর্তব্য-পালনে কোনো দিন উদাসীন নন—যে মাতৃসম ভ্রাতৃজায়া মাতার আসন গ্রহণ ক'রে, সন্তানের মতন তোমাকে প্রতিপালন ক'রে আসছেন,—কোন অপরাধে তাঁদের প্রতি এই জঘন্য আচরণ ?—বিবেকের এ প্রশ্নের উত্তর দিতে পারি না পিতৃব্য ; মাতৃমূর্তি চক্ষের ওপর প্রতিফলিত হয়—ভ্রাতৃশ্রেমে হৃদয় ভ'রে যায় ; সাম্রাজ্য-লালসা আকাশকুসুমের মত অপমৃত হয় ।

রঘুনাথ ।—বৎস ! চিন্তায় জয়যুক্ত হ'তে হ'লে—অগ্রে হৃদয়কে আয়ত্ত ক'রতে হয় ! হৃদয় বশীভূত হ'লে, বিবেক তখন পরাজিত হয়ে অদৃশ্য হয় ! জটিল বিষয়ের আলোচনা—আর শ্মশানে ব'সে শব-সাধনা—একই কথা, লক্ষ্য হ'তে বিচালিত হ'লেই পতন ! লক্ষ্য দৃঢ় কর নারায়ণ,—বিবেকের কথায় কর্ণপাত না ক'রে অগ্রে নিজেকে চেনবার চেষ্টা কর ; ভেবে দেখ—উভয়ে তোমরা এক পিতার সন্তান—এক মাতৃগর্ভে জন্মগ্রহণ ক'রেছো ; কিন্তু সংসারে তোমাদের উভয়ের মধ্যে কত পার্থক্য—কতখানি ব্যবধান—তা আগে ভাব ; একজন পেশোয়া—ঈশ্বরের তুল্য পূজার পাত্র, আর একজন সেনানীরও অধম ! ভাব—ভাল ক'রে ভাব—তাহ'লেই তোমার অদৃষ্টের দারুণ দৈন্ত্য দেখতে পাবে ।

নারায়ণ ।—কাকা ! কাকা ! আমাকে ক্ষমা করুন—রক্ষা করুন ; হৃদয় আমার বড় দুর্বল—কিন্তু লালসা অত্যন্ত প্রবল !

আমাকে এ ভাবে উন্নত করে তুলবেন না কাকা—তাইলে  
হয়তো প্রলোভনকে দমন করতে সমর্থ হব না ! আমি যাই—  
রঘু ।—যাবে কোথায়,—দাঁড়াও ; আগে এই কাগজে তোমার  
নাম স্বাক্ষর কর—

নারায়ণ ।—স্বাক্ষর ! আমায় নাম স্বাক্ষর করতে হবে ! কেন—  
কেন কাকা—ও কাগজে কি লেখা আছে ?

রঘু ।—এই কাগজে লেখা আছে—মাধবরাওকে সিংহাসনচ্যুত  
করে তাঁর অনুজ নারায়ণরাওকে পেশোয়া-পদে প্রতিষ্ঠিত  
করা হ'ল আর নারায়ণরাও স্বেচ্ছায় পেশোয়ারূপে পুণার  
সিংহাসনে আরোহণ করতে স্বীকৃত হ'লেন ।—এই দেখ  
বৎস, দরবারের সদর ও অমাত্যদের মধ্যে প্রায় সর্বদেই  
এতে স্বাক্ষর করেছেন, এখন তুমি স্বাক্ষর করেছোই বাহ্য  
সমাপ্ত হয় । ( অঙ্গীকারপত্র প্রদান )

নারায়ণ ।—য়্যা—তাইতো—তাইতো—সকলেই স্বাক্ষর করেছে  
তা—তা—কাকা—কাকা—আমার হাত যে কাঁপছে !  
কাগজ ধরবারই সামর্থ্য নাই—কেনন করে এতে স্বাক্ষর  
করবো কাকা ?

রঘু ।—বৎস ! দুর্বলতা ত্যাগ করো—সাহস অবলম্বন করো ;—  
আর কল্পনার উজ্জ্বলনেত্রে পুণার সিংহাসন—রত্ন-মণ্ডিত  
রাজ-মুকুট—রাজকোষে কুবেরের রত্নরাজি—আর ভারত-  
বিজয়ী বহু লক্ষ অতুলনীয় সৈন্য সন্দর্শন করো ।

নারায়ণ ।—থাক—থাক আর বলবেন না, দিন—দিন—কলম  
দিন—

রঘুনাথ ।—এই নাও—স্বাক্ষর কর,—এই স্থানে—

নারায়ণ ।—( স্বাক্ষর করিয়া ) বাস্—দিব্য স্বাক্ষর ক'রেছি—

চমৎকার স্বাক্ষর ক'রেছি ! দেখুন পিতৃব্য—স্বার্থের মোহময়  
শক্তিতে বিস্ময় বিমূঢ় হ'য়ে কম্পিত হস্তেও আমি অবিকল  
স্বাক্ষর ক'রেছি ! এখনো হাত আমার কাঁপছে ; কিন্তু  
বসুমতী তো এখনো ঠিক আছে—সে তো কাঁপছে না !  
বাসুকী তো তার মাথার বোঝা ঝেড়ে ফেলছে না !  
প্রলয়ের ঝঞ্ঝা তো উন্মাদ হ'য়ে আকাশে ছুটছে না !—  
আকাশ এখনো তেমনি উদার—তেমনি মধুর—তেমনই  
সুন্দর—তেমনই শূন্যতায় পূর্ণ ! একি রহস্য—একি সমস্যা—  
বিশ্বমাঝে একি মহা প্রাহেলিকা !

রঘুনাথ ।—পেশোয়া—

নারায়ণ ।—য়্যা—য়্যা ! পেশোয়া ! আমি পেশোয়া !

নারায়ণরাও পেশোয়া ! বাঃ—বাঃ—বাঃ—কিন্তু এখনো

সব স্থির ! বিশ্ব স্থির হ'য়ে আছে—স্থির হ'য়ে শুনছে—

আমি পেশোয়া !

রঘুনাথ ।—আত্মসংবরণ করো পেশোয়া—অস্থির হ'য়ো না—

নারায়ণ ।—হাঁ পিতৃব্য—আর অস্থির হব না ; সবই যখন

স্থির,—বাসুকী নড়লো না—বসুমতী কাঁপলো না—কড়

উঠলো না,—আমি কেন তবে অস্থির হই ! স্থির হবো—  
স্থির হ'য়ে সমস্ত সাধন করবো ; সিন্ধুগর্ভে যখন নেমেছি,  
তখন স্থির হ'য়েই দেখবো এ সিন্ধুর শেষ কোথা । আর  
আমাকে কি ক'রতে হবে কাকা ?

রঘুনাথ ।—তোমার এখন প্রধান কর্তব্য প্লেসোয়া—রমাবাস্ত্রীর  
ওপর বিশেষ দৃষ্টি রাখা । রমাবাস্ত্রি যাতে সাম্রাজ্যের  
কোন সংবাদ না পায়—সে ব্যবস্থা করা চাই ; তার  
প্রাসাদ-কক্ষের প্রহরীদেরও অপসারিত ক'রতে হবে ;  
তুমি সদাসর্বদা তার কাছে থাকবে—তার সমস্ত আদেশ  
গ্রহণ ক'রে আমাকে প্রদান ক'রবে, আমার সঙ্গে পরামর্শ  
না ক'রে কোন আদেশ যেন পালন করা না হয় ।—  
এই রমাবাস্ত্রি তোমার উন্নতির প্রধান অন্তুরায়—এ কথা  
সর্বদা স্মরণ রাখবে । অত্যাচার পরামর্শ এই পর্য্যন্ত ।  
এখন তুমি বিশ্রাম ক'রতে পার ।

নারায়ণ ।—বেশ, আমি এখন চললেম ; আপনার আদেশ  
পালনে কোন ত্রুটি হবে না ; নারায়ণরাওয়ের কার্যকলাপ  
দেখে পুণাবাসী সন্তুষ্ট হবে ।

[ প্রস্থান ]

রঘুনাথ ।—অন্তরের অমাবস্থা ঘূচে পূর্ণিমার হাসি ফুটতে আর  
বুঝি বিলম্ব নাই । বহুদিন বিস্মৃত স্বপ্নসুন্দরী সহসা  
বুর্জিমতী হইবে—আমার আবাঙ্কার নিধি রাডলক্ষী তার

কর্মরূপিনী রমণী-রাণী আনন্দীবাসীএর হস্ত ধারণ করে  
প্রসন্ন মনে আমায় আশীর্বাদ করতে আসছেন!

( আপাজি ও কুঙ্কুমের প্রবেশ ও অভিবাদন )

এসো, আমি তোমাদেরই প্রতীক্ষা করছিলাম। কি কঠোর  
দায়িত্ব নিয়ে আমি তোমাদের কারামুক্ত করেছি তা  
বোধ হয় জান না! পেশোয়ার অবর্তমানে—তোমাদের  
মুক্তির জন্য আমি পেশোয়ার স্বাক্ষর জাল করেছি!  
জাল-আদেশপত্রের প্রভাবে তোমাদের মুক্ত করেছি।  
অবশ্য এ কার্যের সঙ্গে আমারও স্বার্থের যথেষ্ট সম্বন্ধ  
আছে। সে স্বার্থ কি—তা' এই পত্রে প্রকাশ আছে,  
উভয়ে প'ড়ে দেখ; [ পত্র প্রদান ] এই কার্যে আমি  
তোমাদের উভয়েরই সাহায্য চাই।

[ আপাজি ও কুঙ্কুমের অঙ্গীকার-পত্র দর্শন ও পঠন ]

আপাজি।—রাওসাহেব! আমি এখন উন্মাদ; পোশোয়া  
মাধবরাও আর আমার ভগিনী রমাবাসীএর ওপর প্রতিশোধ  
নেবার জন্য—জগতে এমন কোন কার্য নাই, যা সম্পন্ন  
করতে আমি অক্ষম হব। প্রাণপণে আমি এ কার্যে সাহায্য  
করবো।

কুঙ্কুম।—আর আমার কি মধুর প্রকৃতি—তা আপনি উদ্ভম-  
রূপেই অবগত আছেন রাওসাহেব! যে কার্য মানুষে

পারে না—পিশাচেও যে কার্য সাধন ক'রতে সক্ষম  
হয়,—আমি হাসিমুখে সে কার্য শেষ ক'রতে স্পর্ধা রাখি ।  
নারী-হত্যা—গুপ্তহত্যা—

রঘুনাথ ।—থাক্—ওসব এখন আবশ্যিক নাই । আমাদের এখন  
কর্তব্য, সমস্ত সৈন্যদের হস্তগত ক'রে নেওয়া,—তারপর  
কারাগারের বন্দীদের মুক্ত ক'রে দলস্থ করা ;—এ কার্য  
তোমাদের কৃতিত্বের ওপর নির্ভর ক'রছে । যাক্—  
তোমরা যে এখন পেশোয়ার আদেশে মুক্ত হ'য়েছো এবং  
একলক্ষ নূতন সৈন্য নিয়ে তার সঙ্গে যোগদানে আদিষ্ট  
হ'য়েছো—এই কথাটা এখনই সর্বত্রই ঘোষণা ক'রতে  
হচ্ছে ! চল—অগ্রে দুর্গে যাই ।

[ সকলের প্রস্থান ]

## দ্বিতীয় গর্ভাঙ্ক ।

—°):\*:(°—

পুণা—প্রাসাদ-অলিন্দ । কাল—রাত্রি ।

রমাবাদি ও নারায়ণ ।

রমা ।—নারায়ণ, আপাজি আর কুসুম নাকি কারামুক্ত হ'য়েছে ?  
নারায়ণ ।—হাঁ মা,—পেশোয়া বেদতুর থেকে তাঁদের মুক্তির  
আদেশ লিখে পাঠিয়েছেন !

রমা ।—পেশোয়া হঠাৎ, এ আদেশ লিখে পাঠালেন কেন, তা কিছু শুনেছ ?

নারায়ণ ।—শুনেছি—এঁদের নাকি যুদ্ধক্ষেত্রে যাবার বিশেষ আবশ্যিক হ'য়েছে, সেই জন্তই এই আদেশ ।

রমা ।—তুমি কি একথা বিশ্বাস কর নারায়ণ ? আমার তো বিশ্বাস হয় না ; পেশোয়া কখনই এমন অব্যবস্থিতচিত্ত নন ! তাঁর সঙ্কল্প—তাঁর আদেশ—পর্বতের মতন অটল ! বিশ্ব শুলট পালট হ'লেও পেশোয়ার সঙ্কল্প টলবার নয় !

নারায়ণ ।—তাহলে আপনি কি মনে করেন দেবী—পেশোয়া এঁদের কারামুক্তির আদেশ পাঠাননি ?

রমা ।—আমার তো এইরূপ বিশ্বাস ! আমার বোধ হয় এর ভেতর কোনো কিছু ষড়যন্ত্র আছে ! নারায়ণ, তোমাকে এখনই এক কাজ ক'রতে হবে,—এই রাত্রেই আমার এই পত্রখানি দ্রুতগামী অশ্বারোহীর সাহায্যে বেদনুরে পেশোয়ার কাছে পাঠাতে হবে । পেশোয়ার উত্তর না পাওয়া পর্যন্ত আমি কিছুতেই নিশ্চিত হ'তে পারছি না নারায়ণ !

নারায়ণ ।—এই রাত্রেই—

রমা ।—কেন এ প্রশ্ন ক'রছ নারায়ণ ? তুমি আমার আদেশ পালনে কখনো তো ইতঃস্তুত করনি ; আজ তোমাকে এমন চিন্তিতই বা দেখছি কেন নারায়ণ ? কোনো অঘটন



ঘটেছে কি ? আমার কাছে কিছু গোপন ক'রোনা ;  
পুত্রহীনা রমাবাসীএর তুমিই পুত্র—তুমিই সর্বস্ব ।

নারায়ণ ।—আপনি কেন মা এত বিচলিত হচ্ছেন ? অঘটন  
কি ঘটবে মা ? বেশ, আমি এখনই এ চিঠি বেদনুরে  
পাঠাবার ব্যবস্থা ক'রছি ।—[স্বগতঃ] কাকাসাহেবকে কথা  
গুলো আগে না জানিয়ে কিছু করা হচ্ছেনা ।

[ প্রস্থান ]

রমা ।—পেশোয়া বড় ভুল ক'রেছেন,—কূটবুদ্ধি ষড়যন্ত্রকারী  
কাকাসাহেবকে রাজধানীতে রেখে গিয়ে বড় ভুল ক'রেছেন !  
এঁর অসাধ্য কিছুই নেই ।

( সুরাপানোন্নত আপাজির টলিতে টলিতে প্রবেশ )

আপাজি ।—কি ভগিনী !—চিনতে পার কি ? বলি—ভাইকে  
এখন চিনতে পার কি ? ওকি বাবা কটমট ক'রে দেখছ  
কি ? চোখ ছুটো জ্বলছে যে ! জ্বালিয়ো না—জ্বালিয়ো  
না—পুড়িয়ে মেরোনা—

রমা—কে তোকে এখানে আসতে ব'লেছে আপাজি ?

আপাজি ।—ওঃ—ভারি খাপ্পা হ'য়েছ দেখছি যে । ভাই খালস  
হ'য়েছে—তাতে বড়ই আপশোষ হ'য়েছে না ? কিন্তু  
এখন ? এখন আমি যদি তোমাকে কয়েদ-ঘরে পাঠাই ?  
কে তোমাকে রক্ষা করে সোনারটাদ ? বড় যে সেদিন  
দরবারে বীরপণা দেখিয়েছিলে ? বলি এখন—



রমা।—নারায়ণ !—নারায়ণ !—কে আছ ওখানে—এখনই  
নারায়ণকে ডেকে নিয়ে এসো ।

আপাজি।—আরে রেখেদে তোর নারায়ণ !—সে আমার পায়ের  
তলায় এসে দাঁড়াবে ! এখন তোকে—আচ্ছা থাক্ ;  
আজ তোকে আর কিছু বলছি না—আজ তুই থাক্ ;—  
আজ আগে আমার মুখের গ্রাস ইলাবাস্টির সঙ্গে বোঝা-  
পড়া করি—তার সেই মোহাগের সখা ভেতো বঙালী  
বেটার মাথাটা আগে ছেঁটে আনি—তারপর তোর পাল্লা—  
মদের পিপেয় পুরে তোকে নাকানিচোপানি খাওয়াব—তবে  
ছাড়বো,—এখন তুই থাক্— [ প্রস্থান ]

রমা।—বাইরে কে আছিস ? রক্ষী - রক্ষী !—কই কেউ নেই ?  
পেশোয়ার সঙ্গে সঙ্গে কি রক্ষী প্রহরীরাও অন্তর্দ্বান  
ক'রেছে ! সন্দেহ যে ক্রমেই বন্ধমূল হ'চ্ছে !

( নারায়ণের প্রবেশ )

নারায়ণ,—এখনই আমার পাঁচজন অস্ত্রধারী প্রয়োজন,—  
শীঘ্র এনে উপস্থিত করো ।

নারা।—এখনই এনে উপস্থিত ক'রছি । [ প্রস্থান ]

রমা।—পেশোয়া রাজধানীতে নাই—কিন্তু পেশোয়ার রাণী আছে,  
রাণীই রাজার কর্তব্য পালন ক'রবে ; পাপের সাধ্য কি—  
পেশোয়ার অবর্তমানে আত্ম-প্রকাশ করে । [ প্রস্থান ]

## তৃতীয় গর্ভাঙ্ক ।

কালীমন্দির-প্রান্তস্থ পথ । কাল—রাত্রি ।

জানোজিআংগ্রে ও মহাদেও ।

মহাদেও ।—আচ্ছা সরদার—একটা কথা জিজ্ঞাসা ক'রব :  
তুমি তো দলবল নিয়ে পেশোয়াকে সাহায্য ক'রতে চ'লেছ,  
তোমাকে পেলে পেশোয়া খুবই খুসী হবেন ; তবে  
অপরাধীর মতন এমন ক'রে চুপি চুপি সহরে ঢোকনা  
দরকার কি ?

জানোজি ।—দরকার একটু আছে বইকি মহাদেও, নইলে  
এতটা কষ্ট সহিবই বা কেন ! কথাটা কি জান,—শুধু  
পেশোয়াকে সাহায্য ক'রতেই আমি পুণায় আসিনি,  
পুণায় আসবার আমার আরো একটা মংলব আছে ; সে  
মংলব হচ্ছে—আমার মায়ের সঙ্গে সাক্ষাৎ, পুণায় যে  
আমার মা র'য়েছেন মহাদেও ।

মহাদেও ।—সে কি ! তোমার মা তো তিন মাস হ'ল মারা  
প'ড়েছেন !

জানোজি ।—হাঁ—আমার গর্ভধারিণী মা মারা প'ড়েছেন, কিন্তু  
আমার জীবন-দায়িনী মা এখনো বেঁচে আছেন, আর তিনি

এই পুণাতেই আছেন তিনি কে জান ? পেশোয়ার মহিষী—  
মহারানী রমাবাজি ।

মহাদেও ।—স্যা—মহারানী রমাবাজি । সে কি ?

জানোজি ।—হাঁ মহাদেও, তিনিই আমার মা ; কেমন করে  
তিনি আমার মা হ'লেন তা শুনবে ? সে বড় মজার কথা ।  
পেশোয়া যখন নাগপুরের যুদ্ধে ব্যস্ত, আমি সেই সময়  
বমইবন্দর লুণ্ঠ ক'রেছিলুম : তার ফলে যুদ্ধে পরাস্ত হ'য়ে  
বন্দী হই, তুমি তখন আমার দলে আসনি ; পেশোয়া  
বিচার ক'রে আমার প্রাণদণ্ডের হুকুম দেন ; আমার মা  
একথা শুনে—রানীর কাছে গিয়ে আমার প্রাণভিক্ষা চায়,—  
রানী পেশোয়াকে সম্মত ক'রে, নিজে বধ্যভূমে গিয়ে  
আমাকে মুক্ত করেন ! সেইদিন থেকে তিনি আমার মা ;  
আমি তাঁর ছেলে ।

মহাদেও ।—মহারানীর এমন অনেক সুখ্যাতি শোনা যায় বটে !  
আচ্ছা মরদার মহারানীকে দেখাই যদি তোমার সাধ হই,  
তাহলেই বা লুকিয়ে গিয়ে ফল কি ? প্রকাশ্যে গেলেই তো  
ভাল হয় ।

জানোজি ।—পেশোয়ার দরবারে তুমি কখনো যাওনি মহাদেও,  
তাই এ কথা বলছ । আমার মত লোকের দু'পাঁচশো  
ফৌজের সাহায্য—পেশোয়ার সাগরপ্রমাণ সৈন্যের মধ্যে  
বুদবুদ মাত্র ! এ নিয়ে পেশোয়ার দরবারে বাহবা পাওয়ার

কোন ভরসাই নেই ; আমার ইচ্ছা একটা কিছু বড় রকমের কাজ করে—মানের সঙ্গে পেশোয়ার দরবারে ঢুকি—পেশোয়ার বিশ্বাসভাজন হয়ে চিরজীবন তাঁর কার্য্য করি ।

মহাদেও ।—তা বড় রকমের কি কাজ হাসিল করবে সরদার ?

জানোজি ।—সেইটেই এখন ঠিক করতে হবে মহাদেও ।—পাশে এই কালীমন্দির দেখছো, এ বহুকালের মন্দির—শিবাজি মহারাজের আমলের ; এ মন্দিরের মহাকালী বড়ই জাগ্রত, আজ রাত্রে আমি এই মন্দিরে ঢুকে মায়ের সামনে হতে দোব—কি করে কাজ হাসিল করবো—মাকে তাই জিজ্ঞাসা করব ।

মহাদেও ।—সরদার ! ঘোড়ার পায়ের শব্দ শোনা যাচ্ছে না ?

জানোজি ।—শুধু শোনা কেন মহাদেও—দেখাও যাচ্ছে !

মহাদেও ।—তাইতো সরদার ! জনকতক ঘোড়সওয়ার দেখতে দেখতে কাছে এসে পড়ে যে !

জানোজি ।—আর বড় কাছে ঘেসবে না—ঘোড়া থামিয়েছে দেখছো না—ওই যে গাছে ঘোড়া বাঁধছে ;—বোধ হয় এই মন্দিরেই আসছে !—এসো আমরা একটু সরে দাঁড়াই,—যেন আমাদের না দেখতে পায় ।

[ মন্দিরের পাত্র ঘেসিয়া উভয়ের অপসারণ ]

( আপাজিরাও ও কতিপয় সৈন্যের প্রবেশ )

আপাজি ।—ভালই হ'য়েছে,—মন্দিরের ফটক খোলাই আছে ;  
চলে এসো—

[ ফটকের মধ্যে সকলের প্রবেশ ]

জানোজি ।—লোকটাকে চিনেছি মহাদেও, এ হ'চ্ছে পেশোয়ার  
ফৌজের সরদার-সেনাপতি ! লোকটা কিন্তু ভারি মাতাল—  
ভারি পাজি—ভারি মিথ্যাবাদী । আমি যখন ধরা পড়ি,  
তখন ওই নচ্চার পেশোয়ার সামনে মিথ্যা সাক্ষী দিয়ে  
ছিল—যে আমি নগরের স্ত্রীলোকদের ইচ্ছা নষ্ট ক'রেছি !  
তাইতেই তো পেশোয়া আমাকে বধ করবার জন্য খাশা  
হ'য়ে ওঠে !

মহাদেও ।—বলকি সরদার ! লড়ায়ের সরদার হ'য়ে ও নচ্চার  
মিথ্যে কথা কয় ! ছিঃ ! তা সেই শোধটা এখন হাতে  
হাতে তুলে নিলে হয় না সরদার ?

জানোজি ।—শোধ তোলবার তুমি আমি কে ! যার আস্তানার  
পাশে দাঁড়িয়ে রয়েছি—শোধ তুলবেন তিনি !—এই দেখ  
মহাদেও,—আবার একদল ঘোড়সওয়ার ছুটে আসছে !

মহাদেও ।—ওঃ এসে প'ড়েছে ! ওই দেখ নামছে সরদার ।

জানোজি ।—মওড়ায় স্ত্রীলোক দেখতে পাচ্ছ ?

মহাদেও ।—হাঁ সরদার—তাইতো ! স্ত্রীলোকই বটে ! ওই যে  
এদিকেই আসছে ।

জানোজি ।—এসো আমরা সরে দাঁড়াই । [ পূর্ববৎ আত্মগোপন ]

( রমাবাসী, নারায়ণ ও রক্ষীগণের প্রবেশ )

রমা ।—ঘোড়া দেখেই বুঝতে পারা গেছে—নিশ্চয়ই সে এখানে এসেছে ।

নারায়ণ ।—কিন্তু তিনি একা আসেননি—রক্ষীদল নিশ্চয় তাঁর সঙ্গে আছে ।

রমা ।—শত রক্ষী সাথী হ'লেও আজ তার রক্ষা নাই—যখন রানী নিজে উপস্থিত ।

( মন্দির-সংলগ্ন ভবনে আর্তনাদ )

ওকি ! রমণীর আর্তনাদ না ! ছুটে এসো নারায়ণ ছুটে এসো রক্ষীগণ ।

[ সকলের প্রস্থান ]

জানোজি ।—মহাদেও ! এই আমার মা—এঁরই আমি সন্তান হ'য়েছি ! বুঝিবা আমার মতন আর কোন্ হতভাগ্য সন্তানকে রক্ষা করবার জন্য মা আমার এখানে উদয় হ'য়েছেন ! মা কালীও দেখছি আমার প্রতি খুবই সদয় মহাদেও, নইলে আমার মনের সাধ মেটাবার এমন ফুরসুদ কঠাৎ পাব কেন ? চল ভাই, মার পিছু পিছু চুপি চুপি যাই—মা কি চায় তাই সন্ধান নিই ।

[ উভয়ের প্রস্থান ]

—\*—

## চতুর্থ গর্ভাঙ্ক ।

—•\*•—

কালীমন্দির-সংলগ্ন আবাসকক্ষ । কাল—রাত্রি ।

সৈন্যগণ কর্তৃক ধৃত সখারাম ও ইলাবান্দি ।

সখারাম ।—য়্যা—য়্যা—এ—এ—এ—

ইলা ।—বিঠবা ! বিষ্ণু ! কালী !

( আপাজির প্রবেশ )

আপাজি ।—আর কে আছে তোমার যাতুমণি ! ডেকে ফেলো—  
সকলকে ডেকে ফেলো !

সখা ।—ইলা ! এ সেই আপাজি ; যে আমাকে মদ খাইয়ে-  
ছিল—রাজার বিচারে যে কারাগারে গিয়েছিল—এ  
সেই আপাজি—

আপাজি ।—চোপরাও পাজি ! আমি আজ আবার সেনাপতি ;  
আর—আর—সঙ্গে সঙ্গে তোমার এই প্রেয়সীরও পতি,—  
কি বল সুধামুখী সতী ? আরে ছি—চোখ রাঙিয়ে কট-  
মট করে চাইছ কেন চাঁদ—

ইলা ।—মন্দিরে কি আজ কেউ নেই ? তারা . কি কিছু  
শুনছে না—জানছে না ?

আপাজি ।—তার জন্ম চিন্তা কি টাঁদবদনী—আমার লোকেরা  
তাদের মুখ বেঁধে মন্দিরের খামে লটকে রেখে এসেছে !  
এবার তোমাকে—

ইলা ।—মন্দিরেশ্বরী মা ! বহু যুগ ধরে তুমি যে এ মন্দিরে  
জেগে আছ ! আজ এই লম্পট মাতালের দাপটে তুমিও  
কি চোখ বুজলে মা ?

আপাজি ।—না—না—না—মা চোখ বুজোর নি—চোখ মেনে  
চেয়ে আছে ; একটা বড় চমৎকার চীজ দেখবার জন্ম  
মা বেটী চেয়ে আছে ;—সে চীজ হ'চ্ছে এই আমাদের  
যুগল-মিলন ;—আমরা দু'জনে গলা-ধরাধরি ক'রে মার  
সামনে গিয়ে হাজির হ'লে মা বেটী ভারী সুখী হবে ।—  
এসো তো সোহাগের মাণিক আমার গলাটা তোমার—

( ইলাকে ধরিবার জন্ম আপাজির অগ্রগমন,—সহসা বক্ষ  
কম্পন,—কম্পনাতিশয্যে আপাজির পতন, অন্যান্য  
সকলের অর্ধ পতনাবস্থায় কষ্টে আত্মসম্বরণ । )

একি বাবা ! একেবারে হলুম কুপোকাৎ ! এ কেমনটা  
হলো বাবা !—এ আমি নড়ছি, না ঘর নড়ছে ! নড়ছি  
না—কাঁপছি । কাঁপছে কে ?

( রমাবান্ধি, নারায়ণ ও সৈন্যগণের প্রবেশ )

রমা ।—কাঁপছে বসুমতী !—মন্দিরে মাতালের প্রবেশ ! সতীর  
প্রতি লম্পটের অত্যাচার ! দেবীর পবিত্র আগারে



দানবের ব্যভিচার ! ধরিত্রি কি আর সহ্য ক'রতে পারে ?  
তাই কাঁপছে ! নারায়ণ ! তুমি তখন আমার কথায়  
অবিশ্বাস ক'রেছিলে ! এখন দেখতে পাচ্ছ ? প্রত্যক্ষ  
সব দেখছ ? তবে কেন এখনো চুপ ক'রে রয়েছ ? ওই  
মহাপাপীকে এখনি বন্দী কর ; বিলম্ব ক'রলে বসুমাতা  
শাস্ত হবে না—ধর্মু ধৈর্য্য ধরবে না—রাজার কল্যাণ  
হবে না ;—বন্দী কর নারায়ণ !

নারায়ণ ।—কাকে বন্দী ক'রতে বলছেন দেবী !—উনি  
সেনাপতি ।

রমা ।—এখানে ও অপরাধী,—বন্দী করো ।

নারায়ণ ।—পেশোয়ার আদেশ ব্যতীত সেনাপতিকে বন্দী  
ক'রতে আমি সম্পূর্ণ অক্ষম ! আপনার আদেশ এস্থলে  
শক্তিশূন্য না !

রমা ।—তবে তুমি এখনি এখান থেকে দূর হও ; আমার  
আদেশ পালনে যদি তুমি অসম্মত, তখন তোমার না  
আসাই উচিত ছিল,—চ'লে যাও তুমি ।

নারায়ণ ।—উত্তম, চল্লেম আমি । ( প্রস্থান )

রমা ।—সৈন্যগণ ! তোমরা আমার আদেশ শোনো,—এখনই  
ওকে বন্দী করো ।

১ম সৈন্য । সেনাপতিকে বন্দী করবো !

২য় সৈন্য ।—উনি যে আমাদের সেনাপতি !

রমা ।—আর আমি যে তোমাদের রাণী !

১ম সৈন্য ।—তা জানি, কিন্তু আমরা রাণীর হুকুমে সেনাপতির  
গায়ে হাত দিতে পারি না ; আমরা সেনাপতির হুকুম মানি ।

আপাজি ।—হাঃ হাঃ হাঃ হাঃ—কি ভগিনী ! বলি—ভাবছ কি !  
জলে নেমে কুমীরের সঙ্গে লড়াই ক'রতে এসেছো বাটে !  
এখন কে কাকে জব্দ করে তা দেখাচ্ছি তোমাকে ! এই !  
আমার হুকুম—এখনই একে বন্দী কর—

রমা ।—কি !—

১ম সৈন্য ।—মা ! আমরা সেনাপতির হুকুমের চাকর ; আপনি  
এখনই এখান থেকে পালান,—নতুবা আমরা হুকুম  
তামিল ক'রতে—

সখারাম ।—সৈন্যগণ ! আমাদের প্রাণ নিতে হয়—নাও ; কিন্তু  
রাণীর গায়ে হাত দিও না—মনে থাকে যেন—উনি  
আমাদের মা—

আপাজি ।—মায়ের নামে আজ আর রক্ষা পাচ্ছ না যাত্ন !  
মনে থাকে যেন, যে তোমার মা—আমি তার যম !

( এক লক্ষ্যে জানোজির কক্ষ মধ্যে আবির্ভাব )

জানোজি ।—আর আমি হচ্ছি—যমের যম !

[ আপাজির কণ্ঠ ধারণ ]

আপাজি ।—কে এ,—কে এ—বদমাস ! আকাশ থেকে লাফিয়ে  
পড়ল না কি ? তফাৎ—তফাৎ করো একে—

জানোজি ।—( কটিদেশ হইতে পিস্তল বাহির করিয়া )  
 খবরদার ! এক পা এগোলে গুলি ছুটবে ! জান আমি  
 কে ?—জানোজি আংগ্রে !—যার নাম শুনলে—তোরা  
 তো তুচ্ছ প্রাণী—অনেক রাজা-রাজড়ার বুক পর্য্যন্ত টিব-  
 টিব ক'রে কেঁপে ওঠে !—দুশো যোদ্ধার মহড়া যে একলা  
 নিতে পারে ।—আমি সেই আংগ্রে,—আর আমার সঙ্গে  
 ওই দেখ বাইরে পঞ্চাশ জন সেপাই বন্দুক ধ'রে দাঁড়িয়ে !  
 মা ! মা ! অবাক হ'য়ে দাঁড়িয়ে কি দেখছিস্ ? আমাকে  
 চিনতে পারছিস্ না ? ভাল ক'রে ভেবে দেখ দেখি মা—  
 সে অনেক দিনের কথা—এক বছরের ওপর হবে—  
 আমি পেশোয়ার দরবারে বন্দী হ'য়ে এসেছিলুম—পেশোয়া  
 আমার প্রাণদণ্ডের হুকুম দিয়েছিলেন, কিন্তু তুই মা—  
 আমার বুড়ো মায়ের প্রার্থনায় আমাকে খালাস ক'রে  
 দিয়েছিলি ! মনে পড়ে মা ?

রমা ।—হাঁ—মনে পড়েছে : তুমি সেই আংগ্রে ।

জানোজি ।—হাঁ—মা ! আমি তোর সেই পাগলা ছেলে !  
 আমি আজ একশো জাহাজ আর হাজার ফৌজের মালিক  
 হ'য়েছি । পেশোয়ার সঙ্গে হায়দর আলির লড়াই হবে  
 শুনে, পেশোয়াকে সাহায্য ক'রতে এসেছি মা ! পথ দিয়ে  
 যেতে যেতে চীৎকার শুনে এখানে আসি,—বাইরে এতক্ষণ  
 লুকিয়ে ছিলুম,—মার বিপদ বুঝে—মাকে চিনতে পেরে,

ঠিক সময়েই পায়ের গোড়ায় হাজির হ'য়েছি ! ওই দাঙা  
পা ছ'খানি দেখবার সাধ অনেক দিন থেকে মনে জাগছিল,  
আজ সে সাধ পূর্ণ হ'ল ! মা ! যে ছকুম ওদের দিচ্ছিলি—  
সেই ছকুম এখন তোর ছেলেকে দে মা—

রমা।—আংগ্রে ! পুত্র আমার—মাতৃভক্ত সন্তান ! মায়ের  
আদেশ পালন ক'র তবে,—এই আপাজিরাও আর এই  
সব সৈন্যদের এখনি বন্দী করো,—এরা বিদ্রোহী ।

আপাজি।—সৈন্যগণ ! তলোয়ার চালাও—

জানোজি।—আমরা তা'হলে গুলি চালাব ; তোমাদের কটাকে  
পীপড়ের মতন টিপে মারতে আমি একাই যথেষ্ট ! এই দণ্ডে  
তলোয়ার নামাও ।—মহাদেও !

( সলম্ফে মহাদেওয়ের প্রবেশ )

মহাদেও।—সরদার !

জানোজি।—আগে মাকে প্রণাম করো—[ মহাদেওয়ের তথা-  
করণ ] আর এদের পিছমোড়া ক'রে বাঁধো—এরা আমার  
মার অপমান ক'রেছে । বাঁধো এদের—যে বাধা দেবার  
চেষ্টা ক'রবে, আমি তাদের গুলি ক'রে মারবো ।

( জানোজির পিস্তল লক্ষ্য করণ,—মহাদেওয়ের  
আপাজি প্রভৃতিকে বন্ধন )

## পঞ্চম গর্ভাঙ্ক ।

—ঃ\*ঃ—

বেদনুর-সীমান্ত । কাল—মধ্যাহ্ন ।

টিপু সুলতানের সৈন্য-শ্রেণীর ছাউনির পার্শ্বস্থ পথ ।  
 পুরুষবেশী আনন্দীবাঈএর গমন, যোদ্ধৃপুরুষবেশী জোবেদীর  
 অতি সন্তুর্পনে তাহার অনুসরণ ও আনন্দীর স্বন্ধে  
 হস্তার্পন ;—চমকিতভাবে জোবেদীর দিকে ফিরিয়া  
 আনন্দীর তরবারি নিষ্কাশন, সঙ্গে সঙ্গে  
 জোবেদীরও তরবারি ধারণ ।

আনন্দী ।—[ জোবেদীর দিকে তীক্ষ্ণ দৃষ্টিতে চাহিয়া ]—বটে !  
 দেখছি তুমি রমণী !

জোবেদী ।—আর মহাশয়া বুঝি পুরুষ ?

আনন্দী ।—তোমার কি ধারণা—আমি পুরুষ নই ?

জোবেদী ।—কি ক'রে বলি বলুন,—জহরীই জহর চেনে ;  
 আপনি জহর দেখেই যখন তার কদর বুঝেছেন,—তখন  
 আমিও যে আপনাকে ঠিক ঠাওর ক'রতে পারিব, তাতে  
 আর কথা কি ! আমি যে মহাশয়েরই জাতীয়া ।

আনন্দী ।—তোমার উদ্দেশ্য কি জিজ্ঞাসা ক'রতে পারি ?

জোবেদী ।—জিজ্ঞাসা করা বৃথা,—কেন না ছুজনেরই উদ্দেশ্য

এক সূত্রে গাঁথা ! পীরিতের বাঁধনে ছুজনেই বাঁধা প'ড়েছি !

আনন্দী ।—কি বলছ তুমি ?

জোবেদী ।—কিছুইনা,—পরিহাস ক'রছি ! বলি মহাশয়া তো

সুলতান সাহেবকে পীরিতের ছিকলিতে বাঁধতে এসেছেন ?

আনন্দী ।—তুমি যে দেখছি একটি আশ পাগল !

জোবেদী ।—ভাল :—আমার তাহ'লে দোষ নেই কিন্তু,—

আমি সেপাইদের ডাকি তাহ'লে ! আর সুলতানকেও

বলি—প্রাণ হাতে ক'রে রাত্রিকালে আনন্দীবাসিয়ার

মন্দিরে যাবার দরকার কি—সে যখন আমাদের ছাউনির

মধ্যেই উপস্থিত ।

আনন্দী ।—চুপ কর বোন,—বুঝিছ, বুদ্ধিতে তুমি আমার চেয়ে

কম নও ; আমার তো পরিচয় পেয়েছ—এখন তোমার

পরিচয় দাও ; আমাকে বিশ্বাস ক'রে সব কথা বলো,

আমিও সমস্ত বলব ; তুমি আজ থেকে আমার ভগিনী,

আমাকেও তোমার ভগিনী বলে জেনো !

জোবেদী ।—এই তো ঠিক কথার মত কথা বোন ! আমি কে

শুনবে ? আমার নাম জোবেদী, আমি নবাব হায়দর আলির

আত্মীয়ের মেয়ে, বাপের মৃত্যুর পর নবাবের আশ্রয়ে

পালিতা হই,—নবাব-পুত্র সুলতান টিপু সুলতান আমার

আমিনা—

আনন্দী ।—বিবাহ কি এখনও হয়নি ?

জোবেদী ।—না ;—হবে কি না তাও বলা যায় না ! আর যদি সুলতানের সঙ্গে আমার বিবাহ না হয়—তুনিয়ায় আমার আর মুখ দেখাবার উপায় থাকবে না !

আনন্দী ।—এখন তোমাকে বিবাহ ক'রতে কি সুলতানের ইচ্ছা নেই ?

জোবেদী ।—বোধ হয় নেই ।

আনন্দী ।—কেন ?

জোবেদী ।—তোমার জন্ম !

আনন্দী ।—আমার জন্ম ?

জোবেদী ।—হাঁ—তোমারই জন্ম, কারণ—তোমার প্রকৃতি যেমন, সুলতানের প্রকৃতিও ঠিক সেই রকম ! তাই তোমাকে বিবাহ করবার জন্ম সুলতান উন্মত্ত ! আমার ধারণা ছিল, সুলতান তোমাকে বিবাহ ক'রতে ইচ্ছুক হ'লেও—হিন্দুর মেয়ে তুমি—তুমি তাকে বিবাহ ক'রতে কখনই সম্মত হবেনা ; কিন্তু এখন দেখছি, তুমিও তার প্রেমে অন্ধ !

আনন্দী ।—ভগিনী ! তুমি বড় ভুল ধারণাকে হৃদয়ে স্থান দিয়েছো !—আমি হিন্দুর মেয়ে—সুলতানকে আমি বিবাহ করব ! তবে এ ভাবে আমি এখানে এসেছি কেন ? সুলতানকে চিঠি আর তসবীর দিয়ে নিমন্ত্রণ করে এলুম কেন ?—সুলতানের ওপর প্রতিশোধ নেবার জন্ম !

সুলতানকে হাতে পেয়ে—উপযুক্ত শিক্ষা দিয়ে, আমি  
জানাব—আনন্দীবাঈকে বিবাহ করবার বাসনা ক'রে হৃদয়ে  
সে কি ছুরাশা পোষণ ক'রছে !

জোবেদা ।—তুমি কি তাহ'লে সুলতানকে হত্যা করবার সঙ্কল্প  
ক'রেছ ?

আনন্দী ।—সে কথা এখন বলা বৃথা, আর তা শুনে তোমার  
কোন লাভ নাই ; তবে, আর যে বেশীদূর অগ্রসর হব না—  
এটা স্থির ; কেননা—তাহ'লে যে আমার ভগিনীর প্রাণে  
বড় দাগা লাগবে !

জোবেদা ।—তবে এখন তাকে কি ক'রবে ?

আনন্দী ।—তুমি যা ক'রতে ব'লবে ।

জোবেদা ।—ভগিনী ! আমি তোমার কীর্তিকাহিনী অনেক  
শুনেছি ; তুমি নাকি অসাধ্য সাধন ক'রতে পার ! আচ্ছা,  
আমার এই বদমেজাজী প্রণয়ীটিকে আমার আপনার ক'রে  
দিতে পারনা ?

আনন্দী ।—কেন পারব না ?—এ আর এমন কঠিন কি ?

জোবেদা ।—তাহ'লে ভগিনী—চিরজীবন তোমার কেনা হ'য়ে  
থাকি !

আনন্দী ।—তুমি কি ভগিনী সুলতানের জাতসারেই এখানে  
আছ ?

জোবেদা ।—না, আমি সৈনিকের ছদ্মবেশে তাঁর সঙ্গে এসেছি ।



আনন্দা।—তাহ'লে বোন, আমার ওপর বিশ্বাস স্থাপন করে  
তুমি আমার সঙ্গে এসো,—সেখানে ছুই বোনে বসে  
পরামর্শ করব ; আজ রাতেই তোমার সুলতানকে তোমার  
আপনার করে দোব ।

জোবেদী।—বেশ কথা,—আমি এতে রাজী আছি ; তুমি তো  
আমার দিদি—তোমার বাড়ীতে যেতে আমার আপত্তি কি !

[ উভয়ের প্রস্থান ]

## ষষ্ঠ গর্ভাঙ্ক ।

বেদনুর—সুসজ্জিত প্রাসাদ কক্ষ ।      কাল—রাত্রি

বিচিত্র সজ্জায় সজ্জিতা রঙ্গিনীগণ ।

গীত ।

বদনে বদনে বল মদনের জয় ।

ভ্যজি লাজ মান ভয়      প্রাণ মানে পরাজয়

কল হাসি খেলে আজি সারাপুরীময়—

মদনের প্রিয় দূত কুহু রবে কথা কয় ॥

শুনি মদনের বাঁশী      অধরে ফুটিল হাসি

নব অনুরাগে প্রেম-অভিলাষী—

ছুটে আসে কুলনারী ভুলি আপনায় ॥

ধর ধর ধর তান                      সিন্ধু কাম্পাবতী গান

নয়নে ছোটাও খরতর বান ;

অতনু সে ফুলধনু হবেন সদয়—

চইতি টাঁদিনী রাতি হবে মধুময় ॥

[ প্রস্থান ]

( অত্যাঙ্কল পরিচ্ছদে সজ্জিত হইয়া আনন্দীর প্রবেশ । )

আনন্দী ।—আজ আমার কঠোর পরীক্ষা! যে বুদ্ধি ও কৌশলের প্রভাবে রঘুনাথরাওকে পরাজিত করেছি,—মহাশক্তিশালী টিপু সুলতানকে বশীভূত করেছি,—সেই বুদ্ধি ও কৌশল আজ পেশোয়ার ওপর প্রয়োগ ক’রে তার হৃদয় অধিকার করবার সঙ্কল্প করেছি ।—স্বয়ং পেশোয়ার শিবিরে গিয়ে রঘুনাথরাওয়ের তরবারি তাঁর পদতলে অর্পন করে আনুগত্য স্বীকার করেছি! সরল মহারাষ্ট্র-বীরের মনে আমার বিরুদ্ধ আর কিছু মাত্র বিদ্বেষ নেই—কোনো সন্দেহ নেই; তাঁর মুখ দেখে বুঝেছি—আমার শৌর্য্য-বীর্য্য—বুদ্ধি-কৌশল দর্শনে তিনি চমৎকৃত হয়েছেন! আমার গুণমুগ্ধ, রূপমুগ্ধ, চমৎকৃত পেশোয়ার হৃদয় অধিকার করা বোধ হয় আমার পক্ষে এখন আর কঠিন হবে না! আজ যদি পেশোয়াকে আয়ত্ত করতে অক্ষম হই, তাহলে বুঝিবো—আনন্দীবাদীর রূপগর্ব্ব বৃথা—শৌর্য্য-বীর্য্য মিথ্যা ।

[ সিংহাসনে উপবেশন ]

( জনৈক রঞ্জিণীর প্রবেশ )

১ম রঞ্জিণী ।—রাণী ! পেশোয়া এসেছেন ।

আনন্দী ।—এসেছেন পেশোয়া ! উত্তম ; সসম্মানে তাঁকে নিয়ে এসো ।

( দুইজন রঞ্জিণী-সহ মাধবরাওয়ের প্রবেশ )

আনন্দী ।—[ সিংহাসন হইতে অবতরণ করিয়া পেশোয়ার সম্মুখে নত জানু হইয়া ] পূজ্য পেশোয়া ! হিন্দুস্থানের উজ্জ্বল ভাস্কর ! অধিনী আনন্দীর অভিবাদন গ্রহণ করুন ।—[ পেশোয়ার বস্ত্র-প্রাপ্ত চুম্বন করিয়া ] আমি সাগ্রহে পেশোয়ার প্রতীক্ষা করছিলুম,—পেশোয়ার পবিত্র পরিচ্ছদ স্পর্শ করে আজ হৃদয় আমার পুণ্যময়—জীবন আমার সার্থক !

মাধব ।—[ আনন্দীর হস্ত ধরিয়া তুলিয়া ] আপনি উঠুন বাঈ সাহেবা ! এত কুণ্ঠিত হয়ে আমার সম্বন্ধনা করবার কোন প্রয়োজন নাই ।

আনন্দী ।—রাজাধিরাজ ! রাজ-অনুকম্পা প্রকাশ করে এই আসনে অধিষ্ঠিত হ'য়ে অধিনা আনন্দীকে কৃতার্থ করুন ।

মাধব ।—আপনিও আসন গ্রহণ করুন বাঈ সাহেবা !

আনন্দী ।—মহানাত্য পেশোয়ার সমক্ষে আদন গ্রহণ করা আমার পক্ষে ধৃষ্টতা !

মাধব ।—ধৃষ্টতা কেন হবে বাঈ সাহেবা ! আমি সরলতার পক্ষ-  
পাতী, রাজকীয় আদবকায়দার বশীভূত নই ; বিশেষতঃ  
আজ আমি আপনার নিমন্ত্রিত অতিথি, এখানে আমি  
পেশোয়া নই ! আপনি আসন গ্রহণ করুন ।

আনন্দী ।—পেশোয়া যদি স্বহস্তে অধিনীকে আসনে স্থাপিত  
করেন, তাহ'লে আমি আসনে অধিষ্ঠিতা হ'তে পারি—  
অনুগ্রহে নয় !

মাধব ।—আপনার ণায় নারীরত্নকে স্বহস্তে সিংহাসনে স্থাপন  
করবার অধিকার প্রাপ্ত হ'য়ে—আমি ভাগ্যবান্ সন্দেহ  
নাই । [ আনন্দীকে তাঁহার সিংহাসনে স্থাপিত করিয়া ]  
বাঈ সাহেবা ! পেশোয়া মাধবরাও আজ স্বহস্তে আপনাকে  
বেদনুরের সিংহাসনে স্থাপিত ক'রলে, বংশানুক্রমে  
আপনি এই সিংহাসনের অধিষ্ঠারী ; চন্দ্রসূর্য্য স্থানচ্যুত  
হ'লেও পেশোয়া বিচ্যুত হ'লেও আপনাকে সিংহাসন-  
চ্যুত করতে সক্ষম হবে না—স্বয়ং পেশোয়াও  
না !

আনন্দী ।—মহান পেশোয়া ! অধিনী আনন্দীর প্রতি আপনার  
এই করুণা যেন চিরস্থায়ী হয় । এখন আপনি অনুগ্রহ  
ক'রে আসনে অধিষ্ঠিত হোন ; পেশোয়ার যোগ্য সিংহাসন  
আমার ভবনে নেই !

মাধবরাও ।—আমি তো পেশোয়ার যোগ্য পরিচ্ছদে সজ্জিত

হয়ে আপনার আলয়ে আসিনি রাণী ! এই আমার যোগ্য  
আসন । [ উপবেশন ]

আনন্দী ।—আমার অনুরোধে আপনি সেনানীর পরিচ্ছদে  
এখানে আসাতে আমি অধিকতর আনন্দিত হয়েছি ! কারণ  
আমার ইচ্ছা—টিপুসুলতান এখানে এসে যেন আপনাকে  
পেশোয়া ব'লে চেনবার অবকাশ না পায় । স্পৃহিত  
সুলতান আমার প্রেমার্থী হ'য়ে এখানে আসছে ; কিন্তু  
এখানে এসে সে দেখতে পাবে—রাণী আনন্দীবাদীর  
সিংহাসন-সম্মুখে সে একজন বিচারপ্রার্থী—অপরাধী মাত্র !  
এই টিপু সুলতানের বিচার-ভার নেবার জন্য আমি ঈশ্বরের  
প্রতিনিধি—মানব জাতীর যোগ্য বিচারপতি—মহারাজপতি  
পেশোয়ার অনুমতি ভিক্ষা ক'রছি ।

মাধব ।—মহারাণী আনন্দীবাদীর বিচার পদ্ধতি স্বচক্ষে দর্শন  
করে মহারাষ্ট্রপতি পেশোয়া আজ ধন্য হবে ;—অনুমতি  
ভিক্ষা অনাবশ্যক ।

( দুইজন প্রহরী-সহ বৃদ্ধচক্ষু টিপু সুলতানের প্রবেশ )

টিপু ।—কতদূর—কতদূর আর কতদূর আমাকে এমন করে  
নিয়ে যাবে ? আর কতক্ষণ আমাকে এ ভাবে যেতে হবে ?

আনন্দী ।—আর যেতে হবেনা সুলতান টিপু ; আপনি  
অকুস্থানেই উপস্থিত হ'য়েছেন !—এখনই সুলতান  
সাহেবের চক্ষু খুলে দাও ।

( প্রহরীদ্বয় কর্তৃক চক্ষুর আবরণ উন্মোচন,—

সঙ্গে সঙ্গে উজ্জ্বল আলোক পাত )

টিপু ।—একি !—এ কোন্ স্থান ।—আমি এখন কোথায় !

আনন্দী ।—আনন্দীবাস্ত্রয়ের সম্মুখে ।

টিপু ।—কে—কে—আনন্দীবাস্ত্র কে ?

আনন্দী ।—আমিই আনন্দীবাস্ত্র—সুলতান টিপু !

টিপু ।—আপনি !—আপনি আনন্দীবাস্ত্র ?

আনন্দী ।—বিশ্বিত হচ্ছেন কেন সুলতানসাহেব ? যাকে প্রেম-  
পাশে বন্দি করিতে এসেছেন, তাকে রাণীরূপে  
সিংহাসনে সমাসীন দেখে কেন আপনি কুণ্ঠিত হচ্ছেন ?  
আপনি দাঁড়িয়ে রয়েছেন কেন ? বসুন না !

টিপু ।—আমি দেখছি—মুগ্ধ ভাবে তোমার রূপ-মাধুরী দেখছি !  
তুমি আনন্দীবাস্ত্র ! সত্যই কি তুমি আমাকে ভাল  
বেসেছ ?

আনন্দী ।—তোমাকে ভাল না বাসলে এমন খাতির করে  
এখানে আনব কেন সুলতান সাহেব ? আমার এ মন্দিরে  
মক্ষিকারও প্রবেশ করবার সামর্থ্য নাই ।

টিপু ।—তা—তা—তা—ই—ইনি কে ?

আনন্দী ।—ইনি পেশোয়ার প্রতিনিধি । আমার সঙ্গে সন্ধি-  
স্থাপনের জন্তু পেশোয়ার কাছ থেকে ইনি এসেছেন ।—  
দেখুন সুলতান ! পেশোয়া অঙ্গীকার করেছেন যে জীবন

সঙ্গে তিনি কখনো বেদনুরের বিরুদ্ধে অস্ত্রধারণ করবেন না। পেশোয়ার সঙ্গে নিতান্ত রূঢ় আচরণ করেও আমি যখন এমন সুব্যবহার পেয়েছি, তখন আপনার সঙ্গে চির-পরিচিত আত্মীয়ের মতন ব্যবহার করে আমি বোধ হয় অপেক্ষাকৃত বেশী কিছু প্রত্যাশা করতে পারি !

টিপু।—নিশ্চয়—নিশ্চয় বাঈসাহেব ! এতে আর কথা কি—

এতে আর কথা কি ?

আনন্দী।—কথা একটু আছে বইকি সুলতান ! আমি আপনার সঙ্গে এই প্রাসাদে বসে প্রেম করব, অথচ আমার মস্তক লক্ষ্য করে আপনার কামান দানবের মতন সুযোগ প্রতীক্ষা করছে। আপনার গোলন্দাজগণ এমন ভাবে তোপখানা সাজিয়েছে যে, প্রত্যেক গোলাটি আমার প্রাসাদের ওপর এসে পতিত হবে ! এতে কি সুস্থির হয়ে প্রেম করা চলে সুলতান ?

টিপু।—এইকথা ! আচ্ছা—আমি তোপখানা স্থানান্তরিত করবার হুকুম দোব ।

আনন্দী।—দোব নয়—এখনই দেওয়া চাই ;—আপনি আপনার তোপখানার মালিক গোলামকাদেরের ওপর হুকুমনামা লিখে দিন।—[ রঞ্জিনীর প্রতি ] এই ! সুলতান সাহেবকে কাগজ কলম দে ।

(জনৈক রঞ্জিনীর মসিপত্র, কাগজ, কলম প্রদান ও টিপুর লিখন)

টিপু।—এই আমি হুকুমনামা লিখে দিলাম।

আনন্দী।—দেখি!—[ রঞ্জিণীর পত্র প্রদর্শন ও পাঠ ] হাঁ, ঠিক হয়েছে।—[ প্রহরীর প্রতি ] দেখো—এই জরুরী চিঠি এখনই সুলতানের তোপখানায় পহঁছে দেওয়া চাই;—সেনাপতি গোলামকাদেরের নামে চিঠি,—যাও।

[ প্রহরীর প্রস্থান ]

টিপু।—কেমন খুসী হয়েছে তো বাঈসাহেব!

আনন্দী।—বহুত খুসী হয়েছি সুলতানসাহেব!—এতক্ষণে মনটা অনেকটা স্থির হ'লো;—নইলে মাথার ওপর খাঁড়া টাঙানো থাকলে মন কি কখনো স্থুর্তি মানে,—না, নিশ্চিত মনে প্রণয় করা চলে! আচ্ছা দেখুন, আপনি আমাকে বিবাহ করবেন তো?

টিপু।—বিবাহ!

আনন্দী।—ওকি! বিবাহের নাম শুনে চমকে উঠলে যে! সুলতান টিপু! তুমি কি বিবাহিত?

টিপু।—না এখনও আমি অবিবাহিত!

আনন্দী।—জীবনে কখনো কি তুমি কোন রমণীকে ভালবাসনি?  
সত্য কথা বলো; আমি জানি, টিপু সুলতান; সয়তান নয়।—সে কখনো মিথ্যা বলেনা। মিথ্যাবাদী কে আমি বড় ঘৃণা করি।

টিপু।—টিপু সুলতান কখন মিথ্যা বলেনা বাঈসাহেব,—সত্য



কথাই বলি শোন ; জোবেদী নাম্নী এক রমণীকে আমি কিছুকাল ভালবেসে ছিলাম—প্রেমও করে ছিলাম, কিন্তু তোমার কথা শুনে অবধি তার ওপর আমার কেমন একটা বিতৃষ্ণা জন্মেছে।

আনন্দী।—ভালই হ'য়েছে!—কিন্তু দেখ সুলতান, আমার একটা গুরুতর প্রতিজ্ঞা আছে ;—আমি যাকে ভালবাসব, তার আর কোনো ভালবাসার পাত্রী থাকে—এ আমার অম্বুহা ! অম্বুতঃ সে যেন জীবনে কখনো আমার সম্মুখে উদয় হবার অবকাশ না পায় ! আমি তোমাকে আত্মদান ক'রব সুলতান কিন্তু এই সর্ত্তে—যদি কখন তোমার পূর্ব প্রণয়-পাত্রী জোবেদী আমাদের সম্মুখে উপস্থিত হয়, তাহ'লে সেই মূহর্ত্তে আমাদের দাম্পত্য-সম্বন্ধ ঘুচে যাবে—ভ্রাতা-ভগিনী সম্বন্ধ স্থাপিত হবে।

( সৈনিক পরিচ্ছদে জোবেদীর প্রবেশ )

জোবেদী।—তাই হোক—তাই হোক—তোমাদের মধ্যে এই সম্বন্ধই স্থাপিত হোক ;—আমিই জোবেদী !

টিপু।—একি !—জোবেদী ! জোবেদী !!

আনন্দী।—য়্যা—য়্যা—জোবেদী ! আমার প্রণয়-পাত্রের, প্রণয়-পাত্রী সয়তানি জোবেদী ! উঃ অসহ্য ! অসহ্য !! আমার আত্মহত্যা ক'রতে ইচ্ছা হ'চ্ছে ! না—না—না— এই—এই সয়তানীকে খুন করবার উদ্ধাম প্রবৃত্তি মনে

জোগে উঠছে!—ওঃ আমাদের সমস্ত আশা পণ্ড করে দিলে !  
আমার প্রতিজ্ঞা যে পণ্ড হবার নয়—প্রতিজ্ঞা পূর্ণ ক'রতেই  
হবে ! সুলতান সুলতান ! আজ থেকে তুমি আমার স্নেহময়  
ভ্রাতা, আমি তোমার ভগিনী—আর এই জোবেদী আমার  
ভ্রাতৃভায়া !

( জোবেদীর কণ্ঠে নিজ কণ্ঠহার প্রদান )

টিপ্পা—য্যাঁ—এ স্বপ্ন—না তন্দ্রা ! মোহ—না—মায়া ! স্বপ্ন কি  
ভেঙ্গে গেল—তন্দ্রা কি ছুটে গেল—আশা কি চূর্ণ হ'ল ।—

এই তো—এই তো—জোবেদী ! সত্যই তো জোবেদী !

জোবেদী ।—হাঁ সুলতান—আমি তোমার সেই চির-পরিচিতা

বাঁদী জোবেদী ! তোমারই ইচ্ছায় আমি আজ রণরঙ্গিনী

জোবেদী ! তোমারই সাধ পূর্ণ ক'রতে—গভীরতর

নিরবতার মধ্যে তীব্রতর কর্মশীলা আমি জোবেদী !

টিপ্পা ।—জোবেদী—তুমি—তুমি—

অনন্দী ।—ক্রুদ্ধ হয়ো না ভাই, ক্রুদ্ধ হয়োনা,—জোবেদীর ওপর

ক্রোধ ক'রনা ; বিধি লিপি কে খণ্ডন করে ?—জোবেদী

যে নারী-কুলে রহ ! যে দৃষ্টিতে ভগিনীকে দর্শন কর—

সেই দৃষ্টি আমার ওপর নিষ্ফেপ কর ।—কত প্রভেদ বুঝতে

পারবে !

টিপ্পা ।—হাঁ—এবার বুঝিছি—বেশ বুঝতে পেরেছি ভগিনী ;—

এক বিপুল রাজ্যের অধীশ্বর যে—লক্ষ লক্ষ নর নারীর

সর্বস্ব যার ওপর নির্ভর ক'রছে, এক ইঙ্গিতে তুমি তার ভুল ভেঙ্গে দিয়ে কর্তব্য বুঝিয়ে দিয়েছো বোন ! আজ থেকে সত্যই তুমি আমার ভগিনী ; আমার তসলীম নাও বোন । আমাকে তোমার মাতৃগর্ভজাত ভ্রাতা বলেই জেনো । এসো—জোবেদী, আমার ভগিনীকে প্রণাম ক'রে আমার সঙ্গে এসো ;—আজ থেকে তুমি আমার সহধর্মিণী !

( জোবেদীর কুর্ণিশ, কৃতজ্ঞতাপূর্ণ দৃষ্টি,—আনন্দীর হস্তসঙ্কেতে আশীর্বাদ ; জোবেদীকে লইয়া টিপুর্ প্রস্থান )

আনন্দী ।—[ প্রহরীর প্রতি ] এঁদের সঙ্গে যাও,—শিবিরে পঁছবার ব্যবস্থা ক'রে দিয়ে এসো—যানবাহনের যেন কোন ক্রটি না হয় ! [ প্রহরীর প্রস্থান ]  
পেশোয়া ! আপনি বোধ হয় এই অপরূপ বিচার-অভিনয় দেখে বিস্মিত হ'য়েছেন ! কিন্তু এর একটু রহস্য আছে ;—এই জোবেদী সুলতানকে পাবার জন্য আমার শরণাপন্ন হয়—তাই এই বিচার অভিনয় !

মাধব ।—ধন্য আপনি আনন্দীবাদী ! ভগবান আপনাকে লোক-পালনের—সাম্রাজ্য-শাসনের সামর্থ্য দিয়ে সংসারে পাঠিয়ে-ছেন ; অহিতুণ্ডিকেরা সর্পকে যেমন সহজে আয়ত্ত্ব ক'রতে পারে, মানুষকে হেলায় বশীভূত ক'রতে আপনিও তেমনি সক্ষম ।

আনন্দী ।—স্পষ্টবাদী পেশোয়ার বদনে পুষ্পচন্দন পঁড়ুক  
তাহলে ! [ রঙ্গিনীদিগের প্রতি চাহিয়া অর্থপূর্ণ ইঙ্গিত,—  
তাহাদের প্রস্থান ] পেশোয়া ! লোকে বলে আপনি  
অপ্রেমিক, নারীর মনোরঞ্জে আপনি নাকি অক্ষম ; কিন্তু  
আমি দেখছি—এ বিষয়ে আপনার ক্ষমতা অসাধারণ !

মাধব ।—না বাঈসাহেবা ! এ আপনার ভুল ধারণা, নারীর  
মনোরঞ্জে আমার কোন কৃতিত্ব নাই ; প্রেমের অভিনয়ে  
আমি সম্পূর্ণ অক্ষম ।

আনন্দী ।—বিলক্ষণ ! এমন ভুবনমোহন প্রিয়দর্শন পুরুষ আপনি,  
নারীর মনোরঞ্জে আপনার কৃতিত্ব নেই ? প্রেমের অভি-  
নয়ে আপনি অক্ষম ? এমন যে প্রেমহীনা হৃদয়হীনা—  
কঠিনপ্রাণা নারী আমি—আমাকেও আপনি মুগ্ধ ক'রেছেন !  
আপনার বচন, আপনার আচরণ—আপনার ওই প্রফুল্ল  
ইন্দীবর-তুল্য মোহময় লোচন—আমাকে তন্ময় ক'রেছে,  
পাগল ক'রেছে ! আমার প্রেমশূন্য নিরস শুষ্ক হৃদয়কুঞ্জে  
নব অনুরাগের কিসলয়-পুঞ্জের সঞ্চার ক'রেছে !—শুষ্ক তরু  
ফলফুল মুকুল ধরে অতুল হ'য়ে উঠেছে !

মাধব ।—বাঈসাহেবা ! আপনি এসব কি বলছেন ? আমি কিছু  
বুঝতে পারছি না !

আনন্দী ।—বুঝতে পারছ না ? নির্বোধ পুরুষ ! আমার কথা  
কি এতই দুর্বোধ ? বুদ্ধিতে বৃহস্পতি ছুমি—হীনবুদ্ধি

নারীর মনোভাব বুঝতে পারছনা ? অমন প্রাঞ্জল প্রদীপ্ত নেত্র তোমার—সে কি কেবল আততায়ীকে দক্ষ ক'রতে ? কুরঙ্গিনী রমণীর অন্তরে দাবানলের বিকাশ ক'রতে ? প্রেমাকাঙ্ক্ষিনী নারীর হৃদয়ের ছবি লক্ষ্য ক'রতে তোমার ওই অন্তর্ভেদী দৃষ্টির কি কোন সামর্থ্যই নেই ! হায় হতভাগ্য পুরুষ ! তুমি আবার পুরুষের গর্ব করো—পুরুষ-সিংহ বলে আত্ম-প্রতিষ্ঠা ক'রতে চাও ? নারীর ইঙ্গিত বোঝ না—নারীর কটাক্ষ লক্ষ্য কর না—তবু তুমি পুরুষ ! ধিক !

মাধব।—রাণী আনন্দীবান্ধি ! আপনি দেখছি অত্যন্ত উত্তেজিত হ'য়ে উঠেছেন ! আপনার সম্বন্ধে আমার অন্তরে বড় উচ্চ ধারণা বদ্ধমূল হ'য়েছে ! সে ধারণাকে দুর্বল হ'তে দেওয়া কখনই শোভন নয় । এখন আমার পক্ষে এ স্থান ত্যাগ করাই সঙ্গত ।

আনন্দী।—না—না—তা হবেনা—তা হ'তে পারে না ! এ রাত্রে কোথায় যাবে তুমি ? এমন সুন্দর রজনী—এমন সুবাসিত সুসজ্জিত কক্ষ—বাইরে অমন সুধাংশুর অমল ধবল কিরণজাল বিস্তৃত—আর সম্মুখে তোমার ফুটন্ত পুষ্প স্তবকতুল্য এমন নিরূপমা নারীরত্ন ! এসব ফেলে কোথায় যাবে প্রিয়তম ? [ সবেগে পেশোয়ার সমীপবর্তী হইয়া ]  
পেশোয়া ! পেশোয়া ! পেশোয়া ! আমার সর্বস্ব ! আমার

প্রিয়তম ! আমার এই আয়োজন—এই চেষ্টা—এই যত্ন—  
এই আকিঞ্চন—কেন তা জান কি ? তোমার জন্ম, কেবল  
তোমার জন্ম ;—তোমাকে পাবার জন্ম ;—তোমাকে পাবার  
জন্ম । কত দিন—কত মাস—কত বর্ষ ধরে কল্পনার  
চক্ষে তোমাকে ধ্যান করে আসছি ! আজ আমার বাসনা  
পূর্ণ হ'য়েছে—আজ আমার তপস্যা সফল হ'য়েছে ; আমার  
“এই মহা তপস্যার মহাফল—তোমার সঙ্গলাভ ।—  
পেশোয়া ! পেশোয়া ! তুমি আমার প্রভু—তুমি আমার  
স্বামী—তুমি আমার সর্বস্ব ! আমি তোমার পদামতা  
দাসী—আমাকে গ্রহণ করো—

মাধব ।—নারায়ণ ! নারায়ণ ! [ স্বগত ] কুলদেব গণপতি !  
আমাকে এ দানবীর গ্রাস থেকে রক্ষা করো !—[ প্রকাশ্যে ]  
আমিন্দীবাসি ! এই জন্মই কি তুমি পেশোয়াকে আমন্ত্রণ  
ক'রে তোমার বিলাসভবনে এনেছিলে ? তোমার অঙ্ককার  
এই সব আয়োজন পেশোয়াকে প্রণয়জালে আবদ্ধ করবার  
উপাদান মাত্র তাহ'লে ? আমিন্দীবাসি ! পেশোয়া মাধব-  
রাওকে তোমার প্রণয়-শরে বিদ্ধ করবার কল্পনা ক'রে তুমি  
ভয়ঙ্কর ভুল ক'রে ফেলেছো !—পেশোয়ার হৃদয়ের আবরণ  
গর্তীর চর্মের চেয়েও ভীষণ,—প্রেমের প্রহরণ এ অঙ্গে  
মিথল !

আমিন্দী ।—পেশোয়া ! পেশোয়া ! এ তো আমার প্রেমের খেলা

লয়—প্রণয়ের স্থলনা নয় ; অল্পবুদ্ধি নারী আমি—তোমার  
 স্তনে যুক্ত হ'য়ে তোমাকে ভালবেসেছি ! আমার এ ভাষাভাষা  
 মরকের পুষ্টিগন্ধভরা ময়—স্বার্থময় সংসারের স্নেহময়  
 আবর্জনা নয় !—মনে প্রাণে আমি তোমাকে ভালবেসেছি ;  
 তোমার সহধর্মিণী হবার—মঙ্গিনী হবার—দাসী হবার—  
 অংকাঙ্ক্ষা রাখি,—শরণাগতা নারীকে চরণে স্থান দাও  
 প্রাণাধিক !

অধঃ ।—অসম্ভব ! তোমার এ প্রার্থনা নিষ্ফল ; বিবাহিত  
 আমি—তোমাকে গ্রহণ করবার সামর্থ্য আমার নাই ;  
 অমায় মার্জনা করেণ অনন্দীবাই ।

অনন্দী ।—না—না—দয়া কর—দয়া কর,—রক্ষা কর আমাকে,  
 আমার এ রূপ—এ যৌবন—এ লাবণ্য—এ কামনা—এ  
 বাসনা ব্যর্থ ক'র না ; আমাকে গ্রহণ করে ।—আমার  
 সাহচর্য্য পেলে তুমি অসাধ্যসাধনে সক্ষম হবে,—গ্রহণ  
 কর আমাকে । [ ছুটিয়া গিয়া শোফা হইতে পুষ্পমালা  
 আনিয়া ] এই দেখ—এই দেখ প্রিয়তম ! কি  
 সুন্দর পুষ্পমালা তোমার জন্য স্বহস্তে নির্মাণ ক'রে  
 রেখেছি ! এই মালা তোমার এই অমুপম কণ্ঠে অর্পণ ক'রে  
 স্বর্গীয় মুখ আয়ত্ত করবার কামনা ক'রেছি,—আমার কামনা  
 এ ভাবে চূর্ণ ক'র না—আমার আদরের দান প্রত্যাফান  
 ক'র না—এই মালা গ্রহণ কর—



[ আনন্দীর পেশোয়া-কণ্ঠ লক্ষ্য করিয়া মাল্য অর্পণ,—  
পেশোয়ার ক্ষিপ্রহস্তে মাল্য ধারণ ও শত ছিন্ন করিয়া  
কক্ষতলে সরোষে নিক্ষেপ ]

যাঁ—ছিঁড়ে ফেললে ! উঃ—এই মালার সঙ্গে সঙ্গে আমার  
বুকের পঞ্জর চূর্ণ হ'ল—শিরাগুলো ছিঁড়ে গেল—বুকটাও  
বুঝি—ভেঙ্গে প'ড়ল ! পেশোয়া—পেশোয়া—

মাধব ।—আনন্দীবান্ধ ! সাবধান ! পুনর্বার যদি তুমি  
আমার অঙ্গ স্পর্শ করবার প্রয়াস পাও,—তাহ'লে—নারী  
হ'লেও তোমার অঙ্গপ্রত্যঙ্গ এই পুষ্পমাল্যের মত ছিন্ন  
বিচ্ছিন্ন হবে । মনে রেখো আনন্দীবান্ধ—আমি পেশোয়া  
মাধবরাও,—শুলতান টিপু নই ; মনে রেখো তুমি—করে  
যার রাজ্যভার, তার আভরণ অস্ত্রমালা—ফুলমালা নয় !

আনন্দী ।—নিশ্চয়,—একথা আমি ভুলে গিয়েছিলুম—সোজা  
পথ ছেড়ে বাঁকা পথে আমার চক্র চালিয়েছিলুম,—ঠিক—  
ঠিক !—কিন্তু এইবার—এইবার পেশোয়া—চাকা আমার  
ঘুরিয়ে দিচ্ছি ! এইবার দেখদেখি—

( ক্ষিপ্রহস্তে কক্ষস্থ একটি রৌপ্যময় চক্রদণ্ড আকর্ষণ,—  
ঘণ্টার আওয়াজে সঙ্গে সঙ্গে নিষ্কাশিত তরবারি হস্তে  
বরকন্দাজগণের প্রবেশ )

দাস্তিক পেশোয়া ! এইবার ? এইবার ? ফুলমালা আমার  
ছিঁড়ে ফেলেছো—দেখ কেমন অস্ত্রমালা সাজিয়ে এনেছি !



— কি ক'রবে ? কোন মালা প'রবে ? ওই ছিন্নমালা কুড়িয়ে নিয়ে গলায় দেবে—না, অস্ত্রমালা প'রে রক্তমাখা দেহে— লৌহ-পিঞ্জরে আবদ্ধ হ'য়ে টিপু সুলতানের শিবিরে যাবে ?  
মাধব।—আনন্দীবাঈ! স্মরণ থাকে যেন—আমি পেশোয়া মাধবরাও !

আনন্দী।—সে পুণায়—বেদনুরে নয় ; আমার সম্মুখে এখন তুমি শক্তিশূন্য নিঃসঙ্গ একা !

মাধব।—তত্রাচ পেশোয়া—একাই সহস্র ।

আনন্দী।—তাই নাকি ! তবে আর কথা-কাটাকাটি ক'রে ফল কি ?—কত সৈন্যের শক্তি ধর তুমি—দেখতে তা হানি কি ? সাহসী সৈন্যগণ ! তোমাদের অভ্যস্ত হস্তে আগে এর মাথার পাগড়ী আর কোমরের তরবারি কেড়ে নাও,—তার পর লৌহ-পিঞ্জরে আবদ্ধ কর ।

মাধব।—[ অঙ্গুলি তুলিয়া ] খবরদার !—[ ঝটিতি বস্ত্রাভ্যন্তর হইতে ক্ষুদ্র রণভেরী বাহির করিয়া বাজাইয়া ] স্থির থাকো সকলে ! নগণ্য এক নারীর আক্রমণ নিবারণ ক'রতে পেশোয়া স্বয়ং অস্ত্রধারণ করে না ।

( জনার্দনভানু ও বন্দুকধারী সৈন্যগণের প্রবেশ )

জনার্দন।—কখনো না,—তাহ'লে আমরা আছি কি ক'রতে ?—  
পেশোয়া ! পেশোয়া ! সৈন্যগণ এই প্রাসাদ অবরোধ ক'রে আছে—একটি মাত্র ইঙ্গিতে প্রাসাদ ধ্বংস হবে ।

মাধব ।—অবরোধ তুলে নাও জন্মদিন ! আমি স্বহস্তে এই  
 রমণীকে যে প্রাসাদে প্রতিষ্ঠিত ক'রেছি, সে প্রাসাদ  
 চূর্ণ ক'রব না ! আনন্দীবাসি ! যেন স্মরণ থাকে তোমার—  
 উচ্চে ঐশীশক্তি, ধরাতেলে রাজশক্তি, উভয়ই পেশোয়ার !

[ প্রস্থান ]

( আনন্দীবাসিএর স্তম্ভভাবে অবস্থান ! )



# তৃতীয় অঙ্ক ।



## প্রথম গর্তাঙ্ক ।



বেদমুর—আনন্দীর প্রাসাদ-কক্ষ । কাল—অপরাহ্ন ।

রঘুনাথস্বাও ও আনন্দীবাসী ।

আনন্দী ।—স্বাওসাহেব ! আমার স্বপ্ন ভেঙ্গে গেছে ! এখন আমি তোমাকে স্বেচ্ছায় আত্মসমর্পণ করবুম ; আজ থেকে আমি তোমার সহধর্মিণী—বিবাহিতা পত্নী ; আমাদের একই উদ্দেশ্য ; লক্ষ্য—পেশোয়ার সর্বনাশ-সাধন—আর পুণার সিংহাসন !

রঘুনাথ ।—পুণার সিংহাসন শূন্য এখন প্রিয়তমে ! যদিও নারায়ণকে পেশোয়া ব'লে ঘোষণা ক'রেছি—কিন্তু সে কেবল কার্যোদ্ধার করবার জন্য । কার্য সিদ্ধ হবার সঙ্গে সঙ্গে পুণার রাজনৈতিক-আকাশ থেকে সে কুজ্জটিকার মতন অপমৃত হবে । এবার যে যড়যন্ত্রের জাল বিস্তার ক'রেছি—তাতে পেশোয়ার পতন অনিবার্য ; পেশোয়ার এক লক্ষ

শুশিক্ষিত সৈন্য এখন আমার পতাকামূলে সমবেত । 'কিন্তু'  
টিপু সুলতানের সঙ্গে সন্ধি স্থাপনের ভার তোমার উপর ।  
আনন্দী ।—সে জন্ম নিশ্চিত থাক তুমি, টিপু এখন আমার  
পক্ষে ;—সে কখনো আমার বিরুদ্ধে যাবে না—এ আমার  
দৃঢ় বিশ্বাস । আজই আমি তার কাছে ছুত পাঠাব ।

( প্রহরিণীর প্রবেশ )

প্রহরিণী ।—রাণী ! জোবেদী বিবি দেখা ক'রতে এসেছেন ।

আনন্দী ।—তাই নাকি !—আচ্ছা তাঁকে এইখানে আনো,—

[ প্রহরিণীর প্রস্থান ]

টিপু সুলতানের বিবি আসছেন,—তুমি একটু তফাতে যাও ।

[ রঘুনাথের প্রস্থান ]

( জোবেদীর প্রবেশ )

এস ভগিনী এস ; ভাল আছ তো ?

জোবেদী ।—তোমার অনুগ্রহে ভগিনী, সেদিন থেকে স্বামীর  
ভালবাসা পেয়েছি,—কাজেই ভালও আছি ।—কিন্তু এদিকে  
আবার এক বিপদ উপস্থিত ।

আনন্দী !—হ'য়েছে কি ?

জোবেদী ।—বেদনুর আক্রমণ না ক'রে তোমার সঙ্গে সম্প্রীতি  
স্থাপন করায়, পাপিষ্ঠ গোলামকাদের অত্যন্ত অসন্তুষ্ট  
হ'য়েছে । এই নরাধম নবাবকে যাহু ক'রে ফেলেছে !  
গোলামকাদেরের যুক্তি নবাবের কাছে যেন কোরাণের

উক্তি, সয়তান নবাবের কাছে সুলতান সাহেবের নামে অভিযোগ ক'রেছে ;—তাই নবাব নিজে বেদনুরে আসছেন ।

আনন্দী ।—নবাব সম্বন্ধে সুলতান সাহেবের কি ধারণা ?

জোবেদী ।—নবাব এখানে এসেই সুলতানের কাছে এই কৈফিয়ৎ চাইবেন যে—কেন আপনাকে বন্দি ক'রে মহীশূরে পাঠান হয় নি ?

আনন্দী ।—সুলতান সাহেব এখন কি স্থির ক'রেছেন ?

জোবেদী ।—তিনি এ বিষয়ে আপনারই পরামর্শ চেয়েছেন !

আনন্দী ।—এ বিষয়ে আমি তাঁকে সুপরামর্শই দোবো ; এমন পরামর্শ তাঁকে দোবো—যা শুনে তিনি তুষ্ট হবেন, নবাবও আপ্যায়িত হবেন । শোনো জোবেদী, সুলতানকে বলবে, নবাব বেদনুরে এসে উপস্থিত হবার পূর্বেই তিনি যেন পেশোয়াকে আক্রমণ করেন ; পেশোয়ার রাজধানীতে এখন বিষম গোলযোগ বেধেছে, আর সে গোলযোগ আমিই বাধিয়েছি ; পেশোয়া এই গোলযোগ শুনে সসৈন্যে রাজধানীতে ফেরবার সঙ্কল্প ক'রেছে । এই সময় সুলতান সাহেব যেমন তাকে আক্রমণ ক'রবে—সঙ্গে সঙ্গে পেশোয়ার পিতৃব্য অমনি এক লক্ষ সৈন্য নিয়ে তার পশ্চাতে উপস্থিত হবে ; তার ফলে পেশোয়ার পতন নিশ্চয় ।—এই যুদ্ধের ব্যয় স্বরূপ সুলতান সাহেবকে আমি

বিশ লক্ষ মুদ্রা সওগাদ দোব,— যথাশক্তি সর্হায্য  
ক'রম ;—কিন্তু এই পর্য্যন্ত ; সুন্দর পরই সুলতানকে  
স্বরাজ্যে ফিরে যেতে হবে,—মহারাষ্ট্র-দেশে তিনি প্রবেশ  
ক'রতে পারবেন না ।—তারপর নবাব এসে সুলতানের কাছে  
কৈকিরং চাইলে, সুলতান অস্ত্রান বদনেব'লতে পারবেন যে  
বেদমুরের রাণী বিশ লক্ষ মুদ্রা খেসারত দিয়ে আমাদে  
পক্ষ গ্রহণ করায়, তাঁর সঙ্গে সন্ধি করা হ'য়েছে ।—স্বমন,  
এ প্রস্তাব মন্দ কি ?

জোবেদী ।—খুব সুন্দর প্রস্তাব দিদি ; তবে একটা কথা  
এই—সুলতানকে খাপ থেকে তলোয়ার খুলতেই হবে !

আনন্দী ।—এর জন্তু আপশোস ক'রলে চলবে কেন বোন ?  
নবাব-বাদশাকে খসম কর'বে—অথচ কোনো হান্সাম সম্ব  
ক'রতে রাজি নও ; একি কখনো হয় বোন ? প্রেমের সঙ্গে  
ফুলের সম্বন্ধ যেমন—অস্ত্রের সম্বন্ধও ঠিক সেই রকম !—  
তুমি তাহ'লে এখন এসো ;—আমি সুলতানের কাছে ছুত  
পাঠিয়ে—সকল কথার মীমাংসা করবো ।—চলো তোমাকে  
স্বর্টক পর্য্যন্ত এগিয়ে দিয়ে আসি ।

[ উভয়ের প্রস্থান ।



## দ্বিতীয় গর্ভাঙ্ক ।

বেদনুর—গোলামকাদেরের শিবির । কাল—প্রভাত ।

গোলামকাদের ।

গোলাম ।—টিপু সুলতানের দর্প আমাকে চূর্ণ ক'রতেই হবে !—  
সে আমার অতি উচ্চ আশায় আঘাত ক'রেছে ! বেদনুর  
লুণ্ঠন ক'রে প্রভূত ধনরত্নের অধিকারী হব—অত্যাচারের  
আগুণে পুরবাসীদের পুড়িয়ে মারবো—আওরতদের ধর্মে  
আঘাত ক'রে, আত্মতৃপ্তিলাভ ক'রব, আর সেই সুন্দরী  
আনন্দীবিকে বাঁদি ক'রে মজা লুটবো—এই আমার উচ্চ  
আশা ছিল ; কিন্তু টিপু আমার এ আশা ভঙ্গ ক'রেছে ;  
আমার অজ্ঞাতে সে সেই বাঁদির সঙ্গে সন্ধি ক'রেছে ;  
নিশ্চয়ই একটা মোটা রকম দাঁও মেরেছে—তাতে আর  
সন্দেহ নেই , কিন্তু আমার আশা তো অপূর্ণ র'য়ে গেল !  
এমন একটা উচ্চ আশা এত সহজে ভঙ্গ হওয়ায়, হৃদয় আমার  
ভেঙ্গে প'ড়েছে !—বেদনুর লুণ্ঠনের নামে বড় আনন্দে যুদ্ধে  
এসেছিলাম ; কিন্তু এখন সে আনন্দ কোথায় ? যে যুদ্ধে  
লুণ্ঠনের সম্ভাবনা নেই—আমার বিবেচনায় সে যুদ্ধ যুদ্ধই  
নয় ! টিপু পেশোয়ার বিরুদ্ধে যুদ্ধ-ঘোষণা ক'রেছে ;

আহম্মদনগরের বিশাল প্রাস্তরে পেশোয়ার সঙ্গে যুদ্ধ হবে, সেখানে শত-ক্রোশ-ব্যাপী বিশাল প্রাস্তর ধু-ধু ক'রছে! পল্লী নেই, নগর নেই, সোনা নেই, সুন্দরী নেই—এমন যুদ্ধে যোগ দিতে আমি প্রস্তুত নই! সকল সেনানী—সকল সেনা যুদ্ধে যাচ্ছে—কেবল আমি আমার সৈন্যদের নিয়ে এই স্থানে স্থির ভাবে ব'সে আছি। কেন আছি? কিছু কি উদ্দেশ্য নেই? আছে বইকি! বেদনুরের বিবির প্রাসাদ-চূড়া এখান থেকে দেখা যাচ্ছে! নির্বোধ টিপু! তুমি পেশোয়ার বিরুদ্ধে সমর-সমুদ্রে ঝাঁপ দাও, আর আমি এখানে বাহুবলে বেদনুরের প্রাসাদে প্রবেশ ক'রে—প্রাসাদ লুণ্ঠন ক'রে—প্রাসাদের পরীকে প্রেমপাশে বেঁধে নির্বিবাদে বেহেশ্তের সুখভোগ করি।

( টিপু সুলতানের প্রবেশ )

টিপু।—একি! আপনি এখনো শিবিরে র'য়েছেন? ব্যাপার কি!

গোলাম।—এর কৈফিয়ৎ আপনাকে দিতে আমি বাধ্য নই।

টিপু।—তবে কাকে এর কৈফিয়ৎ দিতে আপনি বাধ্য?

গোলাম।—নবাব হায়দরআলিকে।

টিপু।—নবাব এখন মহীশূরে; আমার সকল সৈন্য—

সকল সেনানী এখন পেশোয়ার বিরুদ্ধে চ'লেছে; যুদ্ধ আরম্ভ হ'তে বিলম্ব নেই, অথচ আপনি আপনার সমস্ত



সৈন্য নিয়ে নির্বিকার চিত্তে এখানে অবস্থান ক'রেছেন !  
প্রবল শত্রুর সঙ্গে জীবনপণ-যুদ্ধ আমাদের ; এ যুদ্ধে যদি  
পরাজিত হই—কে তার জন্ত দায়ী হবে ?

গোলাম ।—ও কথা আমাকে জিজ্ঞাসা করা বৃথা ;—নবাবের  
আদেশে আমি বেদনুর আক্রমণ ক'রতে এসেছিলাম,—  
পেশোয়াকে আক্রমণ ক'রতে নয় ।

টিপু ।—বেদনুর উপলক্ষ ক'রে পেশোয়ার সঙ্গে যুদ্ধ হবে—  
আপনি তা জানতেন না ? কোরাণ স্পর্শ ক'রে আপনি  
একথা ব'লতে পারেন ?

গোলাম !—বেদনুর আক্রমণ না ক'রে—বেদনুরের বিবিকে  
বন্দী না ক'রে—আমি বেদনুর ত্যাগ ক'রতে প্রস্তুত নই ;  
আমার একজন সৈন্যও বেদনুর পরিত্যাগ ক'রবে না ।

টিপু ।—গোলাম কাদের ! আমি এ যুদ্ধের প্রধান সেনাপতি ;  
তুমি স্বাধীন নও—আমার অধীন ; তোমার প্রতি আমার  
এই আদেশ—এই মুহূর্তে তুমি তোমার সৈন্যদল নিয়ে  
আহম্মদনগরে ধাবিত হও, এ আদেশ যদি তুমি পালন না  
কর—এই স্থানে আমি তোমাকে কুকুরের মতন বধ ক'রব ।

গোলাম ।—টিপু সুলতান ! গোলামকাদের আমার নাম, আমি  
খাটি পাঠান ; আমার নামে সয়তানও ভয় পায় ! আমার  
সঙ্গে যদি তুমি সয়তানি কর—এই দণ্ডে আমি তোমাকে  
জাহান্নামে পাঠাব ।

টিপু ।—সয়তান ! বেইমান ! বিশ্বাসঘাতক ! [তরবারি নিষ্কাশন]

গোলাম ।—বদমাস ! কাফেরের বান্দা ! [তরবারি নিষ্কাশন]

( উভয়ের যুদ্ধোত্তোগ হায়দরআলির প্রবেশ )

হায়দর ।—চমৎকার !—চমৎকার !—আমার সাহসী সৈন্যদল

মহা উৎসাহে শত্রুকে যুদ্ধ দিতে ছুটেছে, আর শিবিরে—

তাদের ছুই দলপতি তলোয়ার খুলে স্বপ্নযুদ্ধে রত !

চমৎকার !

টিপু ।—বাবজান !—

হায়দর ।—চূপ ! আগে আমাকে উত্তর দাও,—বেদনুরের

প্রাসাদ এখনো ধ্বংস হয়নি কি জন্তু ?

গোলাম ।—জনাব এই জন্তুই আমি—

হায়দর ।—চূপরও তুমি ;—আমার কথার উত্তর দাও টিপু !

টিপু ।—বাবজান ! আনন্দীবাদি আমাদের সঙ্গে সন্ধি ক'রেছেন ;

পূর্বকৃত অপরাধের জন্য ক্ষমা প্রার্থনা ক'রে বিশলক্ষ মুদ্রা

খেসারৎ দিয়েছেন—আর বর্তমান যুদ্ধে প্রভুর সাহায্য

ক'রতে সম্মত হ'য়েছেন ! যে সন্তে তাঁর সঙ্গে সন্ধি

ক'রেছি—এই পত্রে তা পাঠ করুন ! [পত্র প্রদান ও

হায়দরআলির পাঠ.] পিতা ! আনন্দীবাদিকে বন্দি করার

চেয়ে সন্ধি সন্তে আবদ্ধ ক'রে বোধ হয় অধিক ফল হ'য়েছে ।

হায়দর ।—গোলাম ! টিপুর বিরুদ্ধে আমার কাছে তুমি যে

দরখাস্ত পেশ ক'রেছিলে, তাতে তো এসব কথা লেখনি !

গোলান্নি ।—এ সব কথার আমি তো কিছুই জানতেম না জনাব !  
 সুলতান সাহেব এ সম্বন্ধে আমাকে কোন কথা বলা  
 আবশ্যক মনে করেন নি ; আমার মত না নিয়েই ইনি  
 পেশোয়ার বিরুদ্ধে অভিযান ক'রেছেন, কিন্তু বেদনুর  
 প্রাসাদ দখল করা হয়নি ব'লে আমি এ যুদ্ধে যোগ দিতে  
 সম্মত হইনি ; তাই উনি আমাকে আক্রমণ করেন,—আত্ম-  
 রক্ষার জন্য বাধ্য হয়ে আমিও অস্ত্র ধারণ ক'রেছি !

হায়দর ।—উত্তম ক'রেছো !—এখন তলোয়ার খাপে তোল  
 দুজনে ।—প্রবল শত্রু পেশোয়ার সঙ্গে যুদ্ধ ; মনে রেখ, এ  
 যুদ্ধ ছেলেখেলা নয় ! তোমাদের উভয়ের ওপর আমি  
 অগাধ বিশ্বাস রাখি, আর বিলম্ব নয় ; চলো—যুদ্ধে ।

[ সকলের প্রস্থান ]

## তৃতীয় গর্ভাঙ্ক ।

—o:~:~:~o—

শিবিরের অপর অংশ ।                      কাল—প্রভাত ।

ফুল সাজে সজ্জিতা ফুলধনুধ্বতা নর্তকীগণের

( গীত । )

প্রেমরঙ্গে মোরা রঙ্গিনী দামিনী-গামিনী অঙ্গনা ।

নাগর হ'য়েছে অরি, তা কি লো সহিতে পারি,

রণেতে দিয়েছি হান্না ॥

চঞ্চল বাতাসে হের উড়িছে অঞ্চল,

অভিমাণে বেণীসব করে টলমল

বুকের ভেতর ওলো ছোট্টে হলাহল

চল্ চল্ ছুটে চল্ প্রাণে বাজে বেদনা ।

বেঁধে বুকের ছতি, হাওয়ার গতি, হাতে ফুলের স্বর,

কন্দর্পে ক'রেছি সাধি, হারাতে অরাতি,

আর কারে লো ডর,

গরব ভরে ধনুক ধ'রে ক'রব লো সমর,—

কত বল ধরে নাগর যাবে লো জানা ॥

( ফয়জল ও কামতারের প্রবেশ )

ফয়জল।—ওরে কামতার! বিবিজানদের আজ সাজ গোজের বাহার দেখিছিস? আজ ঠিক লড়ায়ে নাচনাওয়ালি ব'লে মানিয়েছে ধটে!

কামতার।—কিন্তু এই সাজন-গোজনই সার তোমাদের। সুলাতান সাহেবের সঙ্গে তো আর মুলাকাত হ'ছে না—যে ভোল কিরিয়ে তুশো বাহবা নেবে।

১ম নর্তকী।—বলি কেন হে মিঞা সাহেব! সুলাতান সাহেবের সঙ্গে মুলাকাত না হবেই বা কেন?

২য় নর্তকী।—আর বলি কি—এমন সুসংবাদটা নাইবা দিলেন! তা দিয়েছেন—ঘেণ ক'রেছেন; কিন্তু এর বদলে কি আপনাদের রাখলিস্ কসি বলুন? আমাদের গায়ে সদরীও নেই আর কোমরে তলোয়ারও নেই!

ফয়জল।—একি বাবা! আঁতে আঁ দিয়ে বাত ছাড়ছ যে!

১ম নর্তকী।—আহাহা! এ বুদ্ধি আঁতে যা দিয়ে কথা কওয়া হ'ল! আ-মরি-মরি!—এই বুদ্ধি নিয়ে যোদ্ধাগিরি কর কি ক'রে মিঞা সাহেব? বীরপুরুষকে কথাসিস ক'রতে হ'লে সদরী আর তলোয়ার ছেড়ে দিতে হয়—এটা বুদ্ধি মিছে কথা!

কামতার।—বুঝতে পারছ দোস্ত আমাদের ঠাট্টা ক'রছে!

ফয়জল।—হাঁ হাঁ—কথা পড়তেই তা বোঝা গেছে! তা দেখ—ঠাট্টা কর আর যাই কর পরীমণিরা—

এবার কিন্তু টুপি আর তলোয়ার খুলছি না বাবু!  
বেদনুরের হাজার বিবি এসে টানাটানি ক'রলেও শির  
থেকে টুপি নামছে না—খাপ থেকে তলোয়ারও খুলছে না !

১ম নর্তকী ।—তাই নাকি ? সত্যি নাকি ?

২য় নর্তকী ।—মাইরি নাকি ? বলি, বল কি ?

১ম নর্তকী ।—ওলো ছুই মিঞাতে এবার হাজার বিবির মহড়া

নিতে চায় ! আয় তো দেখি তবে, আমরা এই ক'টাতে

মিঞাদের সদরী তলোয়ার লুঠ ক'রতে পারি কি না !

নর্তকীগণ ।—বেশ ! বেশ ! কেন পারব না !

কামতার ।—কিন্তু যদি না পার—হার মান,—তাহ'লে ?

১ম নর্তকী ।—তোমাদের বাঁদী হব সকলে !

ফয়জল ।—হাঁ—এটা কথার মতন কথা বটে ! বেশ এগোও

তাহ'লে—

( নর্তকীগণের ফয়জল ও কামতারের কোষের তলোয়ারের

মুঠি ধরিয়া টানাটানি )

১ম নর্তকী ।—ওলো ! তলোয়ার যে খাপ ছেড়ে আসতে চায়না !

২য় নর্তকী ।—আসবে কি ক'রে ! দেখছিস না—খাপখানার সঙ্গে

তলোয়ার তার দিয়ে কেমন বেঁধেছে !

১ম নর্তকী ।—ওমা—তাইতো ! এ কি কাণ্ড !—তা এক কাজ

করি আয়,—ওরা তলোয়ার টানতে থাকুক, আয় আমরা

ততক্ষণ সদরীওলো টানি—

( কতিপয় নর্তকীর সদরী ধরিয়া আকর্ষণ )

ফয়জল।—টানাটানি ক'রে মিছিমিছি কেবল হায়রান হবে  
যাছুমণি !—আরে বাপ ! একি !

কামতার।—ওরে বাবা এষে দেখছি বেজায় টানাটানি !

২য় নর্তকী।—ওলো ভাই—মিঞাজানেরা সদরীও তার দিয়ে  
জড়িয়েছে !

১ম নর্তকী।—জড়াকনা কেন—আমরাও তো ছাড়ছি না !  
আয় টানি—হেঁইয়া !

নর্তকীগণ।—[ যাহারা সদরী ধরিয়াছে ]—টান সদরী হেঁইয়া ।

নর্তকীগণ।—[ যাহারা তলোয়ার ধরিয়াছে ]—টান ক'সে হেঁইয়া !

ফয়জল ও কামতার।—উঃ হুঃ হুঃ—গেলুম—মলুম ;—শির  
ছিঁড়লো—কোমর কাটলো !

( সেনানীর পরিচ্ছদে জোবেদীর প্রবেশ )

য়্যা—একি—ব্যাণার কি ! লড়াই হচ্ছে যে ! চালাই  
হাতিয়ার—

কামতার।—দোহাই তোমার ভাই, এ লড়াই নয়—খেলা ।

জোবেদী।—খেলা ?—চারদিকে যুদ্ধের বাজনা বেজেছে,  
সৈন্যরা কুচ ক'রে ছুটেছে, আর তোমাদের এখানে খেলা  
চ'লেছে ? তাজ্জব বটে ।

১ম নর্তকী।—জনাব আপনি কি ব'লছেন ? এই ছুই বীর-

পুরুষের যুদ্ধে যাওয়াই তাজব, —খেলা! তাজব নয়!! এঁদের  
যুদ্ধের মাজ দেখেছেন না!! হাতিয়ার তারের সঙ্গে খাপে  
বাঁধা :: সদরী তার দিয়ে গায়ের সঙ্গে আঁটা :: এই দেখুন  
এদের কাণ্ডকারখানা !!

জোবেদী ।—ঝঃ—বাহোবা ! কি চমৎকার !—তা এ ভাবে তার  
জড়াবার কারণ কি মিঞাজান ?

ফয়জল ।—বলি ভাই সাহেব ! দুদিন কোথা থেকে উড়ে এসে  
জুড়ে বসে সুলতানসাহেবকে তো মুঠোর মধ্যে এনে  
ফেলেছে, কিন্তু সুলতান সাহেব এ মুঠুকে হাজীর হ'য়েছেন  
কেন—তার কোনো খপরই জান না বুঝি ! আমাদের সদরী  
আর তলোয়ার নিয়েই যে এই লড়াই ! এখানকার আনন্দী  
বিবি একদিন আচম্কা এসে আমাদের সদরী আর  
তলোয়ার টেনে নিয়েছিল যে !

জোবেদী ।—ওঃ—তাই বুঝি—এবার বিবি এসে যাতে সদরী  
আর তলোয়ার খপ করে কেড়ে নিতে না পারে,—তার  
জন্যই এই ফন্দি এঁটেছ ?

ফয়জল ।—হাঁ—এইবার ঠিক বুঝেছ !

কামতার ।—কেমন আমাদের বুদ্ধি বল ভাই সাহেব ! বুদ্ধিখানার  
তারিফ কর ।

জোবেদী ।—শুধু আমার তারিফে তোমাদের কি ক্ষুণ্ণি হবে  
মিঞাসাহেব ! নবাবের কাছে তোমাদের নিয়ে যাই চলো,



তিনি তোমাদের ফন্দি দেখে ভারি খুসী হবেন—বহুত তারিফ ক'রবেন !

ফয়জল ।—আরে বাপ ! নবাব ! নবাবের কাছে নিয়ে যেতে চাও ? মাপ কর ভাইসাহেব !

কামতার ।—তাহ'লে কি গর্দান থাকবে ভাইসাহেব ?

জোবেদী ।—আর নবাবের লক্ষ্যের বাইরে থাকলেই কি গর্দানা তোমাদের ঠিক থাকবে মিঞাসাহেব ? মনে ভেবেছ বুছি—নবাব হায়দর আলি দৃষ্টি শক্তিহীন অন্ধ ?—আমার এখানে আসবার কারণ কি জান ?—তোমাদের দুজনকে বন্দী করবার জন্য ।

উভয়ে ।—য়্যা—য়্যা—য়্যা ! বলেন কি !—বন্দী—ওরে বাবা—

ফয়জল ।—তা—তা—তা—আমাদের অপরাধ—

জোবেদী ।—তোমাদের অপরাধ অত্যন্ত গুরুতর ;—আমন্ত্র যুদ্ধের সময় যোদ্ধৃদল ছেড়ে তোমরা নর্তকীদের শিবিরে এসে আত্মগোপন ক'রেছো !

ফয়জল ।—না—না—তা—কেন ।—এ সময় নর্তকীদের রাজধানীতে পাঠান হবে শুনেই—

জোবেদী ।—তোমরাই উপযাচক হ'য়ে এই ভার নিতে এসেছ ! নবাবের চক্ষে ধুলো দিয়ে—যুদ্ধে যোগ দেবার দায় থেকে নিস্তার পাবার এ বড় চমৎকার ফন্দি বটে ! কিন্তু এ ফন্দি

খাটছে না মিঞাসাহেব ! এদের রাজধানীতে নিয়ে যাবার আদেশ আমার ওপর এসেছে ; আর তোমাদের ওপর সুলতান সাহেবের আদেশ—এই মুহূর্তে তাঁর সঙ্গে সাক্ষাৎ করো ।

উভয়ে ।—য়্যা—য়্যা—তা—তা—

জোবেদী ।—কাঁপছ কেন ? যোদ্ধা ব'লে নাম লিখিয়ে যুদ্ধের নামে এত ভয় ? দেখো—প্রাণের ভয় কর, আর যাই কর না কেন—কৃতজ্ঞতা যেন ভুল না ! মনে থাকে যেন—সুলতান নিজের দায়ীত্বে নবাবের কোপ থেকে তোমাদের প্রাণ বাঁচিয়ে ছিলেন ! সে কৃতজ্ঞতার এইভাবে প্রতিদান দিয়ে সুলতানকে নবাবের কোপে ফেলো না ;—সম্মুখে যুদ্ধ—বীরত্ব দেখাবার এই সুন্দর সুযোগ ; কেন তীরুতাকে হৃদয়ে স্থান দিয়ে নারীরও অধম হও ? যুদ্ধে যাও—নবাবকে জানাও—তোমরাও যোদ্ধা ; নবাব নিজে এ যুদ্ধের দর্শক—এই বুঝে যুদ্ধে নামো ।

ফয়জল ।—ঠিক কথা,—ভাই—খাঁটি কথা বলেছ ;—অস্ত্র-পোষাক এঁটে আর তাল পাতার সেপাই হ'য়ে থাকছি না ; সত্যই এবার যোদ্ধা হব—যুদ্ধ করব ! এই ছিঁড়লুম তার—ধরলুম তলোয়ার ।

কামতার ।—হাঁ ফয়জল,—আমিও তলোয়ার টানলুম, আর

ছেলে খেলা সাজে না,—খেলার মতন খেলা এবার চাই ।

চললুম ভাই ! [ উভয়ের প্রস্থান । ]

জোবেদী ।—[ নর্তকীদের প্রতি ]—তোমাদের এখনই রাজ-  
ধানীতে ফিরতে হবে ; শিবিকা প্রস্তুত ;—সঙ্গে এসো ।

[ জোবেদী ও নর্তকীগণের প্রস্থান । ]

—\*—

## চতুর্থ গর্তাঙ্ক ।

—•—

স্বপ্নস্থল । কাল—মধ্যাহ্ন ।

মাধবরাও, জনার্দনভানু, শিবপন্থ ।

( দূরপীন-হস্তে দূরে লক্ষ্য )

মাধব ।—সাবাস গোলন্দাজ-বাহিনী ! শত্রুর তোপখানা এক-  
বারে ধ্বংস ক'রে দিয়েছে ! দেখতে পাচ্ছ জনার্দন—তোপ-  
খানা নষ্ট হওয়ায় শত্রুদল কি ভাবে ধ্বংস হচ্ছে ! কিন্তু তবু  
শত্রু পালাচ্ছে না—দাঁড়িয়ে—দাঁড়িয়ে মৃত্যুকে আলিঙ্গন  
ক'রছে—দলে দলে ভূপতিত হ'চ্ছে ! অদ্ভুত সাহসী এই  
হায়দর আলির সৈন্যদল !

জনার্দন ।—এক দল শত্রু-সৈন্য কিন্তু গোলাবৃষ্টি ভেদ ক'রে  
আমাদের সৈন্য-রেখায় ছুটে আসছে !

শিবপন্থ ।—এদের সঙ্গে হায়দর আলির পতাকা দেখছি !

মাধব ।—দক্ষিণ দিকে আর একদল বাহিনী অগ্রগামী দেখতে পাচ্ছি ! জনার্দন, শীঘ্র ওই দিকে—থাক, আর যেতে হবে না ; শত্রুগণ আমার সুদক্ষ গোলন্দাজদের শোন-দৃষ্টি অতিক্রম করতে পারেনি ; দেখ—কি ভীষণ সংহার-লীলা !

জনার্দন ।—কিন্তু কামদিকের সৈন্যদল ক্রমশঃ অগ্রসর হ'চ্ছে পেশোয়া ! পাহাড়ের আড়াল দিয়ে—খালের কিনারা দিয়ে—অতি সন্তর্পণে অথচ দ্রুতবেগে ওরা অগ্রসর হ'চ্ছে ; সঙ্গে হায়দর আলির পতাকা—সম্ভবতঃ হায়দর আলি নিজে এই দলে আছে !

মাধব ।—এরা প্রান্তরের শেষ প্রান্ত ঘুরে আমাদের পশ্চাতে অভিযান ক'রছে ; আমাদের পরিবেষ্টন করাই এদের সঙ্কল্প ! ওকি ! এদের সঙ্গেও যে কামান দেখতে পাচ্ছি ; অনেক-গুলো—অনেকগুলো কামান ; ওই দেখ গোলা ছুটছে,—ওই ওই দেখ—সহস্র সহস্র সৈন্য বিপুল ধ্বংসস্তূপ মথিত ক'রে—গোলাবৃষ্টির ভিতর দিয়ে ওদের সঙ্গে যোগ দিতে ছুটে আসছে !

শিবপন্থ ।—পেশোয়ার আদেশ পেলে আমার অজেয় অশ্বারোহী সৈন্যদল নিয়ে এখনই ওদের আক্রমণ করি—

জনার্দন ।—না,—এখন নয় ; পেশোয়া—শত্রুর এই অংশকে আমরা বন্দী ক'রবো ।

মাধব ।—আমারও এই সঙ্কল্প জনার্দিন ; গোলন্দাজদের জানাও, ওদের সঙ্গে—মূল সৈন্যদল থেকে যেন একটি সেনা যোগ দিতে না পারে—সন্ধিস্থল লক্ষ্য করে কামান চালাতে বলা—ওদের সঙ্গে যে কটা তোপ আছে, অব্যর্থ সন্ধানে সেগুলো নষ্ট করা চাই ! জনার্দিন—ঘোড়া ছুটিয়ে এখনি গোলন্দাজদের কাছে চলে যাও ।—

[ জনার্দিনের বেগে প্রস্থান ]

শিবপন্থ ! ওই পরিখা মধ্যে তোমার সমস্ত সৈন্য নিয়ে প্রস্তুত হ'য়ে থাক ; শত্রুর দক্ষিণবাহু চূর্ণ করবার ভার তোমার,—বাম বাহু আমার লক্ষ্য !

[ উভয় দিকে উভয়ের প্রস্থান ]

( গোলামকাদের, ফয়জল, কামতার, পতাকাধারী  
ও সৈন্যগণের প্রবেশ )

গোলাম ।—তোপখানা,—তোপখানা,—কাফেরদের তোপখানা  
দখল কর ।

সকলে ।—তোপখানা—তোপখানা ;—আল্লা আল্লাহো !

( মাধবরাও, জনার্দিন, শিবপন্থ ও মহারাষ্ট্র সৈন্যগণের  
চতুর্দিক হইতে প্রবেশ ও আক্রমণ )

মহারাষ্ট্রগণ ।—হর হর মহাদেও ! [ উভয়পক্ষে যুদ্ধ ]

গোলাম ।—ওঃ কাফেররা যাহু জানে ! যাহু জানে ! মাটি  
ফুঁড়ে ফুটে উঠেছে ! ভয় নেই—হ'ট না—এগিয়ে চলো—

শিবপন্থ ।—এগোতে হ'লে একেবারে জাহান্নমের পথে এগোতে হবে !

( কতিপয় সৈন্য ও কামতারের পতন )

মাধব ।—কেন বৃথা আত্মহত্যা ক'রছ—আত্মসমর্পণ কর সকলে ।

ফয়জল ।—সেই ভালরে ভাই সব—সেই ভাল ; এই ফেললুম

ভলোয়ার—[ অস্ত্র ত্যাগ ]

গোলাম ।—ধিক্ !—[ অস্ত্র ত্যাগ ]

মাধব ।—ফেল পতাকা !—[ পতাকাধারীর পতাকাত্যাগ ও

শিবপন্থের তাহা গ্রহণ ] হায়দরআলির পতাকা শিবিরে

নিয়ে যাও ; এঁদের অস্ত্র ফিরিয়ে দাও জনার্দিন,—এঁরা

যোদ্ধা—সাহসী যোদ্ধা ! স্বেচ্ছায় যখন এঁরা অস্ত্র সমর্পণ

ক'রেছেন, তখন এঁদের প্রতি আমি বীরের যোগ্য সম্মান

প্রদর্শনে কুণ্ঠিত হব না ; সমাদরে এঁদের শিবিরে নিয়ে

যাও শিবপন্থ ।

( গোলামকাদের, ফয়জল ও পতাকাধারীকে লইয়া শিবপন্থের

প্রস্থান,—পেশোয়ার, পশ্চাৎদিকে দূরপীন দ্বারা লক্ষ্যপাত )

জনার্দিন ।—পেশোয়া ! হতাবশিষ্ট শত্রুসৈন্য এবার ছত্রভঙ্গ

হ'য়ে পলায়ন ক'রছে ! এখন ওদের অনুসরণ ক'রলে

সহজেই বন্দী করা সম্ভবপর ।—ঠিক হ'য়েছে—ওই যে

সেনানী অনন্তুরাওয়ের দল শত্রুর পশ্চাৎদাবন ক'রেছে !

মাধব ।—[ দূরপীনের লক্ষ্য সংঘত করিয়া সবিস্ময়ে ফিরিয়া ]

তাই নাকি ! জনার্দন, শীঘ্র যাও—দ্রুতগামী অশ্বারোহী  
পাঠিয়ে অনন্তরাওকে ফেরাও,—এক প্রাণীও যেন শত্রুর  
অনুসরণ না করে !—অশ্বারোহী পাঠিয়েই তুমি চ'লে  
এসো । [ জনার্দনের প্রস্থান ]

[ পুনর্বীর পশ্চাতে ফিরিয়া দূরপীন কসিয়া ]—  
সম্মুখে বিপুল শত্রু পরাজিত পলায়িত—বিধ্বস্ত ; পশ্চাতে  
এ আবার কি মহাসৈন্যের সমাবেশ ! অসংখ্য—অসংখ্যসৈন্য !  
হস্তী অশ্ব—কামান অজস্র অজস্র ! কার এ সৈন্য ? কোথা  
থেকে আসছে ?

( জনার্দনের প্রবেশ । )

ব'লতে পারো জনার্দন—আমাদের পশ্চাতে আবার ও কার  
বিপুল সৈন্য সমাবেশ ?

জনার্দন ।—[দূরপীন কসিয়া]—য়্যাঁ—ওকি—ওকি !!

মাধব ।—এই অবস্থায় তুমি তোমার সৈন্যদের শত্রুর পশ্চাদ্ধাবনে  
পাঠাচ্ছিলে জনার্দন ?

জনার্দন ।—শত্রু সম্মুখে—সেই দিকে লক্ষ্য ছিল পেশোয়া ;—  
যুদ্ধের সময় পশ্চাতে ফিরে তাকাবার শিক্ষা কখন যে  
পাইনি পেশোয়া ! পশ্চাতে পেশোয়ার রাজ্য—এদিকে  
শত্রু আসবে কেমন করে ?

মাধব ।—এলো কি ক'রে ?

জনার্দন ।—আমার বোধহয়—বোধহয় কেন—এখন দেখে বেশ



বোকা যাচ্ছে—ওরা পুণারই সৈন্য ; হয়তো যুদ্ধের বিপরীত  
সংবাদ পেয়ে ওরা যুদ্ধস্থলে আসছে !

মাধব ।—কার আদেশে ওরা যুদ্ধস্থলে আসছে জনার্দিন ?

আমার অনুমতি না নিয়ে যে সময় পিতৃব্য আমার, মহারাণী  
অহল্যাবাগীরের বিরুদ্ধে সৈন্য পাঠিয়েছিলেন, সেইদিন থেকে

আমার দুর্গ থেকে আমার আদেশ ব্যতীত একটি সৈন্তেরও

লশস্ত্র বাহির হবার সামর্থ্য নাই ! ওরা কারা ?—ওই

দেখো—ওই দেখো জনার্দিন—কিরূপ দ্রুতবেগে ওই

সৈন্তদল অগ্রসর হচ্ছে ! ওই দেখো কি ঘিরেছে তোপখানা

প্রকাশ পাচ্ছে ! ওই ওই আবার দেখো—অগ্নিফুলিঙ্গ

ফুটে উঠলো ! ওইশোনো শত বজ্রনাদে কামান গর্জন—

ওই দেখো আমাদের বক্ষ লক্ষ করে রষ্টিবৎ গোলা বর্ষণ !—

জনার্দিন—কি দেখছো ? কি বুঝছো ?

জনার্দিন ।—কি বলব পেশোয়া ! এমন সৈন্ত-শৃঙ্খলা—এমন

অগ্রগমন পদ্ধতি—হস্তী-বাহিত এমন ভয়ঙ্কর কামান-শ্রেণী

কেবল পেশোয়ার বাহিনীতেই সম্ভব ! ওরা যে আমাদের

নিজস্ব ! ওই তোপধ্বনি যে চিরপরিচিত পেশোয়া !

মাধব ।—তবে—তবে—তবে কেন জনার্দিন—আমারই নিজস্ব

সৈন্ত আমাদেরই বধ করবার জন্য ছুটে আসছে ! তবে

কেন জনার্দিন—আমারই তোপখানা আমার বক্ষ্য লক্ষ্য

ক'রে কামানল উদ্দীর্ণন করছে !—জনার্দিন ! বুঝতে



পেরেছ কিছু ? যুদ্ধে আসবার সময় তোমার বুদ্ধি না নিয়ে—তোমার মন্ত্রণায় কর্ণপাত না করে পিতৃব্য রঘুনাথ-রাওকে পুণায় রেখে এসেছিলেম । জনার্দিন—আর বলতে হবে কি ? বুঝতে পেরেছ কি ?

জনার্দিন ।—পেশোয়া ! থাক— [ প্রস্থানোদ্যোগ । ]

মাধব ।—ওকি—যাও কোথায় ? দাঁড়াও—দাঁড়াও জনার্দিন—  
উম্মাদের মতন কোথায় ছুটে চলেছ ?

জনার্দিন ।—আমাদের তোপখানা ফেরাতে চলেছি পেশোয়া ;  
—আর সময় কই ! একটু বিলম্ব হ'লে সমস্ত সুযোগ নষ্ট হবে—দাঁড়িয়ে দাঁড়িয়ে হারতে হবে ! আমাদের গোল-ন্দাজেরা যদিও যুদ্ধে শ্রান্ত, এখনও ক্লান্ত নয়—কাতর নয়, আমাদের সৈন্য এখনো সম্পূর্ণ সবল আছে, রঘুনাথরাওয়ের সাধ্য কি আমাদের পরাজিত করতে পারে !

মাধব ।—স্থির হও জনার্দিন—স্থির হও ; উত্তেজিত হয়োনা ;  
তোপখানা ফেরাতে যাচ্ছ ? আমার তোপ ফিরিয়ে  
আমারই তোপ ধ্বংস করতে চলেছ ! আমার সেনাকে  
উত্তেজিত করে আমারই সেনাকে কিনষ্ট করতে পাঠাচ্ছ !  
জনার্দিন—যুদ্ধ করবে ? যুদ্ধ করবে ? কার বিরুদ্ধে যুদ্ধ  
করবে ? কাকে মারবে ? কার বুদ্ধি তোপুঁ দাগবে ?  
ওরা যে আমার পুত্র—ওরা যে আমার সর্বস্ব ! আজ  
পর্যন্ত ওরা যে আমার রুটি খেয়েছে—আমার অস্ত্র ধ'রে

যুদ্ধক্ষেত্রে এসে দাঁড়িয়েছে—আমারই প্রদত্ত সম্মান-পদক  
ওদের প্রত্যেকের মস্তকে এখনো আবদ্ধ আছে ! এই  
পদক লক্ষ্য করে আমি ওদের আঘাত করব জনার্দিন !  
আমার পুঞ্জগণ সুখোমুখ হয়ে যুদ্ধ করবে—তাই আমাকে  
দেখতে হবে ! না—তা হয় না জনার্দিন—তা হয় না !

জনার্দিন ।—তাহলে কি পুণার মহাশক্তিমান পেশোয়া আজ  
এইস্থানে নিশ্চেষ্টভাবে দাঁড়িয়ে স্থির নেত্রে গৃহ শত্রুর  
বিজয়লীলা দর্শন করবেন ?—আর সেই দৃশ্য আমাদেরও  
দেখাবেন ?

( শিবপন্থের প্রবেশ )

শিব ।—পেশোয়া ! পেশোয়া ! বড় দুঃসংবাদ ! কাকা  
সাহেব বিদ্রোহী হয়েছেন ; পুণার বিপুল বাহিনী হস্তগত  
ক'রে—কারারুদ্ধ সেনাপতি আপাজিরাও তার কুকুম-  
তান্ত্রিয়াকে উদ্ধার ক'রে—আমাদের আক্রমণ করেছে ।  
আমরাও প্রস্তুত হয়েছি—তোপখানা ফিরিয়ে ফেলিছি ;—  
সমস্ত ফৌজ এ কথা শুনে ক্ষেপে উঠেছে !

জনৈক সেনানীর প্রবেশ ।

সেনানী ।—পেশোয়া ! পেশোয়া ! সর্বনাশ হ'য়েছে ।  
কাকা সাহেব কুমার নারায়ণরাওকে পেশোয়া বলে ঘোষণা  
করছে !

মাধব ।—তাই নাকি । তাই নাকি ! নারায়ণ পেশোয়া

হ'য়েছে ! নারায়ণ পেশোয়া হ'য়েছে ! বাস্—বাস্—তবে  
তো আটা চুকে গেছে !—যুদ্ধ মিটে গেছে ।

( শিবপন্থের প্রবেশ )

শিব ।—পেশোয়া ! পেশোয়া ! তোপখানা ফিরিয়েছি—  
সমস্ত তোপ ঘুরিয়ে ফেলেছি, তোপ দাগতে যাচ্ছি—এমন  
সময় দেখলুম—পেশোয়ার হাতীতে চেপে কুমার নারায়ণ  
রাও দূরে তোপের সামনে এসে খাড়া হ'লো ! কাকা  
সাহেব তাকে সেইখানে রেখে গেলো । পেশোয়ার হাতী  
কামানের ডাকে ভয় পায় না—পালায় না, মরে তো ঠায়  
দাঁড়িয়ে মরবে ! হুকুম—পেশোয়া—হুকুম, শুধু মুখের  
হুকুম, তোপ দাগি—কুমারের বুকের ওপর গেলো ছালাই—

মাধব ।—কিছুতেই না—সে যে আমার ভাই !—ফেরাও  
কামান,—তোপ দেগো না ; সৈন্যদল দাঁড়াও ; যুদ্ধ হবে না ।

শিবপন্থ ।—যুদ্ধ হ'বে না ? তোপ দাগব না ?—তোপ বন্ধ ক'রে  
পেশোয়াকে সয়তানের হাতে সঁপে দেব ! না—না—  
কখনো তা পারবো'না ! আমরা যোদ্ধা, যুদ্ধের সময় পিতা  
জানিনা—ভ্রাতা জানিনা—কাউকে মানিনা, জানি শুধু  
প্রভুকে,—মানি শুধু—যার নেমক খাই, তাঁকে ! হোক  
আপনার ভাই—মানবো না, শুনবো না ;—তোপ চালাব—  
তোপ চালাব, লক্ষ ফৌজ যদি আসে—তিন ঘণ্টায় ফতে

ক'রে দোব !—চালাও চালাও তোপ—প'লতেয় আঁগুন  
দাও—

মাধব ।—শান্ত হও শিবপন্থ ! পেশোয়ার কথা অমান্য কর—  
এত তোমার সাহস ! খবরদার,—যে তোপ ছোঁবে—যে  
একটা গুলি চালাবে—তাকে তদুণ্ডেই গুলি ক'রে মারা  
হবে !

শিবপন্থ ।—গুলি ক'রে মারা হবে ! তবে আর কি করতে  
থাকব এখানে ! ধরা দিতে ? না না—ধরা দিতে পারব  
না,—পেশোয়া ধরা পড়বে—তা দেখতেও পারব না ; তার  
চেয়ে—তার চেয়ে বনে থাকবো—আত্মহত্যা ক'রব—  
বাস্—বাস্— [ প্রস্থান ]

মাধব ।—যাক্ যাক্—সব যাক্—সব যাক্ ; জনার্দিন—এবার  
আমিও যাবো—আত্মসমর্পন ক'রবো ; যুদ্ধ ক'রব না—যুদ্ধ  
ক'রব না ; ভাই-ভাই-ভাইয়ের বিরুদ্ধে—আমার নারায়ণের  
বিরুদ্ধে—যাকে বুক ক'রে মানুষ ক'রেছি—আমার রমা  
যাকে কোলে ক'রে পালন ক'রেছে, সেই নারায়ণ—সেই  
নারায়ণের বুক কামানের গোলা—উঃ—না—না—না—  
ভাবতেও কষ্ট হয়—কল্পনা ক'রতেও দম বন্ধ হ'য়ে যায়—  
না—না—না—জনার্দিন—আমি ধরা দোব—আমার ঘোড়া  
আনো ।

জনার্দিন ।—পেশোয়া—পেশোয়া—উন্মাদের মত কি বলছেন

আপনি ! আপনার আত্মসমর্পনের অর্থ—আত্মহত্যা ! একবার ভাবুন—একবার দেখুন, ভায়ের কথা ভুলে একবার পুণার দিকে চেয়ে দেখুন—মহারাষ্ট্র জাতির দিকে চেয়ে দেখুন,—সব অন্ধকার ! আপনার আসনে বসে মহারাষ্ট্রের শাসন-দণ্ড ধারণ ক'রতে পারে, এমন যে আর কেউ নেই পেশোয়া ! আপনি যে এই বিপুল মহারাষ্ট্র জাতির পিতা—রক্ষাকর্তা—পালন-কর্তা, আপনার পতনে তারা যে অনাথ হবে পেশোয়া !

মাধব ।—কেন তারা অনাথ হবে জনার্দিন ! পেশোয়ার আসন কখনো কি শূন্য পড়ে থাকে ? আজ আমার আত্মসমর্পন—হয়তো এজাতির অশেষ কল্যাণ আনয়ন ক'রবে ; দুই-ভাই মুখোমুখী হ'য়ে পরস্পরের বক্ষ্যলক্ষ্য ক'রে অস্ত্র ক্ষেপনের চেয়ে এ আত্মসমর্পন নিশ্চয়ই কল্যাণ-জনক ! এতে এক বিশাল জাতি অক্ষুন্ন থাকবে—শক্তি অক্ষয় হবে—ভ্রাতৃস্নেহের পুতমন্দাকিনী ভ্রাতৃরক্তে কলুষিত না হ'য়ে মর্তে অমৃতধারা সিঞ্জন ক'রবে ! ঘোড়া আনো জনার্দিন—আমি আত্মসমর্পন ক'রবো ।

জনার্দিন ।—কিন্তু তার পূর্বে—তার পূর্বে পেশোয়া—আমার এই প্রসারিত বক্ষে আপনার অস্ত্র আমূল প্রথিত ক'রে দিন ! আপনার আত্মদান—পুণার পতন—মধ্যাহ্ন তপনের অকালে অস্তগমন স্বচক্ষে দর্শন ক'রতে পারবো না ।

মাধব ।—জনার্দীন ! পুণায় ফিরে যাও ; রমাবাসিকে আমার  
পতনের সংবাদ দিয়ো ;—তাকে ব'লো,—সে যেন, আমার  
পতন-কাহিনী পুণায় পল্ল'ছবার পূর্বে, তার পিত্রালয়ে  
প্রস্থান করে ! যাও জনার্দীন—শুনছ না ! যাও—যাও—  
আদেশ যদি না শুনতে চাও—অনুরোধ—ব'লে নাও !  
অনুরোধ—অনুরোধ—অনুরোধ জনার্দীন—অনুরোধ ব'লে  
নাও—যাও—যাও—

জনার্দীন ।—হায়—হায় ! পেশোয়া পাগল হ'য়েছেন !—পাগল  
হ'য়েছেন !

[ চক্ষু মুছিতে মুছিতে প্রস্থান ]

মাধব ।—সকল সেনানী সকল সৈন্য পেশোয়ার ঘোষণা শোন,—  
উদ্বৃত্ত অস্ত্র নামাও সকলে—যুদ্ধ হবেনা । ( সেনানীর  
প্রতি ] যাও, ঘোড়া আনো—শ্বেত পতাকা ওড়াও—  
যাও—যাও—যাও—

সেনানী ।—একি আদেশ পেশোয়া ! সমস্ত সৈন্য স্তম্ভিত ! তারা  
লড়াই চায় ; হুকুমের জন্ত সঙের মতন খাড়া র'য়েছে !  
হুকুম—পেশোয়া হুকুম !

মাধব ।—অস্ত্র ত্যাগ করো সকলে—এই পেশোয়ার হুকুম ।

সেনানী ।—কি—

মাধব ।—খবরদার ! জেনো—এখনো পর্য্যন্ত আমি পেশোয়া  
মাধবরাও ; নামাও অস্ত্র !

[°আনন্দীবাসী ( সমর সজ্জায় ), রঘুনাথরাও, নারায়ণরাও,  
কুকুমতান্তিয়া, আপাজি ও সৈন্তগণের প্রবেশ ]

আনন্দী ।—ফেল অস্ত্র সকলে—এই মুহূর্তে !

রঘুনাথ ।—পেশোয়া নারায়ণরাওয়ের আদেশ—অস্ত্র ত্যাগ  
করো মাধবরাও ।

মাধব ।—নারায়ণ—আমার প্রাণের নারায়ণ—আমার বক্ষ-  
রক্ত—আমার সর্বস্ব, নারায়ণরাও পেশোয়া—যে মুহূর্তে  
এই কথা শুনেছি, সেই মুহূর্তে শুধু আমি কেন—আমার  
পঞ্চাশ সহস্র রণোন্নত অক্ষতদেহ নির্ভীক সৈন্ত আমার  
আদেশে উত্তত অস্ত্র নত ক'রেছে ! এতেও যদি নারায়ণের  
মনে সন্তোষ না হয়—তাহলে এই দণ্ডেই অস্ত্র ত্যাগ ক'রছি ।  
ফেল অস্ত্র সেনানিগণ—অস্ত্র ফেল সৈন্তগণ—মাধবরাওয়ের  
আদর্শ গ্রহণ করো—এই ফেললুম অস্ত্র । ভাই—ভাই  
নারায়ণ ! মাধবরাও অমানবদনে তোমার কাছে আত্মসমর্পণ  
ক'রলে !

নারায়ণ ।—[ স্বগতঃ ] ভগবান ! ভগবান ! মনে বলে দাও  
মনে বল দাও—দাঁড়াবার শক্তি দাও !

আনন্দী ।—বন্দীকরো, আপাজিরাও—বন্দী করো !



## পঞ্চম গর্ভাঙ্ক ।



পুণা—প্রাসাদ-অলিন্দ । কাল—রাত্রি ।

( রমাবান্ধু ও তাঁহার পশ্চাতে জনার্দনের প্রবেশ )

জনার্দন ।—মা !—

রমা ।—চুপ করো ; সব তো ব'লেছো, এক নিশ্বাসে পেশোয়ার পতনের কাহিনী তো প্রকাশ ক'রেছো ;—সে ভীষণ কাহিনী শুনে কক্ষের বায়ু উত্তপ্ত হ'য়ে উঠেছিল—অগ্নি-শিখার মতন আমার সর্ব্বাঙ্গে দাগা দিচ্ছিল,—তাই এখানে পালিয়ে এসেছি ; এই অলিন্দে দাঁড়িয়ে হৃদয় ভাবতে চাচ্ছি ।

জনার্দন ।—এখন আর কি ভাববে মা ? ভাববার আর কি আছে ?

রমা ।—ভাবনার কি কুল কিনারা আছে জনার্দন ? সত্য ত্রেতা দ্বাপরের কথা আজ যে মনে জেগে উঠছে ! ধর্ম্মপরায়ণ রাজা নলের সুখ্যাতি—সুযশে যখন বসুন্ধরা পূর্ণ হ'য়েছিল, তখন কলির কুচক্র এই ভাবেই তাঁর পতন হ'য়েছিল ! ত্রেতায় ভারতের সূর্য্য পূর্ণব্রহ্ম রামচন্দ্র ধর্ম্মের উজ্জল কিরণ বর্ষণ ক'রতে ক'রতে কুচক্রীর চক্রান্তে এই ভাবেই



সহসা ঘন বনাস্তুরালে দীর্ঘকালের মতন অস্তমিত হ'য়ে-  
 ছিলেন ! দ্বাপরে মহারাজা যুধিষ্ঠীর রাজ-গৌরবের  
 শীর্ষস্থানে আরোহণ ক'রে কর্ণ, শকুনির ষড়যন্ত্রে আবার  
 এই ভাবেই ভূপতিত হ'য়েছিলেন ! এঁদের পতনের  
 সঙ্গে পেশোয়ার পতনের তো কোনো পার্থক্য নেই ?  
 চূপ ক'রে আছ কেন জনার্দন—হেঁট মুখে কি ভাবছ এখন ?  
 আর কথা কইছ না কেন ? নল, রাম, যুধিষ্ঠীরের কথা  
 যদি সত্য হয়, পতনের পর আবার যদি তাঁদের উত্থান  
 হয়, তবে কেন পেশোয়ার উত্থান না হবে ?

জনার্দন ।—মা ! মা ! কি ব'লছ তুমি ? একি কথা শোনাচ্ছ  
 মা ? তবে কি সত্যই বুঝি মা তুমি পাগলিনী হ'লে ?  
 পিত্রালয়ে চল্লে !

রমা ।—কেন জনার্দন, যাঁদের আদর্শ আমি কীর্তন ক'রছি,  
 তাঁদের মহিষীরা কি স্বামীর পতনে—স্বামীসঙ্গ ছেড়ে  
 পিত্রালয়ে পালিয়েছিলেন ? রাণী রমাবাসী কি পেশোয়ার  
 সহধর্মিণী নয় ! জনার্দন ! স্বামী আমার আত্মসমর্পণ  
 ক'রে ভুলে গেছেন ! যাঁর উপর অসংখ্য প্রজার জীবন-  
 মরণ নির্ভর ক'রছে,—ভায়ের চেয়ে, ছেলের চেয়ে প্রজা  
 যাঁর আপনার,—স্বামী আমার সেই প্রজাপালক রাজা ;  
 এক ভ্রাতার জন্ম তাঁর কোটি কোটি প্রজা, কোটি কোটি  
 পুত্র বিপন্ন হবে, লক্ষ লক্ষ ঘরে হাহাকার উঠবে, অগণ্য

“কণ্ঠ হ’তে যে আমার স্বামীর উপর অভিশাপ বর্ষণ হবে!—না—জনার্দীন, এ কখনো হ’তে দেওয়া হবে না,—পুণাকে রক্ষা করা চাই—পেশোয়ার মুক্তি চাই।

জনার্দীন।—মা! মা! জননী! এই তো ঠিক রাণীর মতন কথা; এ কথা শুনে মা—বুক আবার গর্বে ফুলে উঠছে—মনে আবার নূতন শক্তি জাগছে! তবে আদেশ ক’র মা—আবার সৈন্যদলের সৃষ্টি করি, এই রাত্রেই রণদামামায় আঘাত করি—সমস্ত পুণা রণসাজে সেজে আসুক—পেশোয়ার জয়নাদে মেদিনী কেঁপে উঠুক।

রমা।—এ আদেশ অবশ্য পাবে জনার্দীন—কিন্তু এখানে নয়, পেশোয়ার দরবারে পেশোয়ার আসনে দাঁড়িয়ে আমি তোমাদের এ আদেশ ক’রবো; এই রাত্রেই দরবার বসাতে হবে জনার্দীন, অমাত্য—সেনানী যারা যারা এখানে আছে—তাদের সকলকে দরবারে দেখতে চাই, তুমি যাও এখনি, আর সময় নাই!

জনার্দীন।—এ আদেশ এই দণ্ডেই পালিত হবে মা। প্রাণের উন্মাদ আবেগ এতক্ষণ কর্তব্যের নিগড়ে বাঁধা ছিল—জননীর আশীষ বচন সে বন্ধন ছিন্ন ক’রেছে, প্রাণ পুলকে পূর্ণ হ’য়েছে, কর্তব্য পালনে অসামর্থ্য-সাধনে আর তো ধরায় বাধা নাই।

[ বেগে প্রস্থান

রমা।—কি দেখছি!—হৃদয়ের সর্বত্র ওলট-পালট ক'রে  
খুঁজে কি দেখতে পাচ্ছি? দেখছি এই—আমার জীবনের  
কুহেলিকাচ্ছন্ন নানা কর্তব্যের মধ্যে একটা কর্তব্য—  
কেবল একটা মাত্র কর্তব্য এখন আমার এই অন্ধকার-  
ময় হৃদয় আকাশে জ্যোতিষ্কের মতন উজ্জ্বল হ'য়ে ফুটে  
উঠেছে! সে কর্তব্য—স্বামীর জন্তু সহধর্মিনীর অত্নাৎ-  
সর্গ, স্বামীর রাজধর্ম্মে সাহায্য ।

( জানোজির প্রবেশ )

জানোজি।—মা! মা! কি শুনছি—কি শুনছি!

রমা।—জানোজি! আপাজি আর সেই অবাধ্য সৈন্যদের  
তুমি ছেড়ে দিয়েছ কেন?

জানোজি।—সে কি মা! তুমিই তো তাদের ছেড়ে দিতে  
হুকুম দিয়েছিলে।

রমা।—আমি তাঁদের ছেড়ে দিতে হুকুম দিয়েছিলুম?

জানোজি।—হাঁ-মা, পেশোয়ার ছোট ভাই তোমার একজন—  
সঙ্গিনীকে সঙ্গে ক'রে—তোমার হুকুম জানিয়ে—তোমার  
ভাইকে ছাড়িয়ে আনে।

রমা।—তাই না কি!—কিন্তু জানোজি, নারায়ণের সেদিনকার  
অবাধ্যতার কথা তুমি তো জানো,—তা জেহেনও তার  
কথায় আপাজিকে কেমন ক'রে ছেড়ে দিলে?

জানোজি।—এটা তখন বুঝতে পারিনি মা; নারায়ণের সঙ্গে

তোমার সঙ্গিনীকে দেখে আর বড় সন্দেহ ক'রিনি ;  
বিশেষত আপাজি যখন ভাই—

রমা ।—হাঁ জানোজি—ভাই ; এই ভাই, সংসারে বড়ই  
সমস্তার সামগ্রী ! ভাইয়ের মতন ভাই হ'লে, সংসার স্বর্গ  
হয় ; ভাইয়ের মতন ত্যাগ স্বীকার ক'রতে ভাই বই আর  
কে পারে ! ভাইয়ের জন্ত স্বার্থ বলি দিয়ে ভালবাসতে—  
আপদে বিপদে বুক দিয়ে প'ড়তে, ভাইই জানে ! কিন্তু  
জানোজি, আবার এই ভাই যদি শত্রু হয়—এই ভাই যদি  
বেঁকে দাঁড়ায়—তা হ'লে তাকে ফেরান মানুষের সাধ্য নয় !  
তখন এই ভাই ভাইয়ের ওপর এমন প্রতিশোধ নেয়—  
যে প্রতিশোধ নিতে পিশাচও ভয় পায় !—জানোজি,  
আমার ভাই আপাজি আজ এই রকম হ'য়ে দাঁড়িয়েছে !  
এই ভায়ের জন্তই আজ পুণার সর্বনাশ, পেশোয়ার পতন ।

জানোজি ।—বুঝিছি মা,—কিন্তু যা হ'য়ে গেছে, তার জন্ত আর  
আপশোস ক'রে কি হবে মা ! তবে যদি ছকুম দাও মা  
তোমার সেই ভাই যেখানেই থাকুক না কেন, সাত দিনের  
ভেতর তার টুঁটি টিপে তোমার পায়ের তলায় এনে হাজির  
ক'রতে পারি !—কিন্তু মা—এর চেয়ে—আগে  
পেশোয়াকে—

রমা ।—মাতৃভক্ত সন্তান ! মা'র ব্যথা বুঝে পুত্রের মতন কথাই  
ব'লেছ ! পেশোয়াকে এখন সগৌরবে পুণায় ফিরিয়ে

আনাই আমাদের প্রধান কর্তব্য—প্রধান উদ্দেশ্য—  
প্রধান লক্ষ্য ! তোমার অদ্ভুত কৰ্ম্মা সহস্র যোদ্ধা নিয়ে  
প্রস্তুত হ'য়ে থাকে পুত্র !

জানোজি ।—তোমার মুখ থেকে এ ছকুম পাবার আগেই—  
বিপদের কথা শুনেই—সমস্ত যোদ্ধা নিয়ে প্রস্তুত হ'য়ে  
এসেছি মা ! কেবল এই ছকুম দাও জননী—এই দণ্ডে  
বেদনুরে যাই !

রমা ।—জানোজি—পুত্র ! প্রস্তুত হ'য়ে থাকো—এ অধীর হবার  
বিষয় নয়,—অবিলম্বে ছকুম পাবে । হাঁ এই সঙ্গে তোমাকে  
আর একটি কথা বলে রাখছি জানোজি,—আমার আশ্রিতা  
কন্যা ইলার আশ্রয় যেন রক্ষী শূন্য না হয়,—বিপন্ন  
পেশোয়ার উদ্ধারের জন্ত যেন শরণাপন্ন বিপন্ন না হয় !

[ উভয়দিকে উভয়ের প্রস্থান .

—•—

## ষষ্ঠ গর্ভাঙ্ক ।

—o\*o—

পুণা—দরবার ।      কাল—রাত্রি ।

অমাত্যগণ, জনার্দিন, শিবপন্থ ও সর্দারগণ ।

১ম সর্দার ।—কি আশ্চর্য্য ! পেশোয়া স্বেচ্ছায় আত্মসমর্পণ  
ক'রলেন ?

২য় অমাত্য ।—তাঁর আত্মসমর্পণের হেতুও তো শুনলে ; তবে  
আশ্চর্য্য হ'চ্ছ কেন ?

১ম অমাত্য ।—মহারানী এখন আমাদের কি ক'রতে বলেন ?

জনার্দিন ।—মহারানী স্বয়ং দরবারে এসে আমাদের কর্তব্য ব'লে  
দেবেন ।

১ম অমাত্য ।—তাঁর আচরণে আমরা সকলেই, এবং আশা করি  
সমগ্র পুণাবাসীই মর্স্মাহত !

জনার্দিন ।—মহারানীর আচরণে আপনারা সকলে মর্স্মাহত !  
মমতাময়ী মাতার ব্যবহারে পুত্র ব্যথিত ! অসম্ভব !—যিনি  
সহস্রজননিসেবিতা রাজমহিষী হ'য়ে, অভিমান অহঙ্কার  
ভুলে, রাজ্যের কল্যাণ-কল্পে রাজ্যবাসীর ঘরে ঘরে বিচরণ  
ক'রে থাকেন,—বরদা মাতার মূর্তিতে বরাভয়পানি বিস্তার  
ক'রে প্রসন্ন আননে বিপন্নকে বর ও অভয় বিতরণ ক'রে  
ধন্য হন, তাঁর আচরণ মর্স্মাপীড়ার কারণ ?

১ম অমাত্য ।—শাস্ত্রের বাণী জান তো জনার্দিন—“সর্বমত্যন্ত  
গর্হিতম্ !” সব বিষয়েই অতি জিনিসটা অত্যন্ত মন্দ ; রাণীর  
এই অতিশয় করুণাই আমাদের মনকণ্ঠের কারণ ।—  
সেই বিদ্রোহী দস্যু জানোজি আংগের নাম শুনেছ বোধ  
হয়,—তিনিই এখন রাণীর আশ্রিত ! ডাকাতকে আশ্রয়  
দিতে আমরা রাণীকে নিষেধ ক’রেছিলাম, কিন্তু তিনি তাতে  
কর্ণপাত করেননি, ডাকাত জানোজি এখনো তাঁর আশ্রিত  
হ’য়ে আছে !

( রমাবাস্ত্রীর প্রবেশ )

রমা ।—জানোজি ডাকাত নয় অমাত্য, জানোজি আমার পুত্র ;  
একদিন আমি তাকে মৃত্যুর কবল থেকে মুক্ত ক’রেছিলাম,  
তাই এই দুর্দিনে মাতৃভক্ত পুত্র মাতৃঋণ শোধ ক’রতে  
এসেছে ! অমাত্যগণ ! জানোজির প্রসঙ্গ নিয়ে এখন  
তো মায়ের সঙ্গে কলহ করবার সময় নয় ; এখন  
আমাদের যে বিপদ, তাতে শত্রুকে কোলে  
নিতে হয়—পাপীকে পার্শ্বে স্থান দিতে হয় !  
পেশোয়ার সহধর্মিণী—কোটা কোটা প্রজার জননী—এ  
রাজ্যের রাণী আমি—আজ প্রজাদের স্বার্থের, খাতিরে  
প্রজাদের জীবনের জন্তু প্রজাদের হিতের জন্তু—পেশোয়ার  
এই শূন্য সিংহাসনে ঠাঁড়িয়ে এই পুণ্যময় রাজদরবারে—  
শ্রাঘ ও ধর্মকে সম্মুখে স্থাপন ক’রে আমার পুত্রদের আদেশ



ক'রছি—প্রাণপণে তোমরা এই পুণ্য সিংহাসন রক্ষা করো ।  
 ( সিংহাসন হইতে রাজদণ্ড তুলিয়া ) এই দেখ পেশোয়ার  
 দণ্ড ! এই দণ্ড ধারণ ক'রে সিংহাসন আলো ক'রে পেশোয়া  
 ব'সতেন ! এই দণ্ড—শ্রায়ের দণ্ড, ধর্মের দণ্ড, পুণ্যের দণ্ড,  
 রাজ দণ্ড, এই দণ্ড ধ'রে পেশোয়ার সিংহাসনে  
 পেশোয়ার সহধর্মিণী দণ্ডায়মান হ'য়ে শূন্য সিংহাসন রক্ষা  
 করবার জন্ত তোমাদের সাহায্য চাইছে । এক সঙ্গে রাণীর  
 আদেশবাণী—মাতার অনুজ্ঞা—রাজদণ্ডের দোহাই ; আমি  
 মাতা—পুত্র তোমরা সবাই ।

সকলে ।—( তরবারি নিষ্কাষিত করিয়া ) জয় মা মহারাণী !  
 সিংহাসন অবশ্য রক্ষা ক'রব !

রমা ।—বিপদের দিনে সিংহাসন রক্ষা ক'রতে হ'লে হৃদয়ের  
 রক্ত ঢেলে দিতে হবে ! এই দেখ পুত্রগণ ! আমার অঙ্গের  
 রক্ত সর্ব্বাঙ্গে এই সিংহাসনতলে ঢেলে দিয়ে সাদরে  
 তোমাদের আহ্বান ক'রছি—রক্ত দিতে, রক্তমাখা প্রাণ  
 দিতে, রক্তের বিনিময়ে এই রাজতন্ত্র রক্ষা ক'রতে যারা  
 প্রস্তুত আছ—তারা এগিয়ে এসো—আমি এই রক্তের  
 তিলকুর্তাদের ললাটে অঙ্কিত ক'রে দোব—রাণীর রক্তের  
 ফোঁটা ললাটে তোমাদের জয়টিকা হবে—অবশ্য তোমরা  
 জয়ী হবে ।

সকলে ।—জয় মা মহারাণী ! দাও মা দাও—



[ সকলের ললাটে হস্তের দণ্ড স্পর্শ ও রক্তে রঞ্জিত করণ ]  
 জনার্দন ।—মা—মা—মহারানী ! তোমার পুণ্য পবিত্র অঙ্গের  
 অগ্নিময় শোণিত তিলক, ললাটে অঙ্কিত ক'রে দিয়ে প্রাণে  
 একি নূতন শক্তি-সুখা ঢেলে দিলে মা ? কি মাদকতায়  
 মাতিয়ে দিলে জননী ? অশুরনাশিনী শিবসীমন্তিনী  
 করালিনী কাত্যায়ণী এমনই সঞ্জীবনী ফোঁটা ভক্ত দেবতার  
 ললাটে লিপ্ত ক'রে দিয়ে অশুরদলনে পাঠিয়েছিলেন !  
 এওকি সেই রক্ত—সেই সুখা—সেই ফোঁটা ?

রমা ।—এ মায়ের প্রসাদ—রানীর আশীর্বাদ ; ভক্ত সম্মান সব !  
 তোমাদের জননীর রক্ত-রঞ্জিত এই রাজদণ্ড তোমাদের  
 সম্মুখে এই সিংহাসনে রক্ষিত হ'ল ; এখন এর রক্ষক  
 তোমরা ! [ প্রস্থান ]

সকলে ।—( জানু পাতিয়া সিংহাসন সম্মুখে তরবারি বিন্যাস-  
 পূর্বক ) হাঁ মা—এর রক্ষক আমরা !

## সপ্তম গর্ভাঙ্ক ।

বেদনুর—কারাগারের দেউড়ী । কাল—রাত্রি ।

বন্দুকধারী প্রহরীর মুদিত নেত্রে দেউড়ীর এক প্রান্ত হইতে

অন্য প্রান্ত পরিক্রমণ ; সম্ভরণে সখারামের প্রবেশ,—

‘প্রহরীর পাছু পাছু সমতালে পা ফেলিয়া অনুগমন ও

সুযোগ বুঝিয়া ধাক্কা দিয়া তাহার বন্দুক গ্রহণ ও

অন্য হস্তে রজ্জুর দ্বারা প্রহরীর কণ্ঠ বেঁধন !

সখারাম ।—খবরদার ! কথা কয়েছো তো একটি টান দোব,

অমনই তৎক্ষণাৎ দম বন্ধ হ’য়ে মারা যাবি বেটা ! আমি

কে জানিস ? ঠগীর রাজা !

( ইলার প্রবেশ )

ইলা ।—আর আমি ঠগীর রাণী ! আমার হাতে ছোলা দেখছিস ?

যেই কথা কইবি, রাজা ফাঁস টেনে দম বন্ধ ক’রবে, আর

আমি অমনি ছোরাখানা আগাগোড়া বুকে বসিয়ে দোব !

প্রহরী ।—র্যা—ঠ—ঠ—ঠ—ঠগী—

সখারাম ।—বাস্, এই পর্য্যন্ত, এবার চুপ ; হাঁ—আমরা ঠগী :

পুরী শুদ্ধ একগাড় ক’রেছি—কেউ বাদ পড়েনি—তুই বেটা

শুধু বাকী আছিস—কাঁপছিস—তা কাঁপ ; কিন্তু খবরদার

কথা যেন ক’স্নি !

প্রহরী ।—আ—আ—আ—

সখারাম ।—আবার? তবে ম'রলি । কথা কইলি তো মরলি—  
ইলা ।—আর এই ছুরিও খেলি ।

সখারাম ।—যা ব'লবি ইসারায় বল ।

প্রহরী ।—( ইঙ্গিতে—প্রাণে মেরো না ! )

সখারাম ।—ভয় নেই বেটা, প্রাণে মারবোনা তোকে, শুধু  
বাঁধবো; দে—তোর হাত ছুটো দে—বেঁধে ফেলি ! (বন্ধন)  
এইবার যা জিজ্ঞাসা ক'রবো, যা চাইব—ইসারায় তার  
জবাব দে ; চাবি কোথায় বল !

প্রহরী ।—( ইঙ্গিতে—কি চাবি ? )

সখারাম ।—যে কামরায় পেশোয়া মাধবরাও বন্দী হ'য়ে আছেন,  
সেই কামরার চাবি চাই !

প্রহরী ।—( ইঙ্গিতে—কোমরবন্ধ প্রদর্শন । )

সখারাম ।—( কোমরবন্ধ হইতে চাবি খুলিয়া লইয়া ) বহুত  
আচ্ছা—এবার আমাদের সঙ্গে চল বাঁধাধন,—পেশোয়ার  
কামরা দেখিয়ে দিতে হবে ।

[ সকলের প্রস্থান ]

## অষ্টম গর্ভাঙ্ক ।

—\*—

বেদনুর—কারাকক্ষ ।      কাল—রাত্রি ।

মাধবরাও ।

মাধব ।—এ আমি কোথায়? এ যে দেখছি সেই দানবীর চক্র !  
 দানবীর চক্রান্তে রুদ্ধ কক্ষে দৃগু সিংহ শীর্ণ বিকল দেহে  
 অবসন্ন হ'য়ে প'ড়ে আছে ! আমি কি সেই মাধবরাও ?  
 তর্জনী হেলনে যার লক্ষ লক্ষ সৈন্য এক সঙ্গে রণরঙ্গে মত্ত  
 হ'য়ে উঠত, দিল্লী থেকে কর্ণাট পর্যন্ত বিশাল ভূখণ্ড যার  
 পদতলে প্রাণ ঢেলে দিয়ে অবসন্ন ভাবে শুয়ে প'ড়েছিল,  
 সমগ্র ভারতের উপর একচ্ছত্র আধিপত্য প্রতিষ্ঠার আশা—  
 থাক্—আবার কোন আশার কুয়াশা অন্তরে এসে জ্বাল  
 পাতে ! যে আত্মসমর্পণ ক'রেছে—হেলায় সর্বস্ব ত্যাগ  
 ক'রে সর্বস্বান্ত হ'য়েছে—তার অন্তরে আবার কেন আশা  
 আসে ? থাক্—আর এ চিন্তা নয়—( নেপথ্যে দারো-  
 মোচ্ছবের শব্দ । ) ওকি ! এত রাতে কে দরজা খোলে !

( সখারাম ও ইলার প্রবেশ )

সখারাম ।—একি ! একি দেখছি ! পেশোয়া—পেশোয়া । রাজ-  
 রাজেশ্বর ! এ আপনার কি শোচনীয় মূর্তি !

মাধব ।—কে তুমি ? তোমার সঙ্গে ওই রমণীই বা কে ? এখানে কি জন্ম এসেছে ?

সখা ।—পোশোয়ার গুণমুগ্ধ আমি সেই বঙ্গবাসী সখারাম ! আর ইনি আমার সহধর্মিণী ; রাজ রাজেশ্বর কারাবাসী শুনে, জীবনপণ ক'রে আমরা এখানে এসেছি ; আমাদের কৌশলে প্রহরী বন্দী হ'য়েছে, বাইরে অশ্ব সজ্জিত আছে, রূপা ক'রে এখনি পেশোয়া এ কারাকন্ড পরিত্যাগ করুন ।

মাধব ।—একি আশ্চর্য্য ! আমাকে উদ্ধার করবার জন্ম তোমরা সিংহীর গহ্বরে প্রবেশ ক'রেছ ?

সখারাম ।—রাজাধিরাজ ! আমরা বাঙ্গালী ; আমরা অক্ষম— দুর্বল ; কিন্তু রাজভক্তি আমাদের বড় প্রবল ; রাজাকে আমরা দেবতার অবতার ব'লে জানি, রাজার জন্ম আমরা যমদ্বারে প্রবেশ ক'রতেও কুণ্ঠিত নই !

মাধব ।—কে বলে তোমরা দুর্বল ! অস্তুর যাদের এমন সরল, তাদের মতন বলবান জাতি জগতে আর কোথায় ? বীরত্ব অস্ত্রে নয়—ত্যাগে । ত্যাগশীল বন্ধু আমার—তোমার আত্ম-ত্যাগের কথা শুনে চক্ষু আমার অশ্রুভারে সিক্ত হ'চ্ছে !

ইলা ।—পেশোয়া ! তাহ'লে আর বিলম্ব না ক'রে এখনই বাইরে চলুন !

মাধব ।—মা ! তোমাদের রাজভক্তি দেখে আমি মুগ্ধ হ'য়েছি,

কিন্তু মা, তোমাদের এ অনুরোধ আমি রক্ষা 'ক'রতে  
পারছি না !

সখা ।—সে কি পেশোয়া !

মাধব ।—সখারাম ! পেশোয়া ব'লে যাকে সম্বোধন ক'রছে—  
ফেরার যোগ্য আচরণ তার কখনো কর্তব্য নয় !

( রক্ষিগণসহ আনন্দীর প্রবেশ )

আনন্দী ।—বিশেষতঃ সিংহী যখন স্বয়ং সজাগ হ'য়ে গুহায়  
এসে দাঁড়িয়েছে !

সখা ।—ওঃ এই সেই সয়তানী !

আনন্দী ।—মাধবরাও !

সখা ।—মুখ সামলে কথা ক' সয়তানী—

ইলা ।—পেশোয়া ব'লে ডাক—নইলে এখনি তোর বৃকে—

( আনন্দীর ইঙ্গিতে রক্ষিগণ কর্তৃক ইলার হস্ত ধারণ,  
ইলা ও সখারামকে বন্ধন )

আনন্দী ।—এখনই বধ্যভূমে নিয়ে যাও ;—সেইখানে বিচার  
হবে ।

( ইলা ও সখারামকে লইয়া রক্ষিগণের প্রস্থান )

কি বীরপুরুষ ! চুপ ক'রে আছ যে ! ওরা তোমাকে মুক্ত  
ক'রতে এসে ধৃত হ'য়ে বধ্যভূমে চললো, কিন্তু তুমি ত এতে  
একটুও অধীর হ'লে না, তোমার হৃদয় তো উদ্বেলিত হ'য়ে  
উঠল না !

মাধব ।—ক্ষুদ্র পুষ্করিণীর উপর শিলাখণ্ড নিক্ষিপ্ত হ'লে তার জলরাশি উদ্বেলিত হয়, কিন্তু সিন্ধুর বিশাল বক্ষ সে আঘাতে অধীর হয় না—স্থির হ'য়ে থাকে !

আনন্দী ।—আমার বিচারে এদের প্রাণদণ্ড হবে !

মাধব ।—ত্যাগ ও ভক্তির প্রেরণায় যারা এমন সঙ্কট স্থানে আসতে সাহস ক'রেছে, তারা বোধ হয় প্রাণের মমতাকে সঙ্গে ক'রে আনেনি ।

আনন্দী ।—যাক্, এখন আমি যেজন্য এইরাত্রে তোমার কারাগারে এসেছি তা শ্রবণ করো ; আমি এখন তোমার পিতৃব্য পত্নী ; তোমার বুদ্ধিমান পিতৃব্যকে উপলক্ষ ক'রে সিংহাসন গ্রহণ আমার পক্ষে বোধ হয় এখন আর তেমন অশোভন নয়, তত্রাচ একাধো এখন তোমার সাহায্যও বিশেষ আবশ্যিক, তুমি যদি এই মর্মে এক ঘোষণাপত্র লিখে দাও যে, আমি রঘুনাথরাওয়ের বৈধ সহধর্মিণী, আর তুমি সাম্রাজ্যের কল্যাণের জন্য সিংহাসন স্বেচ্ছায় আমাদের হস্তে সমর্পণ ক'রেছ, তাহ'লেই সহজে আমার কার্যসিদ্ধি হয়, শান্তি চিরস্থায়ী হয়, আর এর বিনিময়ে তুমি এই বেদনুরের সিংহাসন পাবে ; আমি ঘোষণাপত্র লিখে এনেছি, এখনি এতে স্বাক্ষর করে দাও !

মাধব ।—পালাও পালাও তুমি রমণী, আর এখানে থেকোনা, জনুনী হও, পিতৃব্য-পত্নী হও যাই হও—এখনি পালিয়ে যাও ;

বিশ্বজননী রমণী এমন সয়তানী ক'রতে চায়—একথা শুনে  
সয়তান পর্য্যন্ত তোমার বাদী হবে ; প্রলয় হবে—সর্বনাশ  
হবে—পালাও তুমি !

আনন্দী ।—এই ঘোষণাপত্রে এই মুহূর্তে তুমি স্বাক্ষর না ক'রলে  
এই রাত্রেই তোমার প্রাণদণ্ড হবে !

মাধব ।—প্রদীপ নির্বাণোন্মুখ হ'লেও জোনাকির ক্রকুটি ক্রভঙ্গে  
স্বধর্ম বিস্মৃত হয় না !

আনন্দী ।—কে আছিস্ বাইরে—একে নিয়ে যা !

( রক্ষীগণের প্রবেশ )

সাবধানে বধ্যভূমে নিয়ে চল—প্রাণদণ্ড হবে !

( মাধবরাওকে লইয়া প্রস্থান )

## নবম গর্ভাঙ্ক ।

—○●○—

বধ্যভূমি—কাল-রাত্রি ।

রঘুনাথ, নারায়ণ, আপাজি, কুকুম, রক্ষীগণ ।

রঘুনাথ ।—নারায়ণ ! যখনই তোমার দিকে দৃষ্টিপাত করি,  
তখনই দেখি, তুমি গভীর চিন্তায় মগ্ন, তোমার জন্মই  
আমরা এই সব অসাধ্য সাধন ক'রছি, অথচ তুমি সদা  
সর্বদাই বিষণ্ণ, এর কারণ কি ?



নারায়ণ ।—কারণ কি—তা আর কেমন ক'রে বলবো পিতৃব্য !  
কেবল নিদারুণ মনস্তাপ ভিন্ন এ বিপুল বিশ্বে বুঝি আমার  
বলবার আর কিছু নেই ! তাই থেকে থেকে এক দগ্ধ হৃদয়  
কেঁদে ওঠে, জগতে সেই মর্শ্শভেদী ক্রন্দন কেউ দেখে না—  
কেউ শোনে না—কেউ জানে না !

রঘুনাথ ।—বৎস ! আত্ম সম্বরণ করো—সুখের সময় আর  
বিষাদের গান গেয়োনা,—তোমাকে সঙ্গে ক'রে মেঘমণ্ডিত  
ঝটিকাসঙ্কুল বিপদের রাত্রি অতিবাহিত ক'রেছি, এখন  
উষালোকে পূর্বগগন আলোকময় ; আশায়, উৎসাহে  
আমাদের হৃদয় পরিপূর্ণ হ'য়ে উঠেছে, কার্যসিদ্ধির আর  
বিলম্ব নাই ;—এসময়ে ভ্রাতৃপ্রেমে মত্ত হ'য়ে তুমি যেন  
আর নিজের সর্বনাশ ক'রোনা !

আপাজি ।—দেখছো—আমি আমার ভগিনীর ওপর প্রতিশোধ  
নেবার জন্ত কেমন ভীষণ হ'য়ে উঠেছি—ভগিনীপতির  
বধ্যস্থানে কেমন হাসিমুখে হাজির আছি । ভায়ের মৃত্যু  
দেখতে সংসারের আপদ ঝেড়ে ফেলতে তুমিও বুকে সাহস  
বেঁধে দাঁড়াও !

( বন্দী সখারাম ও ইলাকে লইয়া দুইজন রক্ষীর প্রবেশ )

আরে কেয়া তোফা !

কুহুম ।—তাইতো হে, শিকার ঘুরে ফিরে তোমারই ধর্পরে  
এসে প'ড়েছে !

রঘুনাথ ।—এরা এখানে কেন ?

১ম বন্দী ।—হুজুর ! এরা কয়েদ ঘরে ঢুকে পেশোয়াকে উদ্ধার  
ক'রতে এসেছিল ; রাণী মা জানতে পেরে ঠিক সময়ে  
হাজির হওয়ায় ধরা প'ড়ে গেছে !

রঘুনাথ ।—বটে !

আপাজি !—কি গো ইলাবিবি—কি হে সখারাম বাবু । তোমা-

দের মা কোথায় ? মা এবার এখানে আসবেন না ?

সখারাম ।—সন্তান ছেড়ে মা কোথায় কবে স্থির হ'য়ে থাকেন !

পুত্রের ডাকে মা অবশ্য আসবেন ।

কুমুম ।—বটে ! এখনো বাবু সাহেবের বাঙলায় ফেরবার আশা  
আছে তাহ'লে !

( বন্দী মাধবরাওকে লইয়া রক্ষীদের প্রবেশ )

নারায়ণ ।—( স্বগতঃ ) য'্যা—য'্যা—একি ! এই কি সেই

পেশোয়া ? সূর্য্যতুল্য তেজীয়ান পুণ্যদীপ্তিময়-লাবণ্য—

সর্বশক্তিমান পেশোয়ার একি বিবর্ণ বিশীর্ণ মূর্তি ! উঃ ! একি

ভীষণ পরিবর্তন ! রাজদণ্ডের আশ্রয়স্থান যে হস্ত, তা

এখন শুষ্কলে আবদ্ধ ! ( প্রকাশ্যে ) এখনই পেশোয়ার

শৃঙ্খল খুলে দে !

রঘুনাথ ।—না—না কি তুমি বলছ নারায়ণ ? কে এখন

পেশোয়া ! পেশোয়ার সিংহাসন যে তোমার নারায়ণ !

নারায়ণ ।—আমার দাদাকে এখনি মুক্ত ক'রে দাও পিতৃব্য !

নারায়ণরাও সিংহাসন চায় না, ভাই চায় !

( আনন্দীর প্রবেশ )

আনন্দী ।—কিন্তু দেশে যে তোমাকে চায় নারায়ণ !—দেশবাসী

তোমাকে পেশোয়ার সিংহাসনে সমাসীন দেখবার জন্য  
লালায়িত ; তাই এই অত্যাচারীর প্রাণদণ্ড ক'রে তোমার  
হাতে রাজদণ্ড দিয়ে পুণার সিংহাসনে তোমাকে স্থাপন  
করা হবে !

নারায়ণ ।—ভাইকে হত্যা ক'রে, ভাইয়ের রক্তে সর্ব্বাঙ্গ রঞ্জিত  
ক'রে সিংহাসনে বসার চেয়ে শূলে বসা ভাল ! জননী !  
তুমি আমাদের পিতৃব্যপত্নী, সম্বন্ধে, অগ্রদিকে তুমি করুণা-  
ময়ী রমণী ; তবে তোমার মনে এমন পৈশাচিক প্রবৃত্তি  
কেন মা ? আমি তোমার পুত্র, দাদাও তোমার পুত্র,  
তবে কেন মা তুমি এত নিদয়া ? মা হ'য়ে মাতৃ-স্নেহ  
বিতরণে কেন মা তোর এত কৃপণতা । পুত্রের রক্তে ওই  
কোমল হস্ত কলঙ্কিত ক'রতে কেন তোর এ উন্মাদ বাসনা  
জননী ? আমি তোর পদতলে ব'সে দাদার প্রাণ ভিক্ষা  
চাইছি মা—দাদাকে মুক্ত ক'রে দে—তুই সিংহাসন নে—  
সর্ব্বস্ব নে—বিনিময়ে তার দাদাকে ফিরিয়ে দে ।

রঘুনাথ ।—কেন বৃথা চীৎকার ক'রছ নারায়ণ !

নারায়ণ ।—হা অদৃষ্ট ! এ বৃথা চীৎকার ! ভাইয়ের সম্মুখে

ভাইকে হত্যা ক'রবে তার জন্ম ভায়ের রোদন বৃথা !

আনন্দী ।—নারায়ণ ! ভাইয়ের জন্ম রোদন ক্ষণিকের কিন্তু

সিংহাসন চিরদিনের ! তখন এ অনুতাপ স্বপ্ন ব'লে মনে

হবে ! মাধবরাওয়ের প্রাণদণ্ড অনিবার্য ; আর আমার

ইচ্ছা, পুণার ভবিষ্যত পেশোয়া নারায়ণরাও স্বচক্ষে এই

দণ্ড দর্শন করে !

নারায়ণ ।—আমি যদি যথার্থই পেশোয়া—কার সাধ্য তাহ'লে

আমার ভাইকে হত্যা করে। আমি স্বয়ং তাঁকে মুক্ত

ক'রবো।

রঘুনাথ ।—[ নারায়ণের হস্ত ধরিয়া ] স্থির হও—নারায়ণ !

জান, এখনো তুমি আমাদের হস্তচালিত পুতুলিকা—

নারায়ণ ।—ছেড়ে দাও—ছেড়ে দাও—আমাকে, আমার স্থান

এখন আমার দাদার পাশে, ছেড়ে দাও আমাকে—

আনন্দী !—ধ'রে রাখ ওকে, এই বর্ষের জন্ম আমাদের সমস্ত

উদ্যম পণ্ড হবে—

( কুঙ্কুম ও আপাজ্জি কর্তৃক নারায়ণকে ধারণ )

নারায়ণ ।—ওঃ—রাক্ষস—রাক্ষস—রাক্ষসী মায়ী, ভগবান রক্ষা

করো কুল দেব রক্ষা করো—

আনন্দী ।—চূপ ক'রে এইবার ভ্রাতৃহত্যা দর্শন করো !

[ পিস্তল ধারণ ]

নারায়ণ ।—ওঃ—হোঃ—রক্ষা করো—দয়া করো—  
 সখারাম ;—মা—মা—শক্তিময়ী মা আমার—কোথায় কোথায়  
 তুই—আয় মা আয়—যেথায় থাকিস্ মা ছুটে আয়—  
 সখা ও ইলা ।—মা—মা—মা—  
 আপাজি ।—চোপরাও পাজি—ফের যদি চীৎকার ক'রবি—  
 আনন্দী । বন্দী মাধবরাওকে আমার লক্ষ্যের সমক্ষে নিয়ে—  
 এসো—

নারায়ণ ।—এ পাপ দৃশ্য আমাকে দেখিও না—তার পূর্বে  
 আমাকে বধ করো—

আনন্দী ।—তোমার এ রোদন মরুভূমে বারিবর্ষণ । স্বচক্ষে  
 তোমায় ভ্রাতৃহত্যা দেখতে হবে ।

( আনন্দীর মাধবরাওকে লক্ষ্য করিয়া পিস্তল ধারণ, বেগে  
 রমাবাসীর প্রবেশ—আনন্দীর উখিত হস্ত ধারণ,—

[ সঙ্গে সঙ্গে জানোজি ও সৈন্তগণের প্রবেশ । ]

সখারাম ও ইলার বন্ধন মোচন, রঘুনাথ, কুঙ্কুম,  
 আপাজি ও রক্ষিগণের যুদ্ধার্থ অস্ত্রধারণ, ক্ষিপ্ত  
 হস্তে তাহাদিগকে পরাজয়পূর্বক অস্ত্র হরণ ]

সমা ।—( আনন্দীর হস্ত ধরিয়া ) ভ্রাতৃজ্যোহী নারায়ণের চক্ষে  
 ভ্রাতৃহত্যা দর্শন সম্ভব হ'লেও, বৈকুণ্ঠের নারায়ণ যে এ  
 হত্যা দর্শনে অক্ষম জননী ! তাই তোমার উত্তম এইভাবে

[ ধৃত হস্ত সবলে সঞ্চালন ও আনন্দীর হস্তচ্যুত হইয়া  
পিস্তল ভূতলে পতন ] পণ্ড হ'ল ।

আনন্দী ।—য়্যা—কে—কে—কে তুমি আমার সর্বশক্তি হরণ  
ক'রে আমাকে এভাবে নির্জীত ক'রলে ! বল—বল—  
কে তুমি ?

রমা ।—যাঁকে তুমি হত্যা করবার জন্ত অস্ত্র উদ্বৃত্ত ক'রেছিলে,  
আমি তাঁহার হৃদয়-রাণী ।

আনন্দী ।—উঃ [ স্বগতঃ ]—রমাবাসি ! এই রমাবাসি ! আনন্দী  
বাসিয়ার অহঙ্কার আজ চূর্ণ হ'লো !

আপাজি ।—[ স্বগতঃ ] সয়তানী ! সয়তানী ! [ ঝটিতি কোটী-  
দেশ হইতে পিস্তল বাহির করিয়া রমাবাসিয়ার উদ্দেশে  
ধারণ । ]

জানোজি ।—[ লক্ষ্য দিয়া আপাজির টুঁটি ধারণ ও পিস্তল কাড়িয়া  
লওন ] ফোঃ—আওয়াজ হ'ল না—ফেসে গেল ; এইবার  
এইবার বাঘের থাবা সামলাবে কে ? ( সহচরদের প্রতি )  
একে পিছমোড়া ক'রে বাঁধ, এ নচ্ছার, আমার মার উপর  
হাত তুলেছিল !—মা ! তুমি এবার ওই সয়তানীর হাত

ছাড়ো—অধমি ওকে বাঁধবো—

রমা ।—ছিঃ বৎস ! রমণীর গায়ে কি কখনো হাত দিতে আছে ?

জানোজি ।—হাঁ মা, ভুল হ'য়েছে, মাপ করো মা, আর এমন  
কথা কখনো মুখে আনবো না ।

রমা ।—পেশোয়া ! তোমার অজ্ঞাতে এই দুষ্কর কার্যে হস্তক্ষেপ  
ক'রে জানি না আমি কতখানি অনধিকার চর্চা ক'রেছি !  
তবে আমি এইটুকু জেনেছি—স্নেহ আর ভক্তির অত্যাচার  
বারণ করবার সামর্থ্য তোমার আমার নাই ! তুমি যেমন  
ভ্রাতৃ-স্নেহে আত্মহারা হ'য়ে ভাইকে রক্ষা ক'রতে মাতৃভূমির  
অন্তরে বিষম দাগা দিয়েছ, আমিও তেমনি স্বামীকে উদ্ধার  
ক'রতে—স্বামীর জীবন রক্ষা ক'রতে—পূজনীয় কাকা  
সাহেবের হৃদয়ে বিষম ব্যথা দিয়েছি, কাকী সাহেবাও এতে  
বড় সামান্য ক্ষুব্ধ হন নি ! কিন্তু আমি জানি জংসারে স্বামীই  
সতীর সর্বস্ব, স্বামীর রক্ষার্থ সতীর অসাধ্য কিছুই নেই ।

রঘুনাথ ।—হাঁ মা— তুমি তোমার কর্তব্যই ক'রেছ, এতে আমা-  
দের কোনো ক্ষোভ নেই !

মাধব ।—রমা ! রমা ! তুলনায় সমালোচন ক'রলে বেশ বোঝা  
যায়—তোমার আমার কার্যে আকাশ পাতাল পার্থক্য  
বিদ্যমান । তুমি—তুমি রমা—পেশোয়ার কলঙ্ক স্থালনের  
জন্তু পুণার ধর্মাধিকরণের গৌরব রক্ষার জন্তু, তোমার  
চরিত্রহীন ভাইকে অম্মান বদনে কারাগারে পাঠিয়েছ !  
আর আমি—পেশোয়া—আমি আমার ভাইকে বিদ্রোহী  
জেনেও তাকে রক্ষা ক'রবার জন্তু—

নারায়ণ ।—নিজের সর্বনাশ নিজে ক'রেছ দাদা ! নিজের সৈন্য-  
দের নিরস্ত্র ক'রে নিজের সৈন্যদের হাতে নিজে ধর!



দিয়েছে ; রাজরাজেশ্বর হ'য়ে হীন দস্যু তস্করের মতন শৃঙ্খলবদ্ধ ক'রে কারাগারে বন্দী হ'য়েছ ; অনসনে দিন যাপন ক'রেছ, শেষে মানবের চরম দণ্ড গ্রহণ করবার জন্ত এই ভীষণ বধ্যভূমে এসে দাঁড়িয়েছ ! কার জন্ত এসব সহ্য ক'রেছ দাদা ? ভায়ের জন্ত—ভাইয়ের জন্ত ; যে ভাইকে তুমি বুকে ক'রে পালন ক'রেছ, সেই ভায়ের জন্ত ! দাদা—দাদা রাজরাজেশ্বর তুমি, অপরাধীর দণ্ডদাতা তুমি, মর্ত্তে ধর্ম্মের অবতার তুমি, রাজধর্ম্ম পালন কর দাদা বিদ্রোহী ভাইকে দণ্ড দাও দাদা—রাজবিধানে রাজার আইনে ভায়েরও দণ্ডের বিধান আছে ! এই বধ্যভূমে—দণ্ডদাতা রাজার চরণ তলে—দণ্ডকামী অপরাধী নত জানু হ'য়ে—চরম দণ্ড প্রার্থনা ক'রছে ; দণ্ড দাও দাদা—পাপীকে দণ্ডিত কর রাজা !

মাধব ।—দণ্ড ! দণ্ড চাস নারায়ণ ? দাদার কাছে দণ্ডের প্রার্থনা ক'রছিস ? কিন্তু ভাই—দণ্ড দেবার আমার তো আর সামর্থ্য নাই ! দেখছিস না—অনসনে দেহ শীর্ণ হ'য়েছে—রোগে জীর্ণ হ'য়ে প'ড়েছে—এই কয় দিনে যেন বিশ বৎসর পরমায়ু বৃদ্ধি পেয়েছে ? তবু তবু তোকে দণ্ড দিতে হবে ? বেশ—বেশ—দোব—দণ্ড দোব তোকে, এমন দণ্ড দোব—যা দেখে সকলে স্তম্ভিত হবে । আয় ভাই এগিয়ে আয়,—এই শীর্ণ বাহু মধ্যে আয়—দণ্ড দোব এগিয়ে আয় ;



নারায়ণ—নারায়ণ—( আলিঙ্গনপূর্বক ) এই তোর উপযুক্ত  
দণ্ড ভাই ! ভায়ে ভায়ে আলিঙ্গন—ভায়ের বিধানে এর চেয়ে  
আর কি দণ্ড আছে নারায়ণ ! আয় ভাই তোকে এই দণ্ড  
দিয়ে জগৎকে জানাই—আমার ভাই আজ থেকে আর  
অধর্মের নয়—আমার ! আমরা এবার ভাই-ভাই—আমাদের  
ভেদ নাই !



# চতুর্থ অঙ্ক ।

## প্রথম গর্ভাঙ্ক ।

শ্রীরঙ্গপটম—প্রাসাদ-কক্ষ । কাল—রাত্রি ।

হায়দারআলি, গোলামকাদের, আনন্দীর দূত ।

হায়দার ।—আপনাদের রাণীকে বলবেন—তাঁর প্রস্তাবে আমি সম্পূর্ণ সম্মত আছি । উপস্থিত যুদ্ধে তিনি যদি আমার পক্ষ অবলম্বন করেন, তাহ'লে আমি আর কখনো বেদনুরের ওপর হস্তক্ষেপ ক'রবো না । আমার প্রতিনিধি শীঘ্রই আপনাদের সঙ্গে সাক্ষাৎ ক'রবেন ।

দূত ।—জাঁহাপনার এই উত্তর শুনে আমাদের রাণী অত্যন্ত সন্তুষ্ট হবেন সন্দেহ নেই !—এখন তাহ'লে আমি বিদায় হ'তে পারি ?

হায়দার ।—আচ্ছা—আপনি এখন যেতে পারেন ।

[ -দূতের প্রস্থান ]

পেশোয়ার সঙ্গে পরাজিত হওয়ায় আমাকে অত্যন্ত অপদস্থ হ'তে হ'য়েছে গোলাম ! তবু সৌভাগ্যের বিষয় এই—ঠিক ওই সময় আনন্দীবান্দিয়ের চক্রান্তে পেশোয়া বন্দী হয় ;

তাই আমাদের পরাজয় ব্যাপারটা চাপা প'ড়ে গিয়ে,—  
পেশোয়ার পতন কথাই ভারতময় রাষ্ট্র হ'য়েছে !—তব্রাচ  
আমার অন্তরে বড় সামান্য আঘাত লাগেনি ; পেশোয়াকে  
যতক্ষণ আমি পরাস্ত ক'রতে না পারছি—পুণার অভ্যন্তরে  
গিয়ে মহীশূরের বিজয় পতাকা স্থাপন না ক'রছি—ততক্ষণ  
স্থির হ'য়ে থাকা আমার পক্ষে অসম্ভব ।

গালাম।—জাঁহাপনা ! আমি শপথ ক'রে বলতে পারি—  
সুলতান টিপু জন্মই গত যুদ্ধে আমাদেরকে পরাস্ত হ'তে  
হয় ; আমাকে অপদস্থ করবার জন্ম ইচ্ছা ক'রেই যুদ্ধস্থলে  
তিনি আমাকে সাহায্য করেন নি ; তাঁর সাহায্য পেলে—  
পেশোয়ার তোপখানা অধিকার ক'রে নিশ্চয়ই আমি  
পেশোয়াকে বন্দী ক'রতে পারতাম ; কিন্তু সুলতানের  
সাহায্যাভাবে আমাকেই বন্দী হ'তে হয় ! জাঁহাপনা  
অবশ্যই অবগত আছেন, মৃষ্টিময় সৈন্য ল'য়ে কিভাবে আমি  
পেশোয়ার সৈন্য-বাহে প্রবেশ ক'রে যুদ্ধ ক'রেছিলাম !

হায়দর।—আচ্ছা—এবারকার যুদ্ধে তুমিই প্রধান সেনাপতি  
হবে গোলাম ; টিপু এবার তোমার অধীনে যুদ্ধ ক'রবে,  
সৈন্যদের ওপর তার কোন কর্তৃত্বই থাকবে না । আমি  
এখন বিশ্রাম ক'রব ; কাল প্রত্যয়ে এই কক্ষেই আমার  
সাক্ষাৎ পাবে ; পেশোয়ার গতি বিধি জানবার জন্ম আমি  
যে সব গুপ্তচর পাঠিয়েছিলাম, তারাও কাল উপস্থিত

থাকবে ; কালই সমস্ত মীমাংসা হবে—আর সর্বসমক্ষে তোমাকেই প্রধান সেনাপতি ব'লে ঘোষণা করা হবে ।

গোলাম ।—(কুর্ণিশপূর্বক) গোলামের প্রতি জনাবের যথেষ্ট অনুগ্রহ । [ হায়দরের প্রস্থান ।

নবাব হায়দর আলির অন্তরটা কেতাবের মতন দিব্য আয়ত্ত ক'রেছি !—তাই নবাবকে আমার ইচ্ছানুসারে পারিচালিত ক'রতে কেবল আমিই সমর্থ হই ; নবাব মুখে যা বলে—কার্যে নিশ্চয়ই তা পালন করে ; টিপু এবার নিশ্চয়ই আমার অধীনে নিযুক্ত হবে ;—এইবার তাহ'লে সহজেই টিপুকে চূর্ণ ক'রতে সমর্থ হবো—টিপু জীবিত থাকতে আমার ছুরাকাজ্জা পূর্ণ হবার ত কোন সম্ভাবনাই নাই ।

( জোবেদীর প্রবেশ )

জোবেদী ।—[কক্ষমধ্যে কেবল মাত্র গোলামকে দেখিয়া চমকিত ভাব] ওঃ শাহাজাদা নেই এখানে ! [ প্রস্থানোত্তোগ ]

গোলাম ।—শাহাজাদা ? শাহাজাদা আসছেন এখনি !—ওকি—চললে যে জোবেদী !—[পথ আটকাইয়া দণ্ডায়মান ।]

জোবেদী ।—আপনি পথ আটক ক'রে—আমার দিকে অমন ক'রে তাকাচ্ছেন কেন সেনাপতি ?

গোলাম ।—বসোরার ফুটন্ত গোলাপ চ'খের সামনে দেখলে ফকীর পর্য্যন্ত তাকায়—আমি তো আমীর !—কথাটার কিছু অর্থ বুঝলে জোবেদী ?

জোবেদী ।—আপনি একজন সেনাপতি, আপনার মুখে পাগলের মতন এইসব উক্তি খুবই চমৎকার শোনাল !

গোলাম ।—সেনাপতি হ'লেও আমি তো মানুষ বটে ! রূপ দেখলে কে না পাগল হয় ? মধু দেখলে মাছি যেমন সেখানে গিয়ে জোটে, রূপ দেখলে মানুষের মনও তেমনই সেই খানে গিয়ে পড়ে ! তবে যে কাপুরুষ—সে প্রাণের ভয়ে মন সংযত ক'রে পালায়, আর যে বীরপুরুষ—মানুষের মতন মানুষ, সে বীরের মতন সেই রূপ উপভোগ ক'রে ধন্য হয় ।

জোবেদী ।—আপনি পথ ছাড়ুন সাহেব ! আমাকে এসব কথা শুনিয়া আপনার কোনো লাভ নেই !

গোলাম ।—লাভ নেই ? রূপসীকে রূপের কথা শুনিয়া রূপের ভিখারীর লাভ নেই ? রসিক মেয়েমানুষ হ'য়ে বেরসিকের মতন কি তুমি ব'লছ সুন্দরী ? অলি যখন ফুলের কাছে যায়, আগে গুণ গুণ ক'রে তার গুণ গায়—তার পর মধু খায় ! এখন তুমি হ'চ্ছ রূপসী—আর আমি যে তোমার রূপের ভিখারী !

জোবেদী ।—মুখ সামলে কথা কয়ো সেনাপতি ! তুমি কার সামনে এসব কথা ব'লছ—তা ভুলে গেছ নিশ্চয় !

গোলাম ।—তাই নাকি ! কিন্তু কই ? ভুলতো কিছুই দেখতে পাচ্ছি না সুন্দরী !—অনেকদিন হ'তে যার রূপে মুগ্ধ হ'য়ে

আমি দক্ষ হচ্ছিলেম—মনের আশুণ মনেই চেপে রেখে-  
ছিলেম—আজ তারই সামনে মুখের খোলস ছেড়ে কথা  
ব্যক্ত ক'রছি ! এতে আর কসুর হ'য়েছে কি ? তোমার  
ওই বেহেশ্তের রূপ দেখে বুক আমার ভরে গেছে ! আর  
ধৈর্য্য ধরবার সময় নেই—তোমাকে আমার চাইই—

[ জোবেদীর হস্তধারণ ।

জোবেদী ।—[সবেগে হস্ত মোচন পূর্বক ]--সয়তান ! সয়তান !  
এত বড় আশ্পর্কী তোর—তুই আমাকে অপমান ক'রতে  
সাহস করিস্ ? আমি তোকে এখনি এই পয়জার দিয়ে  
'সায়েষ্টা ক'রবো—

[ পায়ের পয়জার খুলিয়া গোলামকে আক্রমণ ]

গোলাম ।—[ক্ষিপ্তহস্তে পয়জার সহ জোবেদীর হস্ত ধরিয়া ]—  
কেমন ? এইবার ? বুদ্ধিহীনা নারী ! আমার অঙ্গের  
ওপর তুমি হাত তুলতে চাও ?

জোবেদী ।—আমার হাত ছাড় ব'লছি সয়তান—নইলে এখনই  
আমি চীৎকার ক'রবো—

( জোবেদীর বাম হস্ত হইতে এই সময় রুমালখানি পড়িয়া গেল,  
গোলামকাদের তাহা লক্ষ্য করিল )

গোলাম ।—আচ্ছা থাক্—তোকে এবার মাপ ক'রলুম ।

[হস্তত্যাগ ।

জোবেদী ।—কাল সাপিনীর পুচ্ছে তুই আঘাত ক'রেছিস্—এর

প্রতিফল হাতে হাতে পাবি—বিষের জ্বালায় জ্বলে মরবি !

[ প্রস্থানোচ্চোগ !

গোলাম ।—(বাধা দিয়া)—দাঁড়াও—জোবেদীবাবি ! আর একটা

কথা শুনে যাও ; দেখো—এ কেলেকারীটা প্রকাশ করে

কোন ফল নেই—বরং এতে তোমারই ক্ষতি বেশী, তোমার

ইজ্জতে আঘাত লাগবে, আমার এতে কোনো অনিষ্টই হবে

না ; এই ঘরে অন্দরমহল থেকে তুমি এসেছিলে—

একথা শুনলেই, নবাব তোমার ওপরই রুষ্ট হবেন ।—তার

চেয়ে এসো আমরা দুজনে ব্যপারটা আপোষে মিটমাট ক'রে

ফেলি ।—আমি ভাবতেম—মনে মনে তুমিও বুঝি আমাকে

ভালবাস, তাই তোমার সঙ্গে একটু রসিকতা ক'রেছিলেম ;

কিন্তু এর পর আর আমি তোমার সঙ্গে কথা তো দূরের

কথা—ভুলেও তাকাব না ; আমি তোমার হাত ধরে

ছিলেম—সে জন্তু মাপ চাচ্ছি ; তুমি এ কথা আর

কাউকে ব'লো না ;—এই আসন্ন যুদ্ধের সময় একটা

ঘরোয়া যুদ্ধ বাধানও উচিত নয় ।

জোবেদী ।—বেশ, আমি এতে রাজী ; মাপ চাচ্ছ যখন তুমি—

তখন তোমার ওপর আমার আর ক্রোধ নেই—আমি

তোমাকে মাপ ক'রলুম ।

[ প্রস্থান ।

গোলাম ।—( রুমালখানি তুলিয়া লইয়া ) আর আমিও তোমার

এই মৃত্যুবান হস্তগত ক'রলুম । এই রুমাল সুলতান টিপু

সওগাদ, এতে জৌবেদীর সর্বনাশ ক'রতে আমায় বিলম্ব হবে না ।

## দ্বিতীয় গর্ভাঙ্ক ।

পুণা দুর্গ-চত্বর । কাল—মধ্যাহ্ন ।

জনার্দীন, শিবপন্থ, জানোজি, সেনানীগণ !

শিবপন্থ ।—নবাব হায়দরআলির উদ্দেশ্য কি ? সে দিন যুদ্ধে সম্পূর্ণ পরাজিত হ'য়েও আবার যুদ্ধের জন্য লালায়িত হ'য়ে উঠল !

জনার্দীন ।—সেবারকার পরাজয় যে সম্পূর্ণ হয়নি পন্থজি, তাই আবার অগ্রসর হ'চ্ছে ! আমাদের ঘরোয়া বিভ্রাটের ফলে আমরা তখন নবাব-বাহিনীর অনুসরণ ক'রতে পারিনি, শ্রীরঙ্গপট্টমের সিংহদ্বারে হানা দিইনি !

জানোজী ।—আর পেশোয়া যে অসুস্থ হ'য়েছেন, এ সংবাদও নবাব পেয়েছেন বোধ হয় !

জনার্দীন ।—নিশ্চয় পেয়েছেন ! পেশোয়া শয্যাগত, সেনাদলও সম্ভবত বিশৃঙ্খল—এইরূপ ধারণা হৃদয়ে পোষণা ক'রে মহা উৎসাহে নবাব আমাদের আক্রমণ ক'রতে আসছেন ?



শুনলেম প্রনষ্ট-গৌরব পুনরুদ্ধারের 'জন্তু নবাব সর্বস্ব পণ  
ক'রেছেন

শিবপন্থ ।—তুর্ভাগ্য ক্রমে আমাদের সর্বস্ব—মহারাষ্ট্র দেশের  
সর্বস্ব পেশোয়া মাধবরাও আজ কঠোর রোগে শয্যাগত ।  
আত্মমর্যাদা রক্ষার জন্তু ত্যায় আর ধর্মের জন্তু এই  
বিপন্ন অবস্থাতেও তাঁকে যুদ্ধ ঘোষণা ক'রতে হয়েছে ।

( মাধবরাও ও নারায়ণরাওয়ের প্রবেশ )

সকলে ।—এইযে পেশোয়া—পেশোয়া !

জনার্দন ।—পেশোয়া আপনি এখানে ? রোগ শয্যা পরিত্যাগ  
ক'রে সমর-সজ্জায় আপনি এই দুর্গ-চত্বরে ? একি আশ্চর্য্য  
পেশোয়া !

মাধব ।—পেশোয়ার পক্ষে এতো আশ্চর্য্য নয় জনার্দন । সমর  
সাগরে প্রাণতুল্য সন্তানদের ভাসিয়ে দিয়ে পেশোয়া  
কখনো নিশ্চিত্ত মনে প্রাসাদে থাকতে পারে ?

জনার্দন ।—তা জানি পেশোয়া, কিন্তু আপনি যে এখন পীড়িত  
রুগ্ন—

মাধব ।—জনার্দন ! গুহার দ্বারে আততায়ী শাদ্দুলের চীৎ-  
কার শুনে রুগ্ন সিংহ কখনো সেখানে স্থির হ'য়ে শুয়ে থাকে  
না ; সে তার সমস্ত শক্তি নিয়ে দৃপ্ত হ'য়ে উঠে প্রচণ্ড  
বেগে গুহার বাহিরে এসে শাদ্দুলকে সংগ্রাম দেয় । আজ  
মহীশূরের শের অহঙ্কারে উন্মত্ত হ'য়ে বজ্র গর্জনে সুপ্ত

সিংহের তন্দ্রা ছুটিয়ে দিয়েছে—সমরে তাকে বরণ  
ক'রেছে ; তাই সিংহ আজ সিংহ-বিক্রমে শাদ্দুল সন্ধানে  
ছুটে এসেছে !

( ঔষধপাত্র হস্তে সখারামের প্রবেশ )

সখারাম ।—পেশোয়া ! পেশোয়া ! আপনি এ অবস্থায় যুদ্ধে  
চলেছেন শুনে চিকিৎসকেরা অত্যন্ত শঙ্কিত হয়েছেন,  
অন্তঃপুরে হাহাকার উঠেছে !

মাধব ।—বটে ! কিন্তু সেই অন্তঃপুরের যিনি অধিশ্বরী, তিনি ত  
স্বহস্তে আমাকে এই সমর সজ্জায় সজ্জিত ক'রেছেন !  
সখারাম ! আমার অবর্তমানে নারায়ণ পুণায় থাকবে,  
তুমিও তোমার কর্তব্য পালন ক'রবে !

সখারাম ।—পেশোয়া অসুস্থ ; অনুগ্রহ ক'রে আমাকে সঙ্গে  
লিন !

মাধব ।—না ; জান তো আমার আদেশ ফেরে না !

সখারাম ।—তাঁহলে এই ঔষধটুকু পান করুন, রাজ-বৈজ্ঞ  
পাঠিয়েছেন !

( ঔষধ পাত্র প্রদান )

মাধব ।—এ ঔষধ এখন কি হবে সখারাম ? যে রোগ এখন  
আততায়ী, তার প্রতিকারের মহৌষধ এই তরবারি ! স্থির  
জেনো সেনানীগণ ! হায়দরআলির অহঙ্কার আমি এবার  
এই ভাবে চূর্ণ ক'রবো !

( ঔষধ পাত্র ভূতলে নিক্ষেপ পূর্বক বেগে প্রস্থান )

সকলে ।—পেশোয়ার জয় হোক ! [ প্রস্থান ।

( রমাবাঈ ও ইলার প্রবেশ )

ইলা ।—মহারানী-মা ! দেখতে পাচ্ছ, পেশোয়া শয্যা ছেড়ে যুদ্ধে  
চলেছেন দেখে সমস্ত দুর্গবাসী কি ভাবে মেতে উঠেছে ?

রমা ।—পীড়িত পেশোয়াকে সহস্রে যখন সমর-সজ্জায় সজ্জিত  
ক'রেছিলুম, তখন তৃপ্ত হয়েছিলুম, আর এখন দুর্গ-চত্বরে সমর  
যাত্রীদের উৎসাহ দেখে মুগ্ধ হ'য়েছি ইলা ! কাল শুনেছিলুম  
পেশোয়ার পীড়ার সংবাদে সমস্ত দুর্গ দুঃখে অবসন্ন, কিন্তু  
এখন দেখছি, চির নবীনতার অমৃত উৎসে অবগাহন ক'রে  
সমস্ত দুর্গ—যেন নবজীবনে সজোজাত শিশুর মতন  
প্রফুল্ল !

( সখারাম ও বৃদ্ধের ছদ্মবেশধারি কুকুমের প্রবেশ )

সখারাম ।—মা ! আপনি এখানে এসেছেন, ভালই হ'য়েছে  
এই বৃদ্ধটিকে নিয়ে আমি আপনার কাছেই যাচ্ছিলেম  
ইনি আপনাকে কি একটা খবর দেবেন !

রমা ।—উনি কে ? কি খবর দিতে চান ?

সখারাম ।—আমাকে ইনি সে কথা বলতে অনিচ্ছুক ! ( বৃদ্ধের  
প্রতি ) মশাই, ইনিই মহারানী ; আপনার কি বলবার  
আছে, এইবার বলুন !

কুকুম ।—আ—আ—আপনি ম-ম-মহারাণী ? তা—তা—  
তা—তা—জয় হোক আপনার !

রমা ।—আপনার কি বক্তব্য আছে বলুন !

কুকুম ।—আ—আমি আপনার ভা—ভা—ভা—ভাইএর কাছ  
থেকে আসছি !

রমা ।—কিজন্ত ?

কুকুম ।—সে-সে-সে-যে এখন ম-ম-ম-ম-মরানাপন্ন !

রমা ।—য়্যা—সেকি ! আপাজির কি হ'য়েছে ? সে কোথায় ? বল  
বল—এখন কেমন আছে ?

কুকুম ।—আ-আ-আ- আর কে—কে—কেমন আছে !

রমা ।—য়্যা বেঁচে আছেতো ? বল—সত্য বলো—বেঁচে আছে  
তো ?

কুকুম ।—তা-তা-তা-এখন ব-বলি কি ক'রে ? ব্যা-ব্যা-ব্যা-ব্যামো  
হ'য়ে আ-আ-আ-আমার বা-বা বাড়ীতে গিয়ে পড়ে ; ট্যা  
ট্যা-ট্যা-কে এক ক-ক-কড়ি ছি—ছি—ছিলনা । প-প-প-প-  
পরনে ট্যা—ট্যা—ট্যা ট্যানা-ছেঁ-ছেঁ—ছেঁড়া—কা-কা-কানি,  
না-না-না খেতে পেয়ে দে-দে-দেহ দড়ী পা-পা-পানা, সা-  
সা—সাত দিন আমার বা—বা—বাড়ীতে ধ—ধ—ধরা  
দিয়ে পড়ে রইল, ক—ক—কষ্টে—সেটে চা—চা—চার  
দিন—খা—খা—খাওয়ালুম, তি—তি—তিন দিন না—  
খাইয়ে রাখলুম—ত—ত—তবু নড়লনা, তা—তা—তা—

তাইতে আজ স—স—সকালে তা—তা—তাড়িয়ে দিতে  
গেলুম—

রমা ।—তিন দিন না খেতে দিয়ে তার পর তাড়িয়ে দিতে  
গেলে ! উঃ কি নিষ্ঠুর তুমি ! আমার কাছে কেন এলে না—  
আমি যে—

কুক্কুম ।—ত—ত—ত—তখন কি সে ব—ব—ব—ব'লেছিল যে  
তু—তু—তুমি তার বো—বো—বোন ? তা—তা—তা—  
তারপর—শো—শো—শোন, তা—তা—তা—তাড়িয়ে  
দিতে গেলে—কাঁ—কাঁ—কাঁদতে লাগলো ; প—প—  
পরিচয় দিলে, আরএই কা—কা—কাগজে—কি—কি—  
কি—লিখে—তো—তো—তোমার কাছে পাঠিয়ে দিলে ;  
( বস্ত্র খোঁট হইতে খুলিয়া ) এই না—না—নাও—

রমা ।—সখারাম ! পড়ো এখনি, এখনি পড়ে শোনাও—

সখা ।—(পত্র পাঠ) দিদি ! হতভাগ্য আপাজির জীবনের গনা  
দিন ফুরিয়ে এসেছে ! প্রদীপের পলতে খয়ে এসেছে,  
নিবতে আর দেরি নেই ! তাই আজ প্রায়শ্চিত্তের জন্ত  
প্রাণ অধীর হ'য়ে উঠেছে । যে চরণে অপরাধী, সেই চরণ  
এই অস্তিত্বে মস্তকে ধারণ ক'রতে চাই ! তবে এই প্রার্থনা,  
হতভাগ্য আপাজির হতভাগিনী ভগিনীর মতন দেখা দিতে  
এসো, রাগীর মতন এসো না ; তাহ'লে দেখা পাবে না !

তোমার অপরাধী ভাই 'আপাজি'

রমা ।—ভাই আমার ! অভিমানে অন্ধ হ'য়ে এইভাবে আত্মহত্যা  
ক'রতে ব'সেছ ! ভাইয়ের উপর বোনের অভিমান সম্পদে,  
বিপদে নয় ! বৃদ্ধ আমার সঙ্গে এসো, রাণীর আবরণ  
ত্যাগ ক'রে—ভিখারী আপাজির ভিখারিণী বোন হ'য়ে  
তোমার আলয়ে যাবো, আমার সঙ্গে এসো ।

সখা ।—মা একা যাবে কেন ? আমাদেরও তাহ'লে সঙ্গে নিয়ে  
চলো মা—

রমা ।—না—না, ভাই তাহ'লে আমার ওপর অভিমান ক'রবে,  
তাহ'লে হয়তো দেখা ক'রবে না, অভিমানে একেবারে  
পালিয়ে যাবে ; আমি যে ভিখারিণী সেজে ভাইকে দেখতে  
যাচ্ছি—সখারাম ! স্নেহ আর প্রীতি এখন আমার সঙ্গের  
সাথী, মানুষ নয় ! এসো বৃদ্ধ ! [ রমা ও কুকুমের প্রস্থান ]

সখা ।—রাণী আত্মস্নেহে অন্ধ হ'য়ে একলা যেতে চাচ্ছেন !  
আমার মতে এটা সঙ্গত নয় ! আমরা ছুজনেই দূরে দূরে  
থেকে রাণীর অনুসরণ ক'রবো !

ইলা ।—সেই ভালো !

সখা ।—সব ভাল, যার শেষ ভাল, তুমি তাহ'লে অন্তর মহলে  
গিয়ে, রাণীর গতিবিধি লক্ষ্য করো, আমি বাইরে তোমার  
প্রতীক্ষায় রইলেম !

[ উভয়ের উভয় দিকে প্রস্থান ]

## তৃতীয় গর্ভাঙ্ক ।

—•—

পুণা—উপকণ্ঠ ; ভগ্নগৃহ । কাল—সন্ধ্যা ।

খাটিয়ার উপর বস্ত্রাচ্ছাদিত আপাজি শায়িত ।

( কুস্কুম ও রমার প্রবেশ । )

রমা ।—কই বৃদ্ধ, কোথায় আপাজি ?

কুস্কুম ।—ও—ও—ও—ওইয়ে খা—খা—খা—খাটিয়ায় ; বু—  
বুঝি ম'রে গেছে ।

রমা ।—য়্যা—আপাজি—আপাজি—আপাজি—

( খাটিয়ায় উপবেশন ও বস্ত্র উন্মোচন । )

আপা ।—য়্যা—কে—কে তুমি ! ওঃ দিদি—দিদি, এসেছ দিদি—

রমা ।—আপাজি, ভাই ! কেমন আছ, বল্ ভাই ভাল আছ—

আপা ।—হাঁ দিদি ভাল আছি, খুব ভাল আছি, তোমাকে দেখেই  
বেঁচে উঠেছি—এই দেখো উঠতে পাচ্ছি, একটু আগে দিদি  
লোহার ছিকলী নিজের গলায় বেঁধে মরতে যাচ্ছিলেন ;  
এখন—এখন দিদি, এই ছিকলী ( সহসা খাটিয়ার সহিত  
রমাবাস্ত্রের উভয় হস্তে শৃঙ্খল জড়াইয়া ) .এমনি কু'রে  
তোমার হাত জড়িয়ে দিয়ে আমি একদম শান্তি পাচ্ছি !  
কেমন দিদি, কেমন শান্তি ! লোহার শিকলি হাতে জড়িয়ে  
কেমন শান্তি পাচ্ছ দিদি ? এই শিকলি আমার হাতে  
জড়িয়ে দিয়ে ভারি মজা পেয়েছিলে খুব, বাহোবা নিয়েছিলে,

এখন কেমন মজা—লোহার শৃঙ্খল হাতে বাঁধলে কত আমোদ, তা এখন টের পাচ্ছ দিদি ? আমিও একদিন এমনই আমোদ পেয়েছিলাম, খুব আনন্দ ক'রেছিলাম—  
তুমিও আজ আনন্দ কর দিদি !

রমা ।—আপাজি ! সত্যই—আমি এখন আনন্দে আত্মহারা,  
তুমি রুগ্ন—মরণাপন্ন শুনে, শোকাতুরা হ'য়ে পার্গলিনীর  
মতন, এখানে ছুটে এসেছি ; অবার যে তোমাকে এই ভাবে  
দেখতে পাবো—তারও আশা বুঝি ক'রতে সাহস পাইনি,  
বুক চেঁপে ধ'রে রুদ্ধ নিশ্বাসে এইজীর্ণ কক্ষে প্রবেশ ক'রেছি ;  
তাই তোমাকে জীবন্ত দেখে, তোমার পিশাচ-লীলার বিকাশ  
দেখেও আমি আনন্দে আত্মহারা হ'য়েছি !

আপা ।—বটে ! বন্দিনী হ'য়েও আনন্দে আত্মহারা হ'য়েছ  
তুমি ? ভাল ভাল এ একটা নূতন রকমের বীরত্ব বটে !  
কিন্তু দিদি এ আনন্দটা একা—একা তোমার ভোগ ক'রলে  
চলবে কেন ? আমি হ'চ্ছি তোমার ভাই, আমিও যাতে  
আনন্দ পাই, তার একটু ব্যবস্থাও তোমাকে ক'রে দিতে  
হবে, জানোতো তুমি, আমি সেই ইলা ছুড়িটাকে বড়  
ভালবাসি, এখন তাকে আমার চাই !—

রমা ।—সংসারে ভগিনী নির্বুদ্ধি ভাইকে চির দিনই কর্তব্য  
শিক্ষা দিয়ে থাকে ; ভাইয়ের জন্ত বোন মরতে পারে, কিন্তু  
তার কুকর্মে সাহায্য করেনা !



আপা।—কিন্তু অবস্থা বিশেষ ভাই বোনের সাহায্যে অসাধ্য সাধন করে ; তুমি যদি ইলাকে এখানে না আনিয়ে দাও, তা'হলে আমি তোমাকে এইদণ্ডে বেদনুরে আনন্দীবাস্ত্রের কাছে পাঠিয়ে দোব, আনন্দীবাস্ত্র তোমাকে মহিশুরে হায়দর আলির কাছে পাঠাবে ; তার ফলে হায়দরআলি বিনা যুদ্ধে জয়ী হবে আর পুণার সিংহাসন আনন্দীবাস্ত্রকে ছেড়ে দেবে, বুঝেছ ?

রমা।—আমাকে হায়দর আলির কাছে বন্দিনী করে পাঠালে যদি আমার ভ্রাতার পৌরুষবুদ্ধি হয়—তাতে আমার আর আপত্তি কি ! আমি আজ ভাইয়ের সংসারে ভাইয়ের অধীনে, এখন আমার সম্বল শুধু স্নেহ আর প্রীতি, আর কিছু নেই !

আপাজি।—বাস ! তবে আর কথা নেই ! বেরিয়ে এসো সকলে !  
(খাটিয়ায় নিম্ন হইতে চারিজন প্রহরীর আবির্ভাব) কুকুম !  
পরচুল খুলে ফেলো তাহ'লে, আর লজ্জা কিসের ?

কুকুম।—না—লজ্জা আবার কি ! (শক্র গুণ্ফত্যাগ) আমি কে জান রাণী ? কুকুম তান্ত্রিয়া, তোমার চির শত্রু !

আপা।—বাইরে শিবিকা প্রস্তুত আছে, এই রমনীকে সেই শিবিকায় তুলে বেদনুরে নিয়ে যাও !

(সখারাম ও ইলার প্রবেশ)

সখা।—দাঁড়াও সকলে ! মায়ের গায়ে হাত দিয়ো না, আপাজি-

রাও ! এখনি মায়ের বন্ধন খুলে দাও, আমি তোমার অভিল্য পূর্ণ করতে এসেছি; আমার সহধর্মিনী ইলাকে তোমার হাতে সঁপে দিতে এসেছি : তুমি মায়ের বন্ধন খুলে দাও—

কুঙ্কুদ :—বাহোবা—দাবাস !

আপাজি ।—ভালা মোর ভাইরে ! আমার সোনারটাঁদকে এনেছো তাহ'লে ? আরে কই কই—পেছলে কেন সোনা-মণি ! এগিয়ে এসো—এগিয়ে এসো—টাঁদবদনী !

রমা ।—সখারাম—

সখারাম ।—ক্ষমা করো জননী, এখানে তো তুমি রাগী নও, তবে কেন আমাদের আচরণে কুণ্ঠিত হচ্ছ ; বাধা দিওনা মা, শুনতে পারবো না ! আপাজিরাও ! মাকে আগে মুক্ত ক'রে দাও—

আপাজি ।—আগে তোমার প্রাণের পাখীটিকে আমার হাতে সঁপে দাও ; তুমি ওকে আমার হাতে হাসিমুখে তুলে দিলে তবে আমি তোমার মায়ের বন্ধন খুলে দোব বুঝলে ?

সখা ।—ইলা—ইলা—সহধর্মিনী আমার ! স্বামীর ধর্ম-পালনে সহায় হও ; মায়ের সম্মান রক্ষার জন্য আমি এখন সর্বস্ব ত্যাগে প্রস্তুত ; আমার যিনি মা, তিনি তোমার মা, এ মায়ের কৃপায় অনেকবার তোমার-আমার মর্যাদা রক্ষা হয়েছে, আজ সেই মর্যাদাময়ী জননীর মর্যাদা রক্ষা করতে ধর্ম সাক্ষ্য করে অন্তের হাতে তোমাকে সমর্পণ করবো, সাহসে বুকটা বেঁধে ফেলো, বড়ই কঠোর সমস্যা এখন।

রমা।—সখারাম ! অন্নের হস্তে পত্নীকে সমর্পণ ! কাপুরুষের  
লক্ষণ ; ধর্মাচরণ নয়—

সখা।—কিন্তু মা ! এ ত্যাগের সাক্ষী ধর্ম স্বয়ং ; নগণ্য ইলার  
আত্মসমর্পণে শুধু তোমার চক্ষে জল ঝরবে জননী, আত্মীয়  
স্বজন হীন সখারামের তাতে কোনো ক্ষতি হবেনা ;—কিন্তু  
~~তুমি~~—বোলতেও জিহ্বায় জড়তা আসে—হায়দারআলির  
কাছে গেলে যে—পেশোয়ার মুকুটে কলঙ্কের ছাপ লাগবে—  
এ জাতি যে আর কখনো উঠবে না ;—এসো ইলা—

রমা।—ইলা—ইলা,—সখারাম পাগল হ'য়েছে ; মারাঠা ব্রাহ্ম-  
ণের কণ্ঠা তুমি, পাগল হয়োনা মা—ফিরে দাঁড়াও—

ইলা।—দাঁড়াবার আর স্থান কোথায় জননী ; স্বামীই যে  
সতীর সর্বস্ব মা, স্বামীর আদেশে ধর্ম সাক্ষ্য ক'রে আমি  
তোমার নিগ্রহকারীকে আত্মদান ক'রতে চলেছি, বাধা  
কেমন ক'রে মানব মা !

রমা।—রাণীর আদেশ শুনবে না ?

সখা।—তুমিতো এখানে রাণী নও মা—আদেশ এখন খাটবে  
না—আপাজিরাও ! এই নাও—এই নাও—আমার ইলাকে  
তোমার হাতে তুলে দিচ্ছি নাও—আজ থেকে ইলা  
তোমার । ( সমর্পণ । )

আপা।—বাস বাজিমাৎ ! কেমন ইলা আজ থেকে তুমি তো  
আমার ?

ইলা ।—হাঁ আমি তোমার ! কিন্তু মাকে কেন এখনও মুক্ত  
ক'রে দিচ্ছে না ?

আপা ।—কুসুম ! এঁদের মাকে তাহ'লে আর মহীশূরে পাঠিয়ে  
কাজ নেই—বেদনুরেই পাঠিয়ে দাও—

ইলা ।—( সবেগে হাত ছাড়াইয়া ) কোথায় পাঠাবে ষ'ল্লে তুমি ?

সখা ।—আপাজিরাও ! সুখের কথা মাটি করো না, মাকে আমি  
নিজে মুক্ত ক'রে দোব ।

আপা ।—শোন হবে, মুক্ত করবার ভণ্ড একে এখানে আনা  
হরনি, বেদনুরে পাঠাবার জন্যই এখানে আনা হয়েছে ;  
দেখতে পাচ্ছ না এরা সব রাণী আনন্দীবাঈএর বরকন্দাজ !  
আর ইলাকে যখন ভ্যাগ ক'রে আমার হাতে দিয়ে  
ফেলেছো, শুখন তো আর ফিরিয়ে নিতে পাচ্ছ না যাছ ?

সখা ।—ওঃ—পিশাচ—পিশাচ—প্রত্যক্ষ পিশাচ !

আপা ।—প্রিয়তমে ভাবছো কি ?

ইলা ।—( আপাজির কোমরবন্ধ ছইতে তরবারী কাড়িয়া  
লইয়া ) পিশাচ ! আমি তোকে এই দণ্ডে—

কুসুম ।—হুঁ সিয়ার আপাজি !

আপা ।—( সলঙ্কে সরিয়া আসিয়া ) কেড়ে নাও তলোয়ার !

ইলা ।—কার সাধ্য তলোয়ার কাড়ে ! আমি এখন রাক্ষসী !  
আমি এখন রাক্ষসী !

[ বেগে আপাজিকে আক্রমণ ও আঘাত ।

আপাজি ।—ওঃ রাক্ষসী ! খুন ক'রেছে আমাকে ! মারো ওকে !

প্রহরীগণ মারো—মারো—

সখা ।—( কুক্কুমের হস্ত হইতে সবেগে লাঠি ছিনাইয়া লইয়া )

আয়—কে কাকে মারে দেখি ! মরিয়্যা হ'য়েছি আজ—মরিয়্যা হ'য়েছি ।

আপাজি ও কুক্কুমকে প্রহার ও কুক্কুমের পতন )

আপা ।—তলোয়ার—তলোয়ার—ঢালাও—

( সখারাম ও ইলার প্রহারে দুইজন প্রহরীর পতন । )

ওঃ সর্বনাশ হ'লো দেখছি—সব কেসে গেলো ! ওঃ

ছুঁড়িটাও গেল যে ! কুক্কুম—কুক্কুম—একি ! মাথা ছুঁড়াক

হ'য়ে গেছে ! ওঃ আমারও সর্বশরীর রক্তে ভেসে

যাচ্ছে ! রক্ষা পাওয়াই এখন দায় । ( প্রহরীদের প্রতি )

তোরা বেঁচেছিস—পালিয়ে আয়, এখনি পালিয়ে আয়;

নইলে আমাদেরও এই দশা হবে ॥

প্রহরীদ্বয় ।—বাবা, আবার এখানে ! ( বেগে প্রস্থান )

সখা ।—( খাটিয়া সহ আবদ্ধ হস্ত খুনিবার ব্যর্থ প্রয়াস ) সখারাম

সখারাম, ইলা ! আমার আদেশ না শুনে এখানে এসে এই

ভাবে জীবনের খেলা শেষ করলে ?

সখা ।—মা ! মা ! কই মা ! কোথায় মা তুই ! ওঃ এখনো এখনো

তেমনি বাঁধা আছিল ! দাঁড়া মা, খুলে দিচ্ছি, আর বুঝি

বাঁধা দিতে কেউ নেই ( উঠিবার ব্যর্থ চেষ্টা )

ইলা ।—উঠতে পারছনা বুঝি—আমার হাতটা ধরো দেখি,

আমার পায়ে—এখনো একটু শক্তি আছে, এই হাত নাও—

রমা ।—না—না—উঠোনা—উঠোনা সখারাম—

সখা ।—( ইলার সাহায্যে উঠিতে উঠিতে ) একবার উঠি মা, এই

ওঠাই শেষ ; তারপর—তারপর ওই রাঙাপায়ের তলায়

শোবো—সেই শোরার সঙ্গে সঙ্গে সব শেষ হুবু মা,

( উঠিয়া ধীরে ধীরে গমন ) মা ! মা ! আয় মা ! ( কষ্টে

রমার বন্ধন মোচন )

ইলা—।—হ'য়েছে মা ! আমাদের কাজ শেষ হ'য়েছে—

সখা ।—কাজ তো এখনো শেষ হয়নি ইলা—মা একলা যাবে

কি করে ? কি হবে মা ! আমি যে আর দাঁড়াতে

পাচ্ছি না ওঃ ( পতন )

রমা ।—সখারাম ! সখারাম ! এই আমার গৃহ, আমি আর

যাব না, তোমাদের দুজনকে নিয়ে এইখানে থাকবো—

প্রাণপণে তোমাদের সেবা ক'রবো—

ইলা ।—আর কার সেবা ক'রবে মা ? বুঝি সব শেষ হ'য়ে

গেলো, আমিও যে আর দাঁড়াতে পাচ্ছি না মা ! ওঃ

( পতন )

রমা ।—সখারাম ! সখারাম !

ইলা ।—স্বামী ! রাণী ডাকছে গুনতে পাচ্ছ কি ?

সখা ।—মা—মা—আ—আ—আ ও নারায়ণ—

ইলা ।—প্রভু ! প্রভু ! চিরসঙ্গিনী তোমার সঙ্গেই চললো । মা !  
 মা ! ঘরে যাও, আর কথা—মা ! ওঃ বি—ফু বি—ঠ—বা—  
 রমা ।—নারায়ণ ! নারায়ণ ! মহাত্যাগের এই মহা পুরস্কার !  
 স্নেহ আর প্রীতি নিয়ে ভাইকে রক্ষা কর্তে এসেছিলুম,  
 শক্তি তাই সুযোগ পেয়ে বাদী হয়, তারপর ভক্তির অভ্যা-  
 সয়—ফলে তারই বিজয় !

## চতুর্থ গর্ভাঙ্ক ।

—:~:—

শ্রীরঙ্গপটম উদ্যান ; বাটীকার অলিন্দ । কাল—রাত্রি ।

( টিপুসুলতানের প্রবেশ )

টিপু ।—জোবেদী আমার প্রেমের অমর্যাদা ক'রেছে—আমার  
 প্রদত্ত প্রাণতুল্য সওগাদ সয়তান গোলাম কাদরের হাতে  
 নির্ভয়ে অর্পণ ক'রেছে, এও কি কখনও সম্ভব হ'তে পারে !  
 জোবেদী যে আমাকে পীরের চেয়েও শ্রদ্ধা করে—প্রাণের  
 চেয়েও ভালবাসে—সেকি কখনো অবিশ্বাসিনী হ'তে পারে ?  
 নিশ্চয়ই এ সংবাদ মিথ্যা—এর কোনো ভিত্তিই নেই ! কিন্তু  
 কথা এই—ফয়জল তাহ'লে এ মিথ্যা সংবাদ দেবে কেন ?  
 সে গোলামের হাতে জোবেদীর সওগাদ দেখেছে—



জোবেদীর প্রেমপত্রও গোলাম তাকে শুনিয়েছে—আমাকে ব'লতে ব'লে দিয়েছে ! ফয়জল যতই দুর্বলচেতা হোক না কেন, সে আমার কাছে কখন মিথ্যা বলবেনা ! আর যা রটে, সর্ব্বাংশে তা মিথ্যা হয় না ;—গোলামও যে জোবেদীর নামে এমন মিথ্যা অপবাদ রটাতে সাহস ক'রবে, আমার তা বিশ্বাস হয় না,—কারণ সেও টিপুসুলতানকে বিক্রমণ চেনে ! এখন জোবেদীকে জিজ্ঞাসা না করে কোনো সিদ্ধান্তে উপনীত হওয়া অসম্ভব ! আমার সওগাদ জোবেদীর নিত্যসহচর, যদি তা তার কাছে না পাই, তখন—  
থাক্—এই যে এসেছে !

( জোবেদীর প্রবেশ )

এসো জোবেদী,—তোমার জন্ত আমি অলিন্দেই প্রতীক্ষা ক'রছি !

জোবেদী ।—আমি কিন্তু তোমার ব্যবহার দেখে অবাক হ'য়েছি  
সুলতান !

টিপু ।—আমার ব্যবহারটা—কি এমন অশ্রায় হ'য়েছে জোবেদী ?

জোবেদী ।—এই রাত্রে প্রাসাদ থেকে এখানে আসা কি রকম  
সঙ্কটজনক, তা তুমি জাননা কি ? একে তো আমাদের  
হুজনের উপর নবাব তুষ্ট নন ! তুমি আমাকে বিবাহ কর  
এও বোধ হয় তাঁর ইচ্ছা নয় ; এ অবস্থায় এখানে আমাদের  
হুজনকে দেখলে নবাব রক্ষা রাখবেন কি ?



টিপু।—আমি তোমাকে ভালবাসি, তোমাকে বিবাহ ক'রতে একান্ত ইচ্ছুক আমি ! এ কথা নবাব অবশ্য জানেন ; সুতরাং আমাদের দুজনকে একত্র দেখলে তিনি এমন কি ভয়ঙ্কর কাণ্ড ঘটাবেন—আমি তো তা বুঝতে পারিনি !

জোবেদী।—তাইলে তুমি পুত্র হয়েও নবাবের প্রকৃতি এখনো বুঝতে পারনি সুলতান ! যে কর্তব্যে অবহেলা করে, নবাব তাকে দুঃমন বলে মনে করে ! নবাবের ধারণা, প্রেমের খাতিরে তুমি কর্তব্য ভুলে যাও, আর গোলামকাদের কর্তব্যের জন্য প্রাণের খাতির রাখে না ; তাই আজ গোলামের এত আদর, এ রাজ্যে তোমার চেয়েও তার কদর বেশী ; হয়ত কালে গোলামই এ রাজ্যের মালিক হবে !

টিপু।—( স্বগতঃ ) হুঁ, এতক্ষণে সব বোঝা গেল ! আমার চেয়ে গোলামের প্রতিপত্তি দেখে—জোবেদী এখন তারই পক্ষপাতী ; তবে তো ফয়জলের উক্তি মিথ্যা নয় ! ( প্রকাশ্যে ) ওঃ তাই নাকি ! গোলাম এ রাজ্যে মালিক হবে বটে ! তা এ খোসখবরটা কোথায় পেয়েছ জোবেদী ? গোলামই বলেছে বোধ হয় ?

জোবেদী।—গোলাম বলবে কেন ? সবাই তো একথা বলেছে, তুমি চোখ বুজিয়ে আছ, তাই দেখতে পাচ্ছনা ! কানে তুলো দিয়ে রেখেছো, তাই কিছু শুনতে পাচ্ছ না, তুমি

এখন বীরধর্ম বিসর্জন দিয়ে প্রেমের মন্দিরে এসে তাঁরই উপাসনায় মত্ত হ'য়েছ ! গোলাম কিন্তু বীরের মতন দিবা-রাত্রি নবাবের কার্য্য ক'রছে—নবাবের হুকুম নিয়ে—সমস্ত নবাবী সৈন্যকে বশীভূত ক'রেছে—নবাবও ক্রমেই তার বাঁধ্য হ'য়ে প'ড়ছেন ! আর তুমি এই প্রমোদ উচ্চানে প্রেমের তুফানে ভেসে চলেছ ! একদিন তোমার বীরত্বের অস্বীকৃত্ত্ব বাড়াবাড়ি দেখে আমি যেমন ভয় পেয়েছিলুম, আজ আবার প্রেমের সাগরে তোমার অবগাহনের বহর দেখে—তেমনই লজ্জা গাচ্ছি !

টিপু ।—ওঃ তাই বুঝি এখন লজ্জাবতী লতার মতন গোলামের শ্রীচরণ জড়িয়ে ধ'রেছ জোবেদী ?

জোবেদী ।—সুলতান ! তোমার মুখে এমন নিষ্ঠুর পরিহাস আর তো কখনো শুনিনি !

টিপু ।—আমিও জোবেদী তোমার আচরণে প্রাণে যেমন দাগা পেয়েছি—তেমন দাগা জীবনে কখন পাইনি !

জোবেদী ।—সুলতান ! আমার কথাগুলো নিতান্ত অপ্রিয়, কিন্তু অত্যন্ত সত্য—

টিপু ।—আর তোমার অনুষ্ঠিত কার্য্য এমন ভয়ঙ্কর তিক্ত, যে ব্যক্ত করতেও রসনা কুঞ্চিত হয় !

জোবেদী ।—আমি এমন কি অত্যাচার কার্য্য ক'রেছি সুলতান ?

টিপু ।—বিশেষ কিছু নয়—তবে আমার বুকের শিরাগুলো

ছিঁড়ে দিয়েছে—মেরুদণ্ড ভেঙ্গে চূর্ণ ক'রে ফেলেছো !  
আমার প্রাণতুল্য প্রণয়সওগাদ তোমার হৃদয়ের সঙ্গে  
গোলামকে অর্পণ ক'রেছে ; আমার প্রণয়ে বজ্রাঘাত ক'রে  
পরের চরণে আত্মসমর্পণ ক'রেছ !

জোবেদী ।—য়্যা ! না—না—মিথ্যা কথা !

টিপু ।—তোমার প্রেমের সওগাদ গোলামের বক্ষে আশ্রয় নিয়ে  
অকাট্য প্রমাণ দিয়েছে ! যদি মিথ্যা বলতে চাও—আম্বার  
সওগাদ আমাকে দেখাও !

জোবেদী ।—সুলতান ! সুলতান ! আমাকে ক্ষমা কর, তোমার  
সন্দেহ হয় তো আশ্চর্য্য নয়, কেননা সে সওগাদ আমার  
প্রাণের চেয়েও প্রিয়—সেই সওগাদ আর আমার কাছে  
নেই—আমি তা হারিয়ে ফেলেছি—কিন্তু খোদা সাক্ষী,  
আমি তা খয়রাৎ করিনি—আমি তা কাউকে দিইনি—  
আমি তোমার প্রেমের অমর্যাদা করিনি ।

টিপু ।—না, তুমি আমার প্রেমের অমর্যাদা করনি ! তরে  
আম্বার উন্মেষিত যৌবনের খরপ্রবাহী প্রেমস্রোত রুদ্ধ  
ক'রে দিয়ে জীবনের আদর্শ, প্রাণের বাসনা, পর্বত  
তুল্য উন্নত আশা কামনা সমস্ত—চিরজীবনের মত, চূর্ণ  
ক'রে দিলে । হায়, এ নবীন জীবনে—কেন এমন ভীষণ  
বজ্রাঘাত !

জোবেদী ।—সুলতান ! সুলতান ! সর্বনাশ—ওকি ! নবাব যে !

ওঃ খোদা—বিপদের উপর বিপদ এনে ফেললে ! আত্ম-  
সমর্থনের সময়ও বুঝি পেলুম না !

( হায়দরআলি ও গোলামকাদেরের প্রবেশ )

হায়দর ।—টিপু ! মহারাষ্ট্র-সেনা কৃষ্ণনদী পার হ'য়েছে ; রুগ্ন  
পেশোয়া স্বয়ং যুদ্ধ ক'রতে আসছে ! আর তুমি আমার  
সবল পুত্র—আমার সাম্রাজ্য রক্ষায় উদাসীন হ'য়ে—  
শ্রমোদ-উত্থানে পরম সুখে দিন কাটাচ্ছ ! জোবেদী !  
তুমি আমার অন্তরমহল ছেড়ে কার জুকুমে এই উত্থান-  
ভবনে এসেছ ?

জোবেদী ।—জাঁহাপানা ! আমাকে ক্ষমা করুন ; আমি—

হায়দর ।—বুঝেছি—কিন্তু তোমাকে আমি কঠিন শাস্তি দোক  
জোবেদী ! টিপু ! এই রাত্রেই যুদ্ধশয্যায় সজ্জিত হ'য়ে  
তোমাকে যুদ্ধে যেতে হবে !

টিপু ।—কোথায় যেতে হবে আদেশ করুন ! আমি জানতেম,  
র্তমান যুদ্ধে আমাকে আবশ্যিক হবে না, তাই নিশ্চিত  
ছিলেম ! কিন্তু জাঁহাপনার আদেশ পালনে আমি সর্বদাই  
প্রস্তুত ; আমাকে কোথায় যেতে হবে আদেশ করুন !

হায়দর ।—গোলামকাদের তোমাকে যেখানে যাবার জন্য  
আদেশ ক'রবেন !

টিপু ।—আমাকে কি তাহ'লে গোলামকাদেরের অধীনে যুদ্ধ  
ক'রতে হবে ?

—হায়দর।—হাঁ;—আশ্চর্য্য হ'চ্ছ যে ! এতে আশ্চর্য্য হবার কিছুই  
নেই ; গোলাম এ যুদ্ধের সেনাপতি ।

টিপু।—গোলামের অধীনে যুদ্ধ ক'রতে আমি অনিচ্ছুক !

হায়দর।—এ তোমার ইচ্ছা নয় টিপু—আমার আদেশ ; হায়দর  
আলির আদেশ পালনে যে আপত্তি করে ; তার কি দণ্ড—  
—তী বোধ হয় তোমার অবিদিত নেই !

টিপু।—এ যদি আপনার আদেশ হয় পিতা—তাহ'লে আমার  
আপত্তি করা বৃথা ! সংসারে আপনাকেই আমি খোদা ব'লে  
জানি ; আপনার আদেশ—আমার কাছে কোরাণের বয়েদ !  
আপনার আদেশ হ'লে—গোলাম কেন, আমি ফয়জলেরও  
অধীন হ'তে প্রস্তুত আছি !

হায়দর।—তুমি এখনি আমার সঙ্গে চলো, তোমার সঙ্গে আমার  
অন্য কথা আছে ! গোলাম ! স্মরণ থাকে যেন, তিন ঘণ্টার  
মধ্যে সীমাপ্রান্তে আমি সমস্ত সৈন্য উপস্থিত দেখতে চাই !  
( গোলামের হস্তে এক খণ্ড রক্তবর্ণ কাগজ অর্পণ ) এম্বে  
টিপু !

[ হায়দর ও টিপুর প্রস্থান।

গোলাম।—কি জোবেদী বিবি ! ভাবছ কি ! মুলতান টিপুতো।

এখন আমার গোলাম !

জোবেদী।—সেনাপতি ! আমি আপনার কাছে একটি জিনিস  
ভিক্ষা চাচ্ছি !

গোলাম ।—ভিক্ষা চাচ্ছ । কি ভিক্ষা চাও তুমি জোবেদী ! 'তুমি

ভিক্ষা চাইলে আমি কি না দিতে পারি ?

জোবেদী ।—সেদিন আপনার সঙ্গে যখন আমার বচসা হয়, সে

সময় আমি একখানি রুমাল সেখানে ফেলে গিয়েছিলুম ;

সেখানি যে আপনি পেয়েছেন, তাতে সন্দেহ নেই ; কেন

না—তার একটু পরেই আমি সে কক্ষে এসেছিলুম ; কিন্তু

রুমালখানি পাইনি ! আপনি দয়া ক'রে সেইখানি আমাকে

ফিরিয়ে দিন ; এই আমার ভিক্ষা !

গোলাম ।—বাহবা ! এ তুমি কি বলছ জোবেদী ? তোমার মাথা

গুলিয়ে গেছে নাকি ? সে রুমাল তো আমাকে—আমার

প্রতি তোমার প্রাণভরা ভালবাসার চিহ্ন বলে সওগাদ

ফিরিয়ে দিয়েছিলে ! এখন আবার নিতে চাচ্ছ ? আমার

প্রতি তোমার ভালবাসাও ভুলে যাচ্ছ নাকি ?

জোবেদী ।—গোলামকাদের !

গোলাম ।—আমি তোমার ভালবাসার গোলাম প্রিয়তমে !

জোবেদী ।—তুই সয়তান—প্রকৃত সয়তান—

গোলাম ।—আর তুই তাহ'লে এই সয়তানেরই বাঁদি ! তোর

মৃত্যুবাণ হস্তগত ক'রে—টিপুর সঙ্গে তোর বিচ্ছেদ ঘটিয়েছি,

আবার তুই টিপুকে নষ্ট ক'রছিস—নবাবের মনে এই ধারণা

বন্ধমূল ক'রে দিয়ে—তোকে নন্দীছর্গে বন্দি ক'রে রাখ-

বার হুকুমনামা আদায় ক'রেছি ! সেইখানে তোর দর্শ

চূর্ণ ক'রবো,—তুই এখন আমারই আয়ত্তের মধ্যে ! কই  
শ্যায় !

( দুইজন প্রহরীর প্রবেশ )

প্রহরীদ্বয় ।—হুজুর !

গোলাম ।—এই বাঁদীকে নন্দীতুর্গে নিয়ে যাও !

জোবেদী ।—কার সাধ্য আমাকে নিয়ে যায় ! আমি এখন  
থেকে এক পাও ন'ড়ছি না !

গোলাম ।—এই দেখ,—নবাব হায়দরআলির পরোয়ানা !

জোবেদী ।—( কাঁপিতে কাঁপিতে ) খোদা ! খোদা ! আমার  
অদৃষ্টের এই পরিণাম !

গোলাম ।—নিয়ে যাও একে !

প্রহরীদ্বয় ।—চল বিবি !

[ প্রস্থান !

## পঞ্চম গর্ভাঙ্ক ।

অন্নবেত্তি—রণস্থল ! কাল—অপরাত্ন !

( ফয়জলের প্রবেশ )

ফয়জল ।—গুড়ুম—গুড়ুম—গুড়ুম ! বাবা ! ভোর পাঁচটা থেকে  
সেই যে আরম্ভ হ'য়েছে—এখন পর্য্যন্ত সমান ভাবে চ'লে  
আসছে ! মারাঠা বেটারা তোপখানাটা ভারি জ্বর ক'রে



বানিয়েছে; আটদশ ঘণ্টা ধরে বৃষ্টির মতন তোপ চালাতে  
 লেগেছে! আমাদের ফৌজরাও লড়াই দিচ্ছে অন্দ নয়,  
 কিন্তু ভাবে বোঝা যাচ্ছে গোলামসাহেব এবার সুলতান-  
 সাহেবের ওপর একহাত নেবে! গোলাম আজ সরদার  
 সেনাপতি কিনা—তাই দূরপাল ক’সেই দিন কাটাচ্ছে,  
 আর সুলতান আজ সামান্য সেনানী—তাই যেনু ~~কোপে~~  
 উঠে যুদ্ধ ক’রছেন! সুলতানের সাহস দেখে শত্রু পর্যন্ত  
 অবাক হ’য়েছে—সুলতানের জন্মই তারা এগোতে পাচ্ছে  
 না; গোলামসাহেব আজ সুলতানের সঙ্গে বেশী সৈন্য  
 দিতে নারাজ! তাইতো বলছি—আজ গোলাম এক-  
 হাত নেবে। জোবেদীর রুমাল হাতে ক’রে প্রেমের  
 বাজারে একহাত নিয়েছে—আজ এ বাজারেও দিব্যি চাল  
 চলেছে! সুলতান সব বুঝেছে—বুঝেও কিন্তু ঝাঁজ সাম-  
 লাতে পারছেন—একটা যে কিছু কাণ্ড ক’রবে, এটা বেশ  
 বোঝা যাচ্ছে! ( মিকটে জ্বলন্ত গোলা পতন । ) ও বাবা:  
 এদিকেও যে গোলা গুলি আসছে দেখতে পাচ্ছি—  
 তাইলে তো এখার থেকে স’রতে হ’চ্ছে! ওই যে সুলতান  
 সাহেবও হাজির; লড়াই তাইলে এবার এখারেই জাঁকাল  
 দেখাচ্ছি!

( টিপু ও সৈন্যগণের প্রবেশ )

টিপু ।—সৈন্যগণ! সন্ধ্যা হ’তে আর বিলম্ব নেই, সন্ধ্যা পর্যন্ত



যেমন ক'রেই হোক প্রচণ্ড শত্রুবাহিনীর প্রবল গতি প্রতিরোধ করা চাই ! শত্রুসৈন্যের আক্রমণ মহাবিক্রমে পুনঃপুনঃ নিবারণ ক'রছো—আরো কিছুক্ষণ এই বিক্রম অক্ষুণ্ণ রেখে অটল অস্ত্রের মতন এই স্থানে স্থির হ'য়ে থাকো ! ওই দেখ অস্তমিত সূর্য্য গোধূলি-ললাটে কম্পিত-কর শিখরের ফোঁটা পরিয়ে দিচ্ছে—আর বিলম্ব নাই—রণশ্রান্ত পৃথিবীকে বিশ্রামের কোলে ছুঁলে দিতে—আকাশ থেকে এখনি সন্ধ্যা মর্ত্যে নেবে আসবে ;—যদি এই স্থানে এসে এইভাবে আমাদের দর্শন পায়—তাহ'লেই, আমাদের বিজয়—অন্যথায় পতন নিশ্চয় ! আজ এই সময় শত্রু যদি এই স্থানে প্রবেশ করবার অবকাশ পায়, তাহ'লে নিশ্চয় জেনো সৈন্যগণ—নবাব হায়দরআলির সাম্রাজ্য মধ্যে ওই যে সূর্য্য অস্তমিত হ'চ্ছে—তা চিরঅস্ত যাবে—আর উঠবে না ; মহীশূরের অর্ধচন্দ্র—সুগার ত্রিশূলে চূর্ণ করে কৃষ্ণ কাবেরীর জলে ভেসে যাবে ।

সৈন্যগণ ।—আল্লা আল্লাহো ! আল্লা আল্লাহো ! [ প্রস্থান ।

ফয়জল ।—শুলতান ! শত্রুরা পুরোদমে এদিক চেপেই আক্রমণ ক'রছে, ওই দেখুন দলে দলে আমাদের সৈন্য দাঁড়িয়ে দাঁড়িয়ে প্রাণ দিচ্ছে ! সংখ্যাও ক্রমেই কমে আসছে ; এদিক থেকে কিছু ফৌজ এখন আনলে হয় না !

টিপু ।—ওদিককার একটি সৈন্যও এদিকে পাঠাতে সেনাপতির

হুকুম—নেই! এই মুষ্টিমেয় সৈন্য নিয়ে আজ নবাবের  
মর্যাদা—মহীশূরের স্বাধীনতা রক্ষা ক'রতে হবে।

ফয়জল।—সেনাপতি ওখানে দাঁড়িয়ে কি এমন মহাকর্ষ্য কর-  
ছেন, ছজুরের অবস্থাটা বুঝিয়ে দিয়ে তাকে এদিকে আনবো  
সুলতান?—

টিপু।—সেই সয়তানকে আমার সামনে উপস্থিত ক'রো তুমি  
আমার সঙ্কল্প পণ্ড ক'রতে চাও ফয়জল?

ফয়জল।—কিন্তু সেই সয়তান যদি আপনাকে এখন সাহায্য না  
করে, তাহ'লে, যে আপনার জীবন পর্য্যন্ত বিপন্ন হবে  
সুলতান!

টিপু।—জীবনের মমতা নিয়ে টিপুসুলতান যুদ্ধে নামে না!  
আমার জীবন যদি এই যুদ্ধে বিনষ্ট হয়—আমার পক্ষে  
তার চেয়ে আর সুখের কথা কি আছে ফয়জল; যে পুত্র  
পিতার চক্ষে অবিশ্বাসী অকৃতজ্ঞ, তার পতনই শ্রেয়!  
নারী যার প্রেমের অবমাননা করে—সে নরাধমের মরণই  
মঙ্গল!

ফয়জল।—সুলতান! এখনো আপনি অভাগিনী জোবেদীর  
ওপর অভিমান ক'রছেন? গোলামের মুখে যা শুনেছিলেম  
প্রথমে তাই আপনাকে বলি; তার পর সে সব কথা যে  
মিথ্যা—গোলামের একটি চক্রান্ত মাত্র, তাওতো আপনাকে  
আজ বলেছি।

টিপু ।—তা বলেছ ;—যে বক্ষে একদিন বজ্রাঘাত ক'রেছ,—  
সেই বক্ষেই আবার চন্দনের প্রলেপ দিচ্ছ ! কিন্তু বজ্রা-  
ঘাতের দারুণ জ্বালা সহজে জুড়াবার নয় ! ( নেপথ্যে  
ভীষণ আওয়াজ ) ওকি, ওকি—

ফয়জল ।—উঃ—কি সর্বনাশ ! গোলার ঝাঁক—সমস্ত ফৌজ  
সংসার !

টিপু ।—কিন্তু এখনো গোলাম সৈন্য নিয়ে স্থির হ'য়ে আছে—  
দাঁড়িয়ে দাঁড়িয়ে তামাসা দেখছে । ফয়জল ! ফয়জল ! শত্রু  
এগোয় ; চল আমরা দুজনেই বাধা দিই—

ফয়জল ।—দোহাই আপনার সুলতান ! আর এগোবেন না,—

টিপু ।—চোপরাও, বাধা দিয়ো না—চলো যাই, ( সহসা একটা  
গুলি আসিয়া টিপুর অঙ্গে পতন, আহত হইয়া টিপুর উপ-  
বেশন ) ওঃ ফয়জল ! আর এগোনো হ'লনা—বড়  
লেগেছে ; বড় চোট লেগেছে—ওঃ ( শয়ন করিয়া ) ফয়-  
জল—ফয়জল—

ফয়জল ।—সুলতান—সুলতান—( উপবেশন )

টিপু ।—ফয়জল ! একটা ঘোড়া ছুটিয়ে এখনি রাজধানীতে  
ছুটে যাও—নবাবকে সংবাদ দাও, তিনি নিজে যেন—ওঃ—  
বড় কষ্ট—

ফয়জল ।—সুলতান ! সুলতান ! হায় হায় কে আছে এখানে—  
একবার এসো ; নবাব হায়দরআলির পুত্র রণসুন্দর

মাটির উপর গড়াগড়ি দিচ্ছে! কে তাকে রক্ষা করে!  
কে তাকে রক্ষা করে!

( সমর-সজ্জায় আনন্দীবাসীএর প্রবেশ )

আনন্দী।—শুধু চীৎকারে আর রোদনে রণাঙ্গনে কে কাকে  
রক্ষা ক'রতে পারে? সুলতানকে রক্ষা ক'রতে হ'লে অস্ত্র  
চাই—শক্তি চাই—রক্ত চাই—দিতে পার থাকো, নতুবা  
পালাও! সুলতান! সুলতান! ভাই! ওঠ; ভগিনীর  
হাত ধ'রে অস্ত্র নিয়ে—আবার উঠে দাঁড়াও; ভাই বোনে  
মিলে আবার শত্রু জয় ক'রবো! ( শুক্রাষার্থ উপবেশন )

টিপু।—কে—কে—তুমি করুণাময়ী? শ্রান্ত ক্লান্ত যাতনায়  
অবসন্ন প্রাণে করুণার ধারা ঢেলে দিতে কে তুমি এলে  
করুণাময়ী?

আনন্দী।—ভাই! আমি তোমার ভগিনী, আনন্দীবাসী।

ফয়জল।—( স্বগতঃ ) ওরে বাবা—সেই বাঘিনী বটে!

টিপু।—দিদি! দিদি! করুণাময়ী বোন! এসেছ—মৃত্যুর কোলে  
মরণাপন্ন ভাইকে পতিত দেখে ছুটে এসেছ দিদি! ওঃ—  
দিদি তোমার জোবেদী—

ফয়জল।—সুলতান! সুলতান! সেনাপতি—

( গোলামকাদের ও কতিপয় সৈন্যের প্রবেশ )

গোলাম।—এদের ঘেরাও ক'রে দাঁড়াও! আনন্দীবাসী, আমি  
তোমাকে চিনতে পেরেছি, এখন তোমাকে বন্দি ক'রতে

এসেছি । আমি জানি, জীবন্ত তোমাকে বন্দিণী করা সম্ভব নয় ; কিন্তু যদি তুমি স্বেচ্ছায় আত্মসমর্পণ না করো, তাহ'লে আমি তোমার চক্ষের ওপর টিপুকে তোপে উড়িয়ে দোব, ওই দিকে চেয়ে দেখো, আমার তোপশ্রেণী কি ভাবে প্রস্তুত হ'য়ে রয়েছে !

আনন্দী।—আমি তোমার সঙ্গে যুদ্ধ ক'রতে আসিনি, তোমাদের নবাবের সঙ্গে সাক্ষাৎ ক'রতে চলেছি, নবাবপুত্র-আহত দেখে এখন এ'র পরিচর্যা ক'রছি—তুমি কি আমাকে এ'র পরিচর্যা হ'তে নিরস্ত ক'রতে চাও ! নবাবের কাছে জবাবদিহির ভয় নেই তোমার ?

গোলাম।—আমার কসুর হ'য়েছে বিবি সাহেব, মাপ করুন ; আপনি স্বচ্ছন্দে সুলতানের শুশ্রূষা করুন, কিন্তু এ স্থানতো নিরাপদ নয়, এখনি এই স্থানে শত্রুসৈন্যের সঙ্গে আমাদের তুমুল সংঘর্ষ হবে, আপনি আহত সুলতানকে নিয়ে প্রাসাদে চলুন, আমি যানবাহনের সমস্ত ব্যবস্থা ক'রে দিচ্ছি ; ফয়জল ! সুলতানকে তোল ; এই ! ( সৈন্যদের প্রতি ) সাবধানে তুলে নিয়ে চল ! ( আহত সুলতানকে আনন্দী, ফয়জল ও দুইজন সৈন্য-কর্তৃক তুলিয়া লইয়া প্রস্থান )  
নন্দীদুর্গে এদের অবরুদ্ধ ক'রে জানাব—গোলামকাদেবের মেহেরবানি মিছিরির ছুরির মতন ভীষণ । [ প্রস্থান ।

## ষষ্ঠ গর্ভাঙ্ক ।

নন্দী দুর্গ—কাল রাত্রি ।

( দুর্গের উভয় পার্শ্বে তরঙ্গ সঙ্কুল গিরিনদী, দুর্গ-সংলগ্ন পাহাড়  
হইতে ঝরণার জল পড়িতেছে ; দুর্গ নিম্নে সম্মুখ ভাগে  
শিলাময় ভূমি ; এই ভূমি হইতে অতি সঙ্কীর্ণ পথ আঁকিয়া  
বাকিয়া দুর্গের উপরে সিংহদ্বারে মিশিয়াছে ; এই পথে  
একটির অধিক লোক একসঙ্গে উঠিতে সমর্থ নহে,  
সিংহদ্বারের সম্মুখে এক প্রকাণ্ড কামান, কামানের  
লক্ষ্য উক্ত সঙ্কীর্ণ রাস্তার উপর ; কামানের পশ্চাতে  
দুইজন গোলন্দাজ জানু পাতিয়া উপবিষ্ট ; দুই  
পার্শ্বে দুইজন বন্দুকধারী প্রহরী দণ্ডায়মান ;  
একজন আলোকধারী প্রহরী পরিক্রমণ পূর্বক  
নিম্নস্থ নদীর জলের উপর বিশেষ তৎপরতার  
সহিত আলোক জ্বালিতে নিযুক্ত । দুর্গ মধ্য  
হইতে সিংহদ্বারে গোলামকাদেরের

প্রবেশ ; সকলে সসম্মে কুর্গিশকরণ । )

গোলাম ।—সৈন্যগণ ! তোমাদের নবাবপুত্র টিপু সুলতানের  
জন্ম অন্তবেত্তির যুদ্ধে মারাঠারা জয়ী হ'য়েছে, মহীশূরের  
সমস্ত দুর্গই তারা দখল ক'রে নিয়েছে, কেবল এই দুর্গমাত্র

অবশিষ্ট ! এই নন্দী দুর্গ যদি মারাঠাদের হস্তগত হয়, তাহলে, সমস্ত মহীশূর শত্রুর পদতলে লুণ্ঠিত হবে, নবাবের দুর্দশার সীমা থাকবে না। এই দুর্গ অজেয়, এমন দুর্ভদ্র দুর্গ ভারতবর্ষে আর দ্বিতীয় নেই ; একটি মাত্র কামানের সাহায্যে অসংখ্য শত্রুর আক্রমণ থেকে এ দুর্গ আত্মরক্ষায় সমর্থ ; সমগ্র নবাববাহিনীর মধ্যে তোমরাই সর্বশ্রেষ্ঠ সাহসী যোদ্ধা ; তাই তোমাদের ওপর এই দুর্গ রক্ষার ভার দিয়েছি ; প্রাণপণে তোমরা সকল কর্তব্য পালন করো, চতুর্দিকে বিশেষভাবে লক্ষ্য রাখো ; যদি নিম্নে জনমানবের অস্তিত্ব দেখতে পাও—তৎক্ষণাৎ গুলি চালাবে আর সঙ্গে সঙ্গে আমাকে সংবাদ দেবে !

রক্ষীগণ ।—যো হুকুম হুজুরালি [ গোলামকাদেরের প্রস্থান।  
 ১ম রক্ষী ।—পাগল হ'য়েছিস ভাই ! দুঃখমণের সাধ্য কি এর তিরসীমায় ঘেঁসে !

২য় রক্ষী ।—আরে যদি বা ঘেঁসে এগোবে কেমন ক'রে ? তোপ তৈরি, বন্দুকে গুলি ঠামা—

গোলন্দাজ ।—হাঁ হাঁ ঠিক কথা, যেমন একটু সাড়া পাব, অমনি গুড়ুম ক'রে আওয়াজ দিয়ে—জানাব, আমরা জেঁগে আছি !

১ম রক্ষী ।—আমরাও সঙ্গে সঙ্গে বন্দুক হেলিয়ে ছেলাম দোব, গুলি সোঁ সোঁ ছুটবে—



১ম রক্ষী।—আর মিতেরা বোঁ বোঁ ক'রে ঘুরে মাটির ওপর  
সটান শুয়ে প'ড়বে।

আলোকধারী।—কই, কিছুইতো দেখতে পাচ্ছি না, কোন সাড়া-  
শব্দও পাচ্ছি না; চোখে কেবল নদীর জল দেখছি, কাণে  
ঝরনার জলের আওয়াজ লাগছে, এছাড়া আর কিছুই তো—

১ম রক্ষী।—নিশ্চিন্ত থাক দোস্ত, আর কিছুই আসছেনা; ক'র  
না এলে দেখবেই বা কি? আমরাতো ভাই গা ঢেলে  
দিয়েছি! একে এই ভয়ঙ্কর ঠাণ্ডা।

২য় রক্ষী।—তার ওপর এই খাড়া পাহারা! দাঁড়িয়ে পাহারা  
দেওয়ার চেয়ে লাড়াই দেওয়া ঢের ভালো; ওহে দোস্ত,  
একবার আলোটা নিয়ে এইদিকে এসোদেখি—ও খানটায়  
বোতল দুই সিরাজি লুকোন আছে, খুজতে হবে।

আলোকধারী।—য়্যা, সিরাজি—সিরাজি! বল কি! ওঃ, এখন  
একটু সিরাজির জন্ম কিনা ক'রতে পারি? (আলোক  
লইয়া দরজার পার্শ্বে অন্বেষণ)

২য় রক্ষী।—বাহবা মিলে গেছে!

সকলে।—সাবাস! সাবাস!

[ মৃত্যুপাত্র বেষ্ঠন করিয়া সকলের উপবেশন ]

( নিম্নে নদীর জলে অঙ্গ ডুবাইয়া মাধবরাও, জনার্দিন,

শিবপন্থ ও জানোজির আবির্ভাব )

মাধবরাও।—(চাপাকণ্ঠে) সাবধানে--খুব সাবধানে—ওই ঝরণার



জলের শব্দে শব্দ মিলিয়ে এগিয়ে এসো ; আলোর আবির্ভাব  
 চিহ্ন দেখতে পাচ্ছ না বলে মনে কোরনা যেন—আলোক-  
 ধারী অদৃশ্য হয়েছে ! নিশ্চয়ই সে প্রচ্ছন্নভাবে আছে ;—  
 আলোকধারী ওইখানে দাঁড়িয়ে আছে, এই টুকু মনে ক'রে  
 যথাসম্ভব সতর্কভাবে শ্রোতের সঙ্গে ছুটে এসো !

১ম রক্ষী ।—( আলোকধারীর প্রতি ) দোস্তু ! একবারে এতটা  
 চূপ কিন্তু ভাল নয় ; তুমিতো একচোট মাল টেনেছে—  
 এবার আলো নিয়ে ওঠো—

আলোকধারী ।—হাঁ ঠিক বলেছ দোস্তু—

২য় রক্ষী ।—তুমি দোস্তু আমাদের একটু রেহাই দাও এখন ;

আমরা একটু ভাঙ্গা হয়ে তোমাকেও তেমনি রেহাই দোব—

আলোকধারী ।—রেহাই দাও বা না দাও, তাতে বড় ক্ষতি নেই—

কিন্তু ভাই আর এক পাওর বুঝেছ ?

২য় রক্ষী ।—হাঁ—হাঁ—হাঁ—আলবৎ দোব ।

( আলোকধারীর আলোকহস্তে স্বকার্যে গমন ;

ঘন ঘন আলোকপাত )

মাধব ।—সাবধান ! আবার আলো—চূপ ক'রে জলের সঙ্গে

মিশে থাকো সকলে— [ সকলের তথাকরণ ]

আলোকধারী—( অন্তর্দিকে এই সময় আলোক ধবিল )

মাধব ।—আবার এগিয়ে এসো—আলো এবার ওধারে, দ্রুত

অতিদ্রুত এসো সকলে—( সকলের ক্রিয়ৎদূর অগ্রসর )

চুপ ; আবার আলো পড়েছে, আবার সেই ভাবে আত্ম-

গোপন ক'রে থাক ( পূর্ববৎ অবস্থান )

আলোকধারী—( আবার অন্য ধারে আলোক ধরিল )

মাধবরাও ।—আলো আবার অদৃশ্য ! এসো এসো আবার দ্রুত

—এসো ( সকলের দ্রুত অগ্রসর ) ব্যস, কিনারায় এসেছি

এবার ! উঠে এসো—সকলে উঠে এসো—( সকলের তীব্র

উত্থান ) এই স্থানে এসে দাঁড়াও—বারণামিশ্রিত জলপুঞ্জ

এই স্থান কুজ্বাটিকাময়—এই স্থানে দাঁড়াও—জলের শব্দে

শব্দ মিলিয়ে লৌহশলাকা প্রথিত ক'রে আমাদের দুর্গ-

দ্বারে উঠতে হবে ! ( লৌহশলাকা প্রথিতকরণ ) চুপ !

আবার আলো আসছে ! সাবধান ! পাহাড়ের গায়ে গা

মিশিয়ে দাঁড়িয়ে থাকো—

২য় রক্ষী ।—দোস্তু ! এইবার আসতে পারো,—তুমি বেশী

খাটছ, কাজেই কিছু চাটও দিতে রাজী আছি !

আলোকধারী ।—তাই নাকি ;—চাট কিছু আছে ? বহুত আচ্ছা

—( পুনরায় সকলে একত্র বসিয়া ভোজনে প্রবৃত্ত )

মাধব ।—ব্যস ! এইবার আমরা আগ্নেয়গিরির অগ্নি শ্রোতের

মতন উত্থিত হয়ে ওদের যুগপৎ ধ্বংস ক'রবো ।

( পর্বতগাত্র বাহিয়া মাধবরাও প্রভৃতির উপরে উত্থান ;

রক্ষীগণকে আক্রমণ ও নিরস্ত্র করিয়া নিয়ন্ত্ৰ

নদীতে নিক্ষেপ । )

মাধব ।—জনার্দিন ! পেরেক দিয়ে কামানের মুখ এঁটে দাও,  
জনার্দিন ! রণভেরী বাজাও, সৈন্যগণ এই পথে উঠে  
আসুক ! আর আমাদের চিন্তা নাই—এতক্ষণে আমরা  
শ্রীরঙ্গপট্টম অধিকার ক'রলেম !

( জনার্দিনের ভেরীধ্বনি—সৈন্যগণের একে একে  
সঙ্কীর্ণ পথে উত্থান )

### পটপরিবর্তন—

( পালঙ্কে আহতাবস্থায় টিপু শায়িত, পার্শ্বে  
গোলামকাদের দণ্ডায়মান )

গোলাম ।—সুলতান টিপু ! মনে আছে তোমার, তুমি একদিন  
আমাকে বধ করবার জন্য আমার সামনে তলোয়ার খুলে  
দাঁড়িয়েছিলে ?

টিপু ।—তাহলে বুঝি তারই প্রতিশোধ নেবার জন্য—আজ তুমি  
—মরণাপন্ন সুলতানের শিয়রে এসে সয়তানের মত  
দাঁড়িয়েছ ?

গোলাম ।—হাঁ হাঁ মতলবটা ঠিকই এঁচে নিয়েছ ! মরবার  
আগে মানুষ শিয়রে সয়তান দেখে, তাই সয়তান আজ  
আমার কাঁধে চেপে এইখানে হাজীর হয়েছে ! কাজেই  
এখন যদি রীতিমত সয়তানী করি, তাহলে নিজেই যেন—  
সয়তানের মতন, ক্ষেপে উঠোনা ! ( বস্ত্রাভ্যস্তুর হইতে

জোবেদীর রুমাল বাহির করিয়া ) এখানি কেমন চমৎকার  
 টীজ্ বল দেখি সুলতান ? বেশ খাসা নয় ? ও কি দেখেই  
 যে ছুই চক্ষু কপালে তুলেছ ? এখানি কোথায় পেয়েছি  
 জান ?—

টিপু ।—থাক্ থাক্—আর জানাবার আবশ্যক নাই—আমি  
 জানতে চাইনা—চুপ কর তুমি—

গোলাম ।—সয়তান কি সহজে চুপ করে সুলতান ? কথাগুলো  
 শোনো আগে ; এখানি প্রেমের সওগাদ, প্রেম হচ্ছে  
 জোবেদীর—আর সেই প্রেমের পাত্র হ'চ্ছি আমি—তাই—  
 এই—

টিপু ।—ওঃ—

গোলাম ।—হুঁ—সয়তান এবার সুলতানের গলা চেপে ধরেছে !  
 কিন্তু আমার অপরাধ কি ? জোবেদী যে যেচে এসে  
 আমাকে ভাল বেসেছে ; যাচা প্রেম কি কখনো ছাড়তে  
 পারা যায় ! বিশেষ যখন অমন খাসা মেয়ে মানুষ !

টিপু ।—উঃ—খোদা—খোদা আমাকে—আমাকে—একবার—  
 এক লহমার মতন টিপু সুলতান হ'তে দাও—সেই শক্তি  
 একবার দেখাতে দাও—আমি তেমনি সিংহ বিক্রমে উঠে—  
 এই সয়তানকে—ওঃ— ( উঠিবার উদ্যম ও পতন )

গোলাম ।—বটে ! আচ্ছা ;—কই হয় ? এবার দেখছো কি ?  
 এসো জোবেদী বিবি—

( দুইজন রক্ষীসহ জোবেদীর প্রবেশ । )

জোবেদী ।—( ছুটিয়া গিয়া ) সুলতান ! সুলতান ! প্রিয়তম—  
গোলাম ।—( বাধা দিয়া ) কাছে যেওনা, সরে দাঁড়াও !

জোবেদী ।—পথ ছেড়ে দে সয়তান ! আমার স্থান ওইখানে ।

গোলাম ।—না প্রেয়সী—তোমার স্থান এইখানে ! এসো  
প্রিয়তমে ! ( হস্তধারণ )

জোবেদী ।—সুলতান ! সুলতান ! তোমার সামনে এই  
সয়তান আমাকে অপমান করে !

( আনন্দোবাস্ত্রীর প্রবেশ । )

আনন্দী ।—সয়তান যখন সতীর অপমান করে—সতী তখন  
কাঁদেনা—ফণীনীরা মতন ফণা তুলে ধরে ! ভগিনি !  
তোমার হস্তরুদ্ধ, কিন্তু চরণ মুক্ত ; সতীর শক্তি যে ওই  
খানে বোন !

জোবেদী ।—ঠিক কথা ব'লেছ দিদি ; সয়তানের শাস্তিই হ'চ্ছে  
এই—( গোলামকে পদাঘাত পূর্বক টিপূর পাশ্বে গমন )

গোলাম ।—ওঃ বটে—বটে—আচ্ছা—একি ! এ সয়তানী কি  
দেওয়াল ফুঁড়ে এখানে এলো ? কে তোকে মুক্ত ক'রে  
দিলে ? আমিতো তোকে পাশের কামরায় বন্দী ক'রে  
রেখেছিলাম !

আনন্দী ।—আর আমি মাছি হয়ে সেখান থেকে উড়ে এলুম ;—  
আর কাকে সঙ্গে আনলুম তাও দেখো—

( হায়দরআলির প্রবেশ । )

হায়দর ।—গোলামকাদের !

গোলাম ।—জাঁহাপনা ! জমাব !

হায়দর ।—এসব কি ব্যাপার ! কি শুনছি—কি দেখছি—আমার  
অজেয় বাহিনী আজ তোমার নেতৃত্বে পরাজিত ও বিধ্বস্ত !  
আমার পুত্র বন্দী—

গোলাম ।—জাঁহাপনা ! সত্য কথা বলতে কি—আপনার পুত্র  
আর—এই দুই আওরতের জন্মই আজ আপনার বাহিনী  
পরাজিত ; তাই আমি এদের আটক করেছি ; আমি  
সাহস করে বলতে পারি—জনাব যদি আমার অবস্থাপন্ন  
হ'তেন—তাহ'লে পুত্র হত্যায়—কুণ্ঠিত হ'তেন না !

টিপু ।—বিশ্বাসঘাতক ! ফের যদি তুই মিথ্যা কথা বলবি—  
তাহ'লে আমি তোকে এখনি পদাঘাত ক'রবো—

হায়দর ।—আমি তাহ'লে সেই দণ্ডে তোমাকে বধ ক'রবো—এটা  
যেন স্মরণ থাকে ! অপদার্থ—বিলাসপ্রিয়—কামুক—  
পশু !

টিপু ।—পিতা আগে আমার—

হায়দর ।—আমি তোমার এক বর্ণও শুনতে প্রস্তুত নই ; তুমি  
যে অপরাধে অপরাধী, তাতে গোলাম যদি তোমাকে  
হত্যা ক'রতো—তাহ'লে আমি তুষ্ট হ'তাম, ওকে শিরোপা  
দিতাম !

আনন্দী ।—নবাব ! আপনি কি ক'রছেন ! কার কথায় বিশ্বাস  
স্থাপন ক'রে আপনার বীর পুত্রকে—

হায়দর ।—অর্থাৎ যে তোমার প্রণয়পাত্র—তাকে—

আনন্দী ।—নবাব হায়দরআলি ! আপনি কাকে এ কথা—  
ব'লছেন—তা বোধহয় বিস্মৃত হ'য়েছেন ! আমি সুলতান  
টিপুর ভগিনী—প্রণয়িনী নই !

হায়দর ।—আমি শুনেছি তুমি ছনিয়া শুদ্ধ লোকের প্রণয়িনী !

আনন্দী ।—নবাব ! দেখছি তোমার গৃহপাপে পরিপূর্ণ ; প্রবঞ্চনা  
ও মিথ্যা ভিন্ন এখানে সত্যের কোন চিহ্ন নেই ! আর এ  
কক্ষে একদণ্ড দাঁড়াতে আমি প্রস্তুত নই ।

গোলাম ।—একে যেতে দেবেন না জনাব ! এই সময়তানি  
পেশোয়ার সঙ্গে ষড়যন্ত্র করে, আমাদের দলভুক্ত হ'য়ে,  
সুলতানকে মুগ্ধ ক'রে—নবাবের সর্বনাশ ক'রেছে ! এইই  
হ'চ্ছে সকল অনিষ্টের মূল !

আনন্দী ।—এটা তোমার মহাভুল সময়তান ! পেশোয়া আমার পরম-  
শত্রু ; বন্ধু ছিল নবাব হায়দর আলি, কিন্তু আজ তোমার  
জন্ম সেও শত্রু হ'য়ে দাঁড়াল !

হায়দর ।—সয়তানীকে আটক কর (নেপথ্যে তূর্য্যধ্বনি)  
ওকি—

আনন্দী ।—বিজয়ী পেশোয়ার তূর্য্যধ্বনি ! তুমি সমস্ত জেনেও  
আত্মরক্ষার চেষ্টা না ক'রে—আত্মনাশে প্রবৃত্ত হ'লে,

এই তার প্রতিফল ! চেয়ে দেখো, শত্রুসৈন্যে দুর্গ  
পরিপূর্ণ !

নেপথ্যে—হর-হর মহাদেও !

( জনার্দন, শিবপন্থ, জানোজি প্রভৃতির প্রবেশ )

জনার্দন ।—হুঁসিয়ার ভাইসব ! এক প্রাণীও যেন না পালায় !

শিবপন্থ ।—সৈন্যগণ ! সঙ্গীন ধ'রে প্রস্তুত হ'য়ে থাকো ; নবাব

সাহেব, আত্মসমর্পন করুন—

হায়দর ।—ওঃ—খোদা ! খোদা ! কার দোষে আজ আমার  
এই সর্বনাশ !

( মাধবরাওয়ের প্রবেশ )

মাধব ।—দোষ আপনারই ; পৃথিবীর শ্রেষ্ঠ রাজনীতিকদের যে

ভুল হ'য়ে থাকে—আপনিও সেই ভুল ক'রে বসেছেন,—

শত্রুকে আপনি দুর্বল মনে ক'রেছিলেন । পুণার পেশোয়া

রুগ্ন মরণাপন্ন শুনে আপনি তাকে চূর্ণ করবার সঙ্কল্প ক'রে-

ছিলেন ; কিন্তু এখন বোধ হয় বুঝতে পারছেন, পেশোয়া

পীড়িত হ'লেও সৈনিকের ব্রত বিস্মৃত হয়নি !

হায়দর ।—পেশোয়ার এই ব্রত পালনের অর্থ—বিশ্বাসঘাতকতা !

মাধব ।—মিথ্যা কথা ;—মাহারাষ্ট্র জাতি আজ পর্য্যন্ত বিশ্বাস-

ক আখ্যা পায়নি ! নবাব হায়দরআলির মহীশূরের

বী প্রাপ্তির মূলে বিশ্বাসঘাতকতা—আছে সত্য, কিন্তু

মে যে আজ বিজয়ী হ'য়ে দুর্ভেদ্য নন্দীদুর্গে প্রবেশ করেছি



—সে কেবল বাহুবলে ! ইচ্ছা ক'রলে এই দণ্ডে আমি মহী-  
শূরের সিংহাসনে আমার ইচ্ছামত যে কোনও বক্তিকে প্রতি-  
ষ্ঠিত ক'রতে পারি; কিন্তু আমি তা ক'রব না ;—ভারতের  
আদর্শ যোদ্ধা, আদর্শ সেনাপতি, আদর্শ অধীশ্বর—বীরবর  
হায়দরআলিকে পরাজিত ক'রে আমি আজ গৌরবান্বিত  
হ'য়েছি ; সুতরাং বীরের প্রতি বীরের মত ব্যবহার ক'রতে  
আমি কিছুমাত্র কৃপণতা ক'রব না ! নবাব হায়দরআলি ।  
আপনার সঙ্গে আমি সন্ধি স্থাপন ক'রব ।

হায়দর ।—সন্ধি স্থাপন ক'রবেন ! জয়ী হ'য়ে অত্যাচারের  
আগুনে আমার রাজধানী ধ্বংস না ক'রে—আমার সঙ্গে  
সন্ধি স্থাপন ক'রবেন ? তাই যদি হয়, এমন অসম্ভব  
যথার্থই যদি সম্ভব হয়, তাহ'লে—পেশোয়া! পেশোয়া!  
সন্ধি-সর্তের সমস্ত ভার—আমি আপনার ওপর প্রদান  
ক'রছি, আর এই পাগড়ী আপনার পায়ের তলায় রক্ষা  
ক'রছি,—

( পাগড়ী পদতলে রক্ষার চেষ্টা—ক্ষিপ্ৰহস্তে

পেশোয়ার গ্রহণ )

মাধব ।—বীরশ্রেষ্ঠ হায়দরআলি, আপনার এই পাগড়ী আমি  
সাদরে আমার শিরে ধারণ করছি, আর এর বিনিময়ে  
আমার পাগড়ী আপনার হস্তে অর্পণ ক'রছি—গ্রহণ  
করুন ।

হায়দর।—আমার সঙ্গে পাগড়ী-বদল ক'রে, আমাকে এতদূর  
সম্মানিত করলেন পোশোয়া! বেশ—বেশ! পোশোয়া  
মাধবরাও আর নবাব হায়দরআলির পাগড়ী—পরম্পর  
মিতালী ক'রে, হিন্দুস্থানে নূতন যুগের সৃষ্টি করুক—  
আকাশে আবার নূতন সূর্য উঠুক—নূতন কিরণ বর্ষণ  
করুক—বিশ্বে আবার শান্তির তুফান ছুটুক।

---

## পঞ্চম অঙ্ক ।

—•—

### প্রথম গর্ভাঙ্ক ।

—••—

প্রাসাদ—অলিন্দ । কাল—রাত্রি ।

হায়দর আলি ।

হায়দর ।—মহীশূরের বুকের উপর দিয়ে কি প্রচণ্ড ঝঞ্ঝাই না ছুটে গেল । এই ভীম ঝঞ্ঝায় হায়দর আলির ভারত-ব্যাপী সাম্রাজ্য প্রতিষ্ঠার আকাঙ্ক্ষা আবার কিছু কালের মতন বিলুপ্ত হ'ল । এ ক্ষতি পূরণ ক'রতে পূর্ববৎ প্রবল হ'য়ে দাঁড়াতে—এখন অনেক অর্থ—অনেক সামর্থ—অনেক কৃতিত্বের আবশ্যক ! আমার হৃদয়ের অর্ধেক রক্ত আমি আমার আকাঙ্ক্ষার পরিপূষ্টির জন্য অস্বাভাবিক উৎসর্গ করেছিলাম,—কিন্তু সে সমস্তই পণ্ড হয়েছে ! কেন হয়েছে ? আমার উদ্যম কে পণ্ড করেছে ? তার জন্য দায়ী কে ? হুঁ, দায়ী আমার পুত্র—দায়ী আমার কন্যা তুলসী-স্নেহের পাত্রী জোবেদী—দায়ী সেই বেদনুরের আমলী-বিবি । তাই এই তিন জনকেই বন্দী ক'রে রেখেছি :

[ ১৯৩ ]

কঠোর দণ্ডে এদের দণ্ডিত করব ! কিন্তু গোলাম কি এ ব্যাপারে নিরপরাধ ? সত্যই কি সে নিরপরাধি ? ফয়জলের সাক্ষ্য যদি সত্য হয়—তাহলে বুঝতে হয়—আমার এই সর্বনাশের একমাত্র কারণ—গোলামের বিশ্বাসঘাতকতা ! কিন্তু গোলাম কি অবিশ্বাসী হতে পারে ? তার ওপর আমার যে অনন্ত বিশ্বাস ! বড়ই কঠিন সমস্যা এখন আমার ;—এ সমস্যার সমাধান সর্ব্বাঙ্গে কর্তব্য ।

( বোচকা-বুচকি পৃষ্ঠে বাঁধিয়া ফয়জলের প্রবেশ । )

ফয়জল ।—তসলীম জাঁহাপনা !

হায়দর ।—একি ! এ ভাবে এ অবস্থায় তুমি এখানে কেন

ফয়জল !

ফয়জল ।—জাঁহাপনা ! এ হচ্ছে অবস্থার ব্যবস্থা ; অবস্থার ফেরে মানুষ হাতীর ওপর চড়ে, আবার পান্নি ডুলিও কাঁধে করে ! এতদিন আপনার মোহেরবাণীতে আমীরি করেছি, আর আজ গোলাম সাহেবের গোলামী করতে বোচকা পিঠে বেঁধে দিল্লিকা লাড্ডুর আশ্বাদ নিতে চলেছি :

হায়দর ।—তোমার আজ যে ভারি ক্ষুধা দেখছি ।

ফয়জল ।—হাঁ জনাব ! আজ একটু ক্ষুধা হ'য়েছে বৈকি ; আর

না হবেই বা কেন ? বিদেশে হাওয়া খেতে যাবো—এ

কথা শুনলে কার মনে না ক্ষুণ্ণি হয় বলুন ! আমরা যে-  
বিদেশে চ'লেছি ।

হায়দর ।—বিদেশে চ'লেছ ? কার হুকুমে ?

ফয়জল ।—হুজুরের হুকুমে ?

হায়দর ।—আমার হুকুমে ?

ফয়জল ।—আজ্ঞে না, আপনার কেন ; যিনি এখন হুজুরেরও

হুজুর, তাঁরই হুকুমে ; কেন, আপনি কি হুকুম পাননি ?

(স্বগতঃ) না—যা বা ! আর ঠাট্টার দিকে এগোনো ভাল নয় ;

যে রকম চটেছে দেখছি,—তাতে নিজের হাতে কোতল

করাও বিচিত্র নয় !—( প্রকাশ্যে )—জাঁহাপনা দেখছি এ

বান্দার ওপর খুবই চটেছেন ; কিন্তু বান্দার বিশেষ অপরাধ

নেই ;—এবার আসল কথাটা শুনুন ; আপনার সেনাপতি

গোলামকাদের দল বল নিয়ে আজ রাত্রিই দিল্লীতে রওনা

হচ্ছেন ; তাঁরই হুকুমে তল্লা তল্লা নিয়ে আমিও হুজুরে

হাজির হ'তে চলেছি ; তবে অনেক কাল ধ'রে জাঁহাপনার

নিমক খেয়েছি—তাই একেবারে নিমকহারামী ক'রতে

পারিনি—যাবার সময় জানাতে এসেছি ।

হায়দর ।—কি তুমি পাগলের মতন বলছ !—গোলামকাদের

দিল্লীতে যাচ্ছে ?

ফয়জল ।—হাঁ জাঁহাপনা—দিল্লীতে যাচ্ছে, সেখান থেকে খুব

জবর নেমন্তন্ন এসেছে ; দিল্লীর দরবারে বাদশাহ সাহ আলমের

সঙ্গে তাঁর উজীরদের ভারী মনকসাকসি চলেছে ; উজীর প্রভুরা নিজেদের দল পুরু করবার জন্ত—মোটী রকম লোভ দেখিয়ে গোলামকে ডেকেছে ; তাই গোলাম আগে থাকতেই নিজের বাধ্য সৈন্যদের দিল্লীতে পাঠিয়েছে, আর আজ রাত্রে—নবাবের রাজকোষ লুণ্ঠন ক'রে—আনন্দী আর জোবেদীকে নিয়ে দিল্লী রওনা হবে !

হায়দর ।—ফয়জল, তুমি যা বলছ, তা যেন আরব্যরজনীর আলাউদ্দিনের কাহিনীর মতন অদ্ভুত ! আচ্ছা—তুমি এর কিছু প্রমাণ দিতে পার ?

ফয়জল ।—জাঁহাপনা যদি রক্ষীদল নিয়ে এখনই গোলামকাদে-রের খাসকামরা আটক ক'রতে পারেন, তাহ'লে মুখে যা ব'লেছি—কাজে তা দেখাতেও প্রস্তুত আছি ।

হায়দর ।—উত্তম—তাহ'লে এখনি চলো ।

[ উভয়ের প্রস্থান।

( তরবারি হস্তে টিপুসুলতানের প্রবেশ )

টিপু ।—অন্ধকার এখনো কাটেনি ;—কৌশলে অন্ধকারাগার থেকে মুক্ত হ'য়ে তরবারি-করে এই উজ্জ্বল অগ্নিন্দে এসে উপস্থিত হয়েছি সত্য, কিন্তু এখানেও যেন অন্ধকার পুঞ্জী-কৃত হ'য়ে রয়েছে ! আমার অন্তরে অন্ধকার—হৃদয়ে অন্ধ-কার—জীবন অন্ধকার ; চতুর্দিকের অন্ধকার যেন বিরাট সময়তানের আকার ধ'রে আমাকে গ্রাস ক'রতে আসছে !

এই অন্ধকারের অভ্যস্তুর দিয়ে—সমস্ত বিশ্ব বাধা বিচূর্ণ  
ক'রে—ইরন্দের শক্তি ধ'রে আমি এখন প্রতিহিংসা গ্রহণে  
উন্মত্ত আবেগে ছুটে চলেছি ! প্রাণের রুদ্ধ আবেগ আজ  
উন্মুক্ত হ'য়ে লক্ষ লোমকূপ দিয়ে আগ্নেয়গিরির অগ্নিপ্রাবের  
মতন বিচ্ছুরিত হচ্ছে ! জীবনের চরম সমস্যা আজ ! হয়  
এই নিষ্কোষিত তরবারি আজ প্রতিদ্বন্দ্বী গোলামকাদের  
হৃদয় শোণিতে সিঞ্চিত হ'য়ে আমাকে পরিতৃপ্ত ক'রবে,—  
না হয়—এই রাতেই মহীশূরের বক্ষ থেকে টিপুসুলতানের  
অস্তিত্ব চিরদিনের মতন মুছে যাবে ! [ বেগে প্রস্থান । ]

## দ্বিতীয় গর্ভাঙ্ক ।

বিলাস-কক্ষ ।—কাল-রাত্রি ।

সোফায় গোলামকাদের আসীন,—পার্শ্বে বন্দীভাবে আনন্দী—

বাস্তি ও জোবেদা দণ্ডায়মান ;—সম্মুখে নর্তকীগণ ।

( গীত )

( ওলো সই ) ফুল ফুটে ভূমে লুটে শ্বাস বিলায় ।

কতুহলি অলি তাই সোহাগে তাকায় ॥

সেধেছিল যখন অলি ফুল দিয়েছিল কতই গালি

( এখন ) ভেসে গেছে চতুরালি—মানে পরাজয় ।

কেন আর কর লো মান, গাও গাও প্রেমের গান,

চাও চাও বদন তুলে—মৌন ভাল নয় ॥

[ প্রস্থান ।

গোলাম ।—তোফা—তোফা ! তোফা—নাচ, তোফা গান—

তোফা মিঠি আওয়াজ ! এখন এই দুই বিবির এক এক

দফা নাচ দেখলেই আমার এখানকার কাজ শেষ হ'চ্ছে

যায় । কিগো জোবেদী বিবি ! ঘাড়টি হেঁট ক'রে মাটির

দিকে তাকিয়ে তাকিয়ে ভাবছ কি ? আজ তোমাকে

জানি—এক কদম না নাচিয়ে কিন্তু ছাড়ছি নি !

( জনৈক প্রহরীর প্রবেশ )

প্রহরী ।—হুজুর ! হুজুর ! সুলতান সাহেব সয়তানের মতন

ছুটে আসছে—বারণ মানছে না !

গোলাম ।—য়্যা—বলিস কি ? তা তোরা সকলে কি ক'রতে

র'য়েছিস ? তাকে এখনো কোতল ক'রতে পারিসনি !—

ওকি ! সে সয়তান সকলকে তাড়িয়ে নিয়ে আসছে !

আচ্ছা আমিও—( কোটিদেশে হস্তার্পণ ও পিস্তল ধারণ )

( একদল খোজাপ্রহরীর সহিত যুদ্ধ করিতে করিতে

উন্নতভাবে টিপুসুলতানের প্রবেশ )

টিপু ।—স'রে যা পতঙ্গের দল ! তোদের উপর আমার লক্ষ্য

নয় ; আমি সেই সয়তানকে চাই ! কোথায়—কোথায়

সে সয়তান !



গোলাম ।—মরণের রাজ্যে সয়তানের সাক্ষাৎ মেলে,—আগে

মরো—( পিস্তলের আওয়াজ )

জোবেদী ।—( ছুটিয়া গিয়া পিস্তলের গুলি স্ববক্ষে ধরিয়া )

সুলতান—সুলতান—প্রিয়তম ! ( পতন )

টিপু ।—একি ! জোবেদী—জোবেদী—সর্বস্ব আমার—ওঃ—

গোলাম ।—য়্যা—তাইতো—ওঃ—

( হায়দর আলি, ফয়জল ও সৈন্য-

গণের প্রবেশ )

হায়দর ।—অস্ত্র ফেল সকলে—নবাব হায়দর আলির হুকুম !

( সকলের অস্ত্রত্যাগ ও কুর্ণীশ ) সৈন্যগণ ! এখনই এই

বিশ্বাসঘাতক সয়তানকে বন্দী করো—

গোলাম ।—জাহাপনা—

হায়দর ।—খবরদার ! কোনো কথা শুনতে চাইনা ! বন্দী

করো একে ! আর এই সব নেমকহারামদেরও বন্দী করো

—( তথাকরণ ) টিপু ! তোমার ওপর অত্যাচার সন্দেহ করে

আমি তোমার নিকট অপরাধী ; পুত্র আমাকে—

টিপু ।—জাহাপনা ! আপনার ওপর আমার আর কোনো অভি-

মান নেই ;—কিন্তু আমার বক্ষে আজ বজ্রাঘাত হয়েছে !

আমার সর্বস্ব—

হায়দর ।—দেখতে পাচ্ছি পুত্র—জোবেদী • আমার—কত

আমার—সয়তানের প্রহারে সংসার ছেড়ে বেহেশ্তের পথে

অভিমান ক'রে চলে যাচ্ছে ! জোবেদী—জোবেদী—পিতৃ-  
মাতৃহীনা অভাগিনী—তোমার এই শোচনীয় পরিণাম আমাকে  
দেখতে হ'লো ! তোমার পিতার মৃত্যুশয্যা—অন্তিম প্রার্থনা  
এখন যে আমার চক্ষুর ওপর ভাসছে মা !

জোবেদী।—বাবা ! বাবা ! জাহাপনা ! এ আমার সুখের  
মরণ ! পিতার সম্মুখে—পতির চরণতলে—নারীর এ মৃত্যু  
আনন্দের ! জাহাপনা—আমার অন্তিম প্রার্থনা, বেদ-  
স্মরের রাণীর সম্মান রক্ষা ক'রতে ভুলবেন না—তিনি  
নিরপরাধিনী—ওঃ—( মৃত্যু )

হায়দর।—মা আমার—এ শুধু তোমার কেন—আমার নিষ্ঠুর  
হৃদয়ের প্রার্থনাও যে এই !—রাণী ! রাণী ! তুমি আমার  
জননী—আমি তোমার সন্তান—আমাকে মাপ করো মা ;  
স্বহস্তে আমি তোমাকে মুক্ত ক'রে দিচ্ছি—পুত্রের ওপর  
আর অভিমান করোনা মা—( বন্ধন মোচন )

আনন্দী।—নবাব ! মনে আমার কিছুমাত্র অভিমান নেই !  
তবে—তবে—জোবেদীর শোকে বুক বজ্রাঘাত হ'য়েছে—  
সে আঘাত-যন্ত্রণা কেমন ক'রে সজ্জ ক'রব নবাব ! জোবে-  
দীর প্রাণঘাতী সয়তান এখনো জীবিত—এ দৃশ্যে যন্ত্রণা  
যে অসহ্য হ'চ্ছে নবাব ! জোবেদী—জোবেদী—দিদি  
আমার—

হায়দর।—কয়জল, এদের নিয়ে চলো—এই রাতেই

এদের তোপের মুখে উড়িয়ে দেওয়া চাই ! গোলামকাদের !  
এই তোমার দণ্ড !

## তৃতীয় গর্ভাঙ্ক ।

পূণা—উপকণ্ঠ । কাল—সঙ্ঘা ।

আপাজিরাও ।

আপাজি ।—অনেক দিন পরে আবার পূণায় প্রবেশ ক'রতে  
হচ্ছে ! বহুদিন ধ'রে এই অন্তরে যে কালানল প্রচ্ছন্ন হ'য়ে  
আছে, এবার যেন তা আরও প্রখর হ'য়ে উঠেছে—আরো  
তীব্র শিখা বিস্তার ক'রে অন্তরের অন্তস্থল পর্য্যন্ত দগ্ধ  
ক'রছে ! তার আশে পাশে আকাশে ভূতলে—যে দিকে  
দৃষ্টি পড়ে—সেইদিকে সেদিনকার সেই শোণিতময় লোম-  
হর্ষণ দৃশ্য প্রত্যক্ষবৎ ফুটে ওঠে ! সখারামের বীভৎস বদন,  
ইলার সেই অলস নয়ন—চোখের ওপর জল জল ক'রে  
জলতে থাকে ! সে দৃশ্য দেখে সাহস অপসৃত, হৃদয়—শক্তি  
সামর্থ্য লোপ পায়—জীবনগ্রন্থী শিথিল হয়ে পড়ে ! ওই—  
ওই—ওই—সেই ভীষণ দৃশ্য ! ওই—সেই সখারাম—সঙ্গে  
সেই সর্বনাশী ইল্লা ! ওঃ—ওই এগিয়ে আসছে—আমায়

গ্রাস ক'রতে আসছে—প্রতিশোধ নিতে আসছে—না—  
না—মেরোনা—মেরোনা—বধ ক'রো না—গ্রাস ক'রো না  
—বাঁচাও আমায়—

( রঘুনাথ ও আনন্দীর প্রবেশ )

রঘুনাথ ।—কার কাছে জীবনভিক্ষা ক'রছ আপাজিরাও ?

এখানে তো তোমার কোন আততায়ীই নেই !

আনন্দী ।—আপাজিরাও ! তুমি কি অসুস্থ হ'য়েছ ?

আপাজি ।—য়্যা—অসুস্থ ! কই না—কিন্তু—কিন্তু আমি বড়  
আশ্চর্য্য হ'য়েছি ! অদ্ভুত পরিবর্তন দেখে আশ্চর্য্য হ'য়েছি !  
আমি এইমাত্র দেখছিলাম—সখারাম আর ইলাবান্দি অতি  
ভয়ঙ্কর মূর্তি ধরে আমাকে আক্রমণ ক'রতে আসছে, কিন্তু  
এখন দেখছি, তারা আপনাদের দুজনের মধ্যে অদৃশ্য হয়ে  
গেলো !

রঘুনাথ ।—আপাজি ! সেই দিন থেকে নিত্যই তো এই রকম  
বিভীষিকা দেখে আসছ ! এসব মনের দুর্ব্বলতা মাত্র !  
এ চিন্তা পরিত্যাগ কর—

অপোজি !—রাওসাহেব ! সত্য সত্যই আমার মনে আর বিন্দু-  
মাত্র দুঃত্ব নেই ; আমি যেন কেমন এক রকম হ'য়ে  
গেছি ! সহসা কক্ষের মধ্যে প্রবেশ ক'রলেই দেখতে পাই,  
সখারাম যেন সেখানে ব'সে র'য়েছে ! আকাশের দিকে  
যদি চাই—তখন দেখি—ইলা যেন বিছাতের মতন

আমাকে লক্ষ্য ক'রে ছুটে আসছে ! দেখে কম্পিত হই—

খুঁচিঁত হ'য়ে পড়ি—

আনন্দী ।—তুমি বীরচূড়ামণি,—তোমার অন্তরের একরূপ  
দুর্বলতা—লজ্জার কথা ;—যাক্—এখন কাজের কথা কই  
এসো ;—পুণার সব সংবাদ শুনেছ ?

স্বাপাজি ।—শুনেছি ; মহীশূর থেকে ফিরে এসে পেশোয়ার  
কঠিন রোগশয্যাগত—আশীরগড়ের প্রাসাদে এখন তাঁর  
চিকিৎসা চ'লছে !

রঘুনাথ ।—চিকিৎসা বৃথা ; পেশোয়ার জীবনের কোন আশাই  
নেই ; এদিকে পুণার দরবারের অবস্থাও সঙ্কটাপন্ন ; সর-  
দার—অমাত্য সকলেই পেশোয়ার কাছে ; নির্বোধ  
নারায়ণরাওই এখন রাজকার্য্য দেখছে ; সুতরাং কলে  
কৌশলে এখন পুণার সিংহাসন অধিকার করা বোধ হয়  
তাদৃশ কষ্টসাধ্য নয় ।

আপাজি ।—সহজসাধ্য ব'লেও তো বোধ হয় না ! যাক্—  
এখন কি স্থির ক'রেছেন বলুন শুনি !

রঘুনাথ ।—আমি এবার শিবাজীর পন্থা অবলম্বন করব স্থির  
করেছি ।—বরযাত্রী সেজে বীরশ্রেষ্ঠ শিবাজী একদিন  
পুণায় এসে অভিষ্ট সিদ্ধ ক'রেছিলেন, আমরা এবার  
শিবযাত্রী সেজে পুণায় প্রবেশ করে কার্য্যোদ্ধারের সঙ্কল্প  
ক'রেছি ।

আপাজি ।—কথাটা বুঝতে পারছি না ।

রঘুনাথ ।—আজ কি তিথি জানা আছে ?

আপাজি ।—আজ ত্রয়োদশী ।

রঘুনাথ ।—কাল চতুর্দশী—শিব-চতুর্দশী ; সমগ্র পুণাবাসী কাল উপবাসী থেকে সারারাত্রি আমোদ প্রমোদে অতিবাহিত করে—প্রমোদ-প্রমত্ত নরনারী বহুরূপী সেজে নৃত্য-গীত-অভিনয় ক'রে পরিতৃপ্ত হয় ; এই ছলে—আমি আমার বিশ্বাসী সৈন্যদের বহুরূপী সাজিয়া অভিনয়ের ছলে নগরে প্রবেশ ক'রবো ; সে অভিনয়-দর্শনে নরনারী যখন তন্ময় হবে—তখন অমনি বজ্রনাদে পেশোয়ার মৃত্যুসংবাদ ঘোষণা ক'রে দোব,—তখনই উৎসব ভেঙে যাবে—প্রমত্ত নরনারী শোকাক্ত হ'য়ে গৃহে ফিরবে—ভক্ত রাজকর্মচারীরা পেশোয়ার শবযাত্রী হ'তে আশীরগড়ে ছুটে যাবে—

আনন্দো ।—আর সঙ্গে সঙ্গে শিবযাত্রী বহুরূপীর দল—সমরযাত্রী সৈনিকরূপে সমর-কোলাহলে সমগ্র সহর মুখরিত ক'রে—সিংহাসনগৃহে প্রবেশ ক'রবে,—ছদ্মবেশী শিবজুর্গা রাজ-পরিচ্ছদে রাজারাগীরূপে রাজাসন আলোকিত ক'রবে—আর নন্দীরূপী তুমি আপাজিরাম—রাজপ্রতিনিধিরূপে রাজসভা উজ্জ্বল ক'রবে।—এখন গোদাবরীর তীরে সুবিস্তীর্ণ অরণ্যে এই বিপুল বহুরূপীর মহলা দেখবে এসো ।

## চতুর্থ গর্ভাক্ষ ।

পুণা—সিংহাসন-গৃহ ; কাল—রাত্রি ।

সিংহাসনে রঘুনাথরাও ও আনন্দীবাই ;  
দক্ষিণে ও বামে আপাজিরাও ও রক্ষীগণ  
সম্মুখে বন্দীভাবে নারায়ণরাও ।

আনন্দী ।—নারায়ণরাও ! এখনো তুমি তোমার পিতৃব্যকে  
পেশোয়া ব'লে—আর আমাকে পেশোয়ার পত্নী মহারাণী  
আনন্দীবাই ব'লে স্বীকার ক'রতে প্রস্তুত নও ?

নারায়ণ ।—কখনই নয় ! বিশ্বাসঘাতকতা ক'রে—অভিনয়ের  
ছলে অভিযান ক'রে—অতর্কিত ভাবে আমাকে বন্দী ক'রে  
তোমরা সিংহাসনে বসেছ ! কিন্তু এর স্থিতি কতক্ষণ ?  
মহাশক্তিমান পেশোয়া মাধবরাওয়ের শক্তি সামর্থ্য প্রতি-  
পত্তি কেবল এই সিংহাসন-গৃহেই সীমাবদ্ধ নয় !

রঘুনাথ ।—কিন্তু দুঃখের বিষয়—মাধব রাও এখন আর জীবিত  
নয় ! তার নাম আছে—স্মৃতি আছে—কীর্তি আছে—  
কিন্তু সে মূর্তি আর নেই ।

নারায়ণ ।—সে মূর্তি আমার হৃদয়ে বিরাজ ক'রছে ;—আমার  
বিবেক বলছে—সে মূর্তি আবার এই সিংহাসনে প্রকাশ  
পাবে ! . পেশোয়ার মৃত্যু ঘোষণা—তোমার মিথ্যা রটনা ;

ভাই ভাইয়ের পরস্পরের প্রাণ—অন্তরে অন্তরে অচ্ছেদ্য-  
বন্ধনে বাঁধা ; ভায়ের বিপদ ভাইকে জানাতে হয় না—  
অন্তর আপনি জানতে পারে ! আমার অন্তর ব'লছে—  
ভাই আমার বেঁচে আছে ।

( মাধবরাও, জনার্দন, জানোজি ও শিবপন্থের প্রবেশ )

মাধব ।—হাঁ—নারায়ণ ! ভাই তোমার বেঁচে আছে—মরেনি ;  
পিতৃব্য ! মাধবরাও মরেনি এখনো—বেঁচে আছে ! যতক্ষণ  
না মাধবরাও চিতায় শয়ন ক'রছে—অঙ্গতার ভয়ে পরিণত  
হচ্ছে—ততক্ষণ সে মরছে না ! আমাকে দেখে স্তম্ভিত  
হয়ে গেছো পিতৃব্য—তা এ আশ্চর্য্য নয়—পুরদ্বারে  
আমাকে দেখে তোমার রক্ষীদল আমাকে প্রেত মনে করে  
মুচ্ছা গেছে ! তুমিও কি আমাকে প্রেত মনে ক'রছ ? কি  
দেখছ—জীবন্ত মাধবরাও—না তার প্রেতাত্মা ? কি দেখছো ?  
অপাজিরাও, তলোয়ার খুলছ ? বেশ—খোল তলোয়ার,  
আমি তাই চাই—নারীঘাতক রাক্ষস তুমি—তোমাকে  
আমি চাই—তোমার রক্তে—আমি—না—না—না—ওরক্ত  
আমার অঙ্গ স্পর্শ ক'রলে শত জনেও আমার নরক-যন্ত্রণা  
ঘুচবে না—তোকে—তোকে—

আপাজি ।—পেশোয়া ! আপনাকে আক্রমণ করবার জন্ত আমি  
তলোয়ার খুলিনি—এই তলোয়ার আপনার চরণতলে  
নিষ্কেপ ক'রে আত্মসমর্পণ ক'রছি । ( তলোয়ার ত্যাগ )



মাধব ।—নারায়ণ—নারায়ণ—আয় ভাই—পিতৃব্যের বন্ধন

ভাইয়ের আলিঙ্গনে ছিন্ন করি ।—( বন্ধন মোচন )

নারায়ণ ।—দাদা ! দাদা ! দাদা !

জনর্দন ।—পেশোয়া ! পেশোয়া ! রাজদ্রোহীরা এখনো  
সিংহাসনে ।

মাধব ।—প্রাণদণ্ডে দণ্ডিত অপরাধী—ক্ষণিকের জন্ম—সকলের  
উচ্ছে শূলের ওপর শোভা পায় জনর্দন ।—পুণার সিংহা-  
সনে একবার আরোহণ করতে পিতৃব্য আর পিতৃব্যপত্নীর  
অন্তরের আকুল আকাঙ্ক্ষা ছিল ! আজ তা পূর্ণ হয়েছে !  
মহাপাগীর চরম আকাঙ্ক্ষা পূর্ণ করা ধর্ম্মাধিকরণের কর্তব্য ।  
পিতৃব্য ! সাধ মিটেছে ? দাঁড়াবার আর সামর্থ নেই  
আমার—শয্যা শূন্য প'ড়ে আছে,—সাধ মিটেছে পিতৃব্য ?

রঘুনাথ ।—মাধবরাও—

জানোজি ।—থবরদার দাদাসাহেব—পেশোয়া বলো,—নইলে  
টুটি ধ'রে এইখানে এনে খাড়া ক'রবো—

রঘুনাথ ।—পেশোয়া ! আমরা স্বেচ্ছায় সিংহাসন ত্যাগ করেছি,  
আমাদের স্বাধীনভাবে বেদনুরে যাবার অনুমতি দাও ।  
( সিংহাসন হইতে নিম্নে অবতরণ )

মাধব ।—যে প্রাণঘাতী পাখী একদিন আমার মস্তক চূর্ণ:  
করবার জন্য তার তীক্ষ্ণচঞ্চু উদ্যত ক'রেছিল, সে পাখীকে  
পিঞ্জরাবদ্ধ ক'রেও আমি তাকে স্বাধীনভাবে ওড়বার সামর্থ

দিয়েছিলেম—আজ সেই পাখী আবার আমার কক্ষমধ্যে এসে আমার প্রাণসংহারে প্রবৃত্ত হ'য়ে জালে আবদ্ধ হয়েছে! স্বাধীনতা দূরের কথা—পামর পাখী এখনো প্রাণের প্রত্যাশা করে?

আনন্দী।—কিন্তু পাখী জালবদ্ধ হ'লেও এখনো সঙ্গীশূন্য নয়,—  
তার সৈন্য প্রস্তুত, রক্ষী সশস্ত্র!

জনার্দীন।—বাইরের সমস্ত সৈন্য বন্দী হয়েছে—তার এই রক্ষী-  
দের নিরস্ত্র ক'রতে পেশোয়ার একটিমাত্র অঙ্গুলি উত্তোল-  
নের ওয়াস্তা!

মাধব।—ওদের কারাগারে নিয়ে যাও জনার্দীন,—আজ হ'তে  
সপ্তাহের মধ্যে এদের তিন জনের প্রাণদণ্ড হবে।

[ সকলের প্রস্থান।

## পঞ্চম গর্তাঙ্ক।

পূর্ণা-প্রাসাদ—অলিন্দ। কাল—মধ্যাহ্ন।

রমাবান্দি।

রমাবান্দি।—আপাজি আমার কাছে প্রাণ ভিক্ষা চেয়েছে—  
আবার আমাকে পত্র লিখেছে।—রাখাল বালকের গরুর  
পালে আজ সত্য সত্যই বাঘ এসেছে! কিন্তু এবার তার

অকিঞ্চিৎকর চীংকার শুনেও—কেউ তাকে সাহায্য করতে যেতে ইচ্ছুক নয়! কিন্তু সেই রাখালের যদি ভগিনী থাকতো, তাহলে বারবার প্রতারণিত হ'য়েও, শেষ পর্যন্ত সে সমান ভাবে ছুটতো! রাখালের ভগিনী ছিল না, আপাজির ভগিনী আছে। হা ভগবান! কেন তুমি সংসারে ভগিনীর সৃষ্টি ক'রেছিলে—কেন ভগিনীর অন্তরে ভ্রাতৃস্নেহের পীষু-ধারা ঢেলে দিয়েছিলে! পিশাচে যা করতে ভয় পায়, আমার ভাই তার চেয়েও ভয়ঙ্কর কাজ করেছে—নারীহত্যা করেছে—ব্রহ্মহত্যা করেছে,—তারই মহাপাপে আমার পুণ্যাত্মা স্বামী আজ মরণাপন্ন—মৃত্যুর করাল কোলে ধীরে ধীরে চলে পড়েছেন! এজেনেও ভাইয়ের পরিণাম শুনেও—ভাইয়ের সেই মলিন মুখ খানি ভেবে প্রাণ আমার আকুল হ'য়ে কেঁদে উঠছে! কিন্তু আমি কি করতে পারি? প্রাণের এই কাতর রোদন নিবারণ করবার আমার সামর্থ্য কই! প্রাণভিক্ষার কথা মনে হলে—ইলা সখারানের রক্ত মাথা দেহটি চোখের ওপর ফুটে ওঠে—কারাগারের সহস্র অপরাধীর কথা মনে জাগে! হত্যাকারী হ'য়ে—বিদ্রোহী হ'য়ে—রাণীর ভাই যদি মুক্তি পায়—না, না—এ আমি ভাবছি কি ক'রে! এ হ'তে পারেনা;—আপাজি—আপাজি—ভাই—ক্ষমা করো আমাকে—আমি অক্ষম—সত্যই অক্ষম—ওকি! ওকি!—জানজি! কি এ—

( আপাজির ছিন্ন মুণ্ড হস্তে জানোজির প্রবেশ )

জানোজি ।—মা ! চিনতে পারছ না !

রমা ।—ওঃ—জানোজি ! তুমি কি মানুষ ? না—না—পিশাচ—  
পিশাচ তুমি—তাঁই ভাইয়ের ছিন্নমুণ্ড ভগিনীকে দেখাতে  
এনেছো ! ওঃ—কি ভয়ঙ্কর পিশাচ তুমি—

জানোজি ।—মা, আমার তো কোন অপরাধ নেই ! আপনার  
ভাইয়ের প্রার্থনা আমি পূর্ণ ক'রেছি,—মরবার আগে তিনি  
ঈশ্বরের নাম ক'রে প্রার্থনা ক'রেছিলেন—যেন আপনার  
কাছে তাঁর—

রমা ।—থাক্ থাক্—আর ব'লতে হবে না,—আর ব'লো না,—  
ভাই আমার—ভগিনীর ওপর অভিমান ক'রে খুব প্রতি-  
শোধ নিয়েছো—খুব প্রতিশোধ নিয়েছো,—আর তোমাকে  
ভিক্ষা ক'রতে হবে না—তোমার জন্ম আমাকেও আর  
ভাবতে হবে না ; সব শেষ হ'য়েছে—সব শেষ হ'য়ে  
গেছে !—ভাই ছিল—আমার ভাই ছিল,—পাপী হোক—  
তবু সে তো আমার ভাই ছিল—বুকের ভিতর শিরার  
সঙ্গে স্মৃতি তার জড়ানো ছিল—আজ সে বন্ধন ছিন্ন হ'ল—  
ভাই ব'লতে আর কেউ রইল না ! উঃ ভাইয়ের শোক—  
ভাইয়ের শোক—থাক থাক থাক ! আমি যে রাণী—কাদ-  
বারও বুঝি আমার অধিকার নাই !—জানোজি—জানোজি  
—নিয়ে যাও—তার চিহ্ন এখানে আবু কিছু রেখো না—

ষাও—যাও—চলে যাও,—আচ্ছা দাঁড়াও—আর একটু  
কথা জিজ্ঞাসা ক'রবো—ককাসাহেবও কি এই অবস্থাপন্ন  
হয়েছেন ?

জানোজি ।—না মা ; কাল তাঁর—

রমা ।—তাঁর পত্নীর কথা জানো ?

জানোজি ।—কাল প্রাতে এক সঙ্গে তাঁদের দুজনেরই প্রাণদণ্ড  
হবে ।

রমা ।—আচ্ছা—যাও—যাও—আর এখানে থেকে না—  
আমার নিশ্বাস রুদ্ধ হচ্ছে—যাও তুমি জানোজি—

[ জানোজির প্রস্থান ]

আর কেন ? আপাজির শোণিতে অশান্তি রাক্ষসীর দারুণ  
পিপাসা মিটে গেছে—তবে আর রক্তপাত কেন ? পেশো-  
য়ার চরণে প'ড়ে পিতৃব্যের প্রাণ ভিক্ষা ক'রবো, তাঁর  
পত্নীকে মুক্ত ক'রবো ! ভাইয়ের জন্য রাণীকে ভিক্ষা ক'রতে  
নেই, কিন্তু রাজার মঙ্গলের জন্য দাঁতে তৃণ ধ'রতেও রাণীর  
বারণ নেই !

[ প্রস্থান ।

## ষষ্ঠ গর্ভাক্ষ ।

কারা-কক্ষ । কাল—রাত্রি ।

রঘুনাথরাও ও আনন্দীবাঈ ।

রঘুনাথ ।—বিভীষিকা—বিভীষিকা—চতুর্দিকে কেবল বিভী-  
ষিকা দেখছি আনন্দী ! ভয়ঙ্কর বিভীষিকা—ভীষণ মৃত্যু  
বিভীষিকা !

আনন্দী ।—চুপ কর তুমি ; পাগলের মতন বথা চীৎকার ক'রোনা  
—কাপুরুষের সমস্ত লক্ষণগুলি আর প্রকাশ ক'রো না ।

রঘুনাথ ।—বেশ—বেশ ; চতুর্দিকে মৃত্যুর জ্বলন্ত শিখা,—এর  
ওপর তুমি এগার তোমার নারী-হৃদয়ের সমস্ত বিদ্রোহ-বহ্নি-  
শিখা নিয়ে আমাকে আচ্ছন্ন করো—জীবন্ত আমাকে  
দগ্ধ করো ।

আনন্দী ।—এখন দগ্ধ হ'তে যদি তোমার এত সাধ—তাহ'লে  
সেদিন যখন ক্ষণিকের জন্য সিংহাসনে ব'সেছিলে—তখন  
কেন সেইখানে রাজার মতন মৃত্যুকে বরণ ক'রলে না—  
যুদ্ধের অনলে কেন তখন দগ্ধ হ'লে না !—সে মৃত্যু তো  
সুখের ছিল—গর্বের ছিল—গৌরবের ছিল !

রঘুনাথ ।—তোমার নারী-হৃদয়ের এ বুদ্ধি তখনই বা কেন লুপ্ত  
হ'য়েছিল ? তোমার বীরহুশিখা কেন তখন জ্বলে ওঠেনি !

আনন্দী।—জ্বলনি তোমার জন্ম,—তোমার মত কাপুরুষের  
 অধম সাহচর্যের জন্ম ! মেঘের মতন তুমিই প্রথমে  
 সিংহাসন থেকে অবতরণ ক'রে পেশোয়ার কাছে অনুগ্রহ  
 ভিক্ষা ক'রেছিলে ! লতা যতক্ষণ বৃক্ষকে আশ্রয় না করে—  
 ততক্ষণ সে নিজের শক্তিতে অগ্রসর হয়, বৃক্ষের আশ্রিত  
 হ'লে—আত্মশক্তি ভুলে লতা তখন বিপদে বৃক্ষের শক্তির  
 ওপর সমস্ত নির্ভর করে ! আমিও এখন এই লতার  
 অবস্থাপন্ন হ'য়ে আত্মশক্তি বিসর্জন দিয়েছি ! সেদিন যদি  
 আমি একাকিনী পূর্বের কুমারী আনন্দীবাস্ত্রয়ের মতন—  
 পুণার সিংহাসনে আসীনা থাকতাম—তাহলে সমস্ত হিন্দু-  
 স্থান একত্র হয়েও আমাকে সিংহাসন থেকে নামাতে  
 পারতো না ।

রঘুনাথ।—ক্রমেই দেখছি তুমি ভীষণ হয়ে উঠছো ; আমি  
 পরাজয় স্বীকার করছি—তুমি ক্ষান্ত হও !—ওকি ! দ্বারো-  
 দ্যাটনের শব্দ না ! তবে বুঝি ঘাতক আসছে ! ওই—  
 ওই বুঝি ঘাতক—

( রক্ষী সঙ্গে রমাবাস্ত্রয়ের প্রবেশ । )

রমা।—কাকাসাহেব ! আমি আপনার কুলবধু—ঘাতক নই ।—

( রক্ষীর প্রতি )—শীঘ্র এঁর বন্ধন খুলে দাও ।—

রঘুনাথ।—একি ! মাক—রুণাময়ী—তুমি ! আমাকে মুক্ত

ক'রতে এসেছো ? ( রক্ষীকর্তৃক বন্ধন মোচন )

রমা ।—মা ! এসো—আমি তোমার বন্ধন খুলে দিই—

আনন্দী ।—থাক্—যথেষ্ট হয়েছে ;—আমার বন্ধন আর খুলতে হবে না !

রমা ।—বন্ধন মুক্ত না হলে—বন্ধ হাতে কি ক'রে তোমার পুত্রকে আশীর্বাদ ক'রবে মা ! তিনি যে মহাপ্রস্থান করছেন ।

রঘুনাথ ।—য়্যা—সে কি ?

রমা ।—প্রদীপ নিবে এসেছে কাকা—একটু ক্ষীণ আভা আছে মাত্র! আপনাদের আশীর্বাদ নিতে—নির্বাণের আগে ক্ষণিকের মত 'যদি একটু জলে ওঠে!—মা ! বন্ধন মুক্ত ক'রতে দাও,—পুত্রের ওপর অভিমান ভুলে যাও,—একবার যদি সে মূর্ত্তি এখন দেখো—চক্ষু তোমার জলে ভ'রে যাবে ! তোমার পদতলে ব'সে ভিক্ষা চাইছি মা—ক্ষমা করো— বন্ধন খুলে দিই মা—

আনন্দী ।—( উদাসভাবে ) দা—ও !—( রমাকর্তৃক বন্ধনমোচন )  
( স্বগত ) পেশোয়া জয়ী হ'য়ে জগতের বাইরে পালিয়ে যাচ্ছে ;—আর—আর—নরকের প্রতিহিংসা নিয়ে প্রতি-  
দ্বন্দ্বিনী আমি তার—এখানে ! উঃ—জিতল' কে—জিতল' কে !—জিত কার !

[ সকলের প্রস্থান ।



## সপ্তম গর্ভাঙ্ক ।

—:—

পুণা—প্রাসাদ-কক্ষ । কাল—রাত্রি ।

পালক্ষে মাধবরাও শায়িত ।

নিম্নে জনার্দন, শিবপন্থ, অমাত্যগণ, জানোজি,

বৈদ্যগণ প্রভৃতি আসীন ।

মাধব ।—সকলে শপথ করো—আমার মৃত্যুর সঙ্গে সঙ্গেই  
নারায়ণকে সিংহাসনে বসাবে ।

সকলে ।—শপথ করছি—ঈশ্বরের নামে শপথ করছি পেশোয়া !

মাধব ।—শপথ করো—তোমরা সকলে—প্রাণপণে তাঁকে রক্ষা  
ক'রবে ।

সকলে ।—শপথ ক'রছি—প্রাণপণে তাঁকে রক্ষা ক'রবো ।

মাধব ।—শপথ করো—যদি সে কিছু অগ্ৰায় করে—আমার  
কথা মনে ক'রে—তা সহ্য ক'রবে ।

সকলে ।—শপথ ক'রেছি—তাঁর সহস্র অগ্ৰায় অম্লান বদনে সহ্য  
ক'রব ।

মাধব ।—ভগবান গণপতি তোমাদের কল্যাণ করুন,—নারায়ণকে  
রক্ষা ক'রতে তোমাদের অন্তরে রাজভক্তির অনন্তধারা চলে  
দিন—আমি এখন মহাসুখী—সুখে এবার মরতে পারবো ।

( রমাবাদী, রঘুনাথ ও আনন্দীর প্রবেশ ) •

রমা ।—পেশোয়া ! পেশোয়া ! কাকাসাহেব এসেছেন—কাকী  
সাহেবা এসেছেন—আশীর্বাদ ক'রছেন !

মাধব ।—কাকা—মা—প্রণাম ; মহাপ্রস্থান ক'রছি,—আমাকে

যে আশীর্বাদ ক'রবেন—তা নারায়ণকে—ওঃ—

রঘুনাথ ।—পেশোয়া ! পেশোয়া ! পুত্র আমার—বংশের কুল-  
তিলক আমার—

আনন্দী ।—পুত্র ! পুত্র ! তুমি আমার পুত্র, পুত্রহীনা আনন্দী-  
বাস্ত্রের তুমি সর্বস্ব ;—আজ এ দৃশ্য দেখে—পাষণ বিগ-  
লিত হ'চ্ছে ! পুত্র ! জগতে কারো মুখে কখনো মায়ের  
সম্ভাষণ শুনি নি ! রমা আজ আমাকে মা ব'লে ডেকে কঠিন  
অনুরে আমার মাতৃস্নেহের মন্দাকিনী ছুটিয়েছে ! বৎস !  
তুমিও একবার এই মহাপাতকিনীকে মাতৃসম্বোধন করো ।

মাধব ।—এ বুঝি স্বপ্ন !

আনন্দী ।—না সত্য ; মহারাষ্ট্রের সবিণা, সত্যের অবতার, ধর্মের  
সিদ্ধ, দুর্বলের বন্ধু, বৎস—পুত্র আমার—তোমাকে মৃত্যুর  
কোলে নিক্ষেপ ক'রে আমি আজ আত্মবলি দিয়েছি,—আমার  
চিরশুদ্ধ নয়নে আজ প্রত্যেক বিশ্বকণা—ত্যাগ ও করুণায়  
ফুটে উঠেছে ।—স্নেহের তরঙ্গে হৃদয় ভেঙ্গে পড়ছে !

মাধব ।—মা—জননী ! দেহী আমি—দেবতা নই ;—তোমার  
নয়ন কোণে আজ যে করুণা ফুটে উঠেছে—তা পুণায়  
প্রবাহিত হোক,—নারায়ণের মস্ততে কুমররাশির মতন  
বর্ধিত হোক—বিশ্বের কল্যান হোক !—রমা !—ঐ উল্কে  
আলো ফুটে উঠছে ! ঐ—ঐ—ঐ—আহা—সুন্দর দৃশ্য—

সুন্দর মুরতি—জননী ভগবতী—কোলে তাঁর গণপতি—

জয় প্রভু—জয় প্রভু—জয় গণপতি ! (মৃত্যু)

রমা।—(পদতলে বসিয়া) ওঃ, প্রভু আমার মহা প্রস্থান  
ক'রছেন !

সকলে।—(মস্তকের পাগড়ী খুলিয়া)—পেশোয়া ! পেশোয়া !—

ওঃ—জয় প্রভু গণপতি ! জয় প্রভু গণপতি ! !

আনন্দী।—যাও—মহাপুরুষ ! জীবন-মধ্যাহ্নে জীবনের খেলা  
শেষ ক'রে—ভগবানের রাজ্যে নিষ্পাপ হৃদয়ে মহাপ্রস্থান  
করো ; তোমার জয় সর্বস্থানে। 'ধরাতলে অতুল প্রতাপে  
রাজশক্তি আয়ত্ত ক'রেছিলে,—উর্কে ঈশ্বরের রাজ্যে অতুল  
যে ঐশীশক্তি—তাও তোমার করতলে ! [ প্রস্থান।

(বেগে নারায়ণের প্রবেশ)

নারায়ণ।—একি—একি—দীপ নিবে গেছে ! পেশোয়া—

পেশোয়া—দাদা—

পট পরিবর্তন।

সিংহাসন-গৃহ প্রকাশ।

সকলে।—(মস্তকে পাগড়ী দিয়া নারায়ণকে অভিবাদন)—

পেশোয়া ! পেশোয়া ! সিংহাসন গ্রহণ করুন—

নারায়ণ।—কমা করুন আমাকে—আমি সিংহাসনের প্রার্থী

হ'য়ে আসিনি।

রঘুনাথ।—কিন্তু সিংহাসন তো রাখতে নেই নারায়ণ !—

অমাত্যগণ । "একদিন আমিই এই সিংহাসনে আঘাত ক'রে  
ছিলেম,—আর আজ আমিই এই সিংহাসনের মর্যাদা রক্ষা  
ক'রবো ;—আমিই স্বহস্তে নারায়ণকে সিংহাসনে স্থাপন  
ক'রবো,—বৎস । সিংহাসন গ্রহণ করো— তোমার ভ্রাতার  
অন্তিম আদেশ—আমার অনুরোধ—এই সব ভক্তমণ্ডলীর  
আকুল আকাঙ্ক্ষা পূর্ণ করো ।

রঘুনাথ কর্তৃক নারায়ণকে সিংহাসনে স্থাপন,—

নারায়ণের মস্তকে মুকুট অর্পণ ।

সকলে ।—জয়—পেশোয়া নারায়ণ রাওয়ের জয় ।

জনার্দন ।—পেশোয়া ।—সর্বভ্যাগী ফকিরের পুণ্যদেহ প'ড়ে  
র'য়েছে ! সংকার করবার অনুমতি হোক ।

রমাবাই ।—( উঠিয়া ) পেশোয়া । ফকীরের সহধর্মিনী—স্বামী

সঙ্গে সহযুতা হবার প্রার্থনা ক'রছে, প্রার্থনা—

নারায়ণ ।—( সিংহাসন হইতে নামিয়া রমাবাইয়ের পদতলে

বসিয়া ) মা ! মা ! মা ! রক্ষা করো—পুত্র—সন্তান—

ভৃত্য আমি তোমার ;—আমার কাছে তোমার প্রার্থনা—

যত্নগা মনে হয়,—ইচ্ছাময় তোমার ইচ্ছা পূর্ণ করুন, মা !

সকলে ।—জয়—রমা-মাধবের জয় ! জয় রমা-মাধবের জয়

জয় রমা-মাধবের জয় ! !

যবনিকা

[ ২১৮ ]













